

# *MIMOYA LEYI YI*

## *NGA EKHOTSWENI SWESWI*

 Ndza khensa. A hi korhamiseni tinhloko ta hina xinkadyana.

Tatana wa le Matilweni, ha Ku khensa swinene, namunthla, eka nkateko lowu wa kuva hi tlhela hi hlengeletana nakambe hi nkarhi wun'wana, hi ri karhi hi switiva leswaku ka rin'wna ra masiku hi ta hlengeletana ro hetelela, tani hi vahundzi, kutani hi ta hlengeletana endhawini leyи yi kwetsimaka na Wena, ni hinkwavo vakutsuriwa va tinguva hinkwato va ta hlengeletana kwalahaya.

<sup>2</sup> Oho, timbilu ta hina ti bela ehenhla, ta...niku khensa kuva hi nghanile, hi rindzerile awara yaleyo leswaku yi fika! Na leswaku, hinkwako ku chava ku nyamalala eka hina. Hi hava lexi hi nga xi chavaka, ku hava lexi xi chavisaka ngopfu. Hi langutele xitshembhiso lexi Tatana la nga riki na Makumu a nga hi ts hembhisa xona, nakona ha switiva leswaku i Ntiyiso. Sweswo hi swona swi endlaka leswaku hi hanya. Hi hanyela sweswo, awara ya leyo, nkarhi walowo, loko ku bola loku ku ta nciciwa, kutani hi ta endliya kukotisa Yena, nakona a ku nge hevi na vuvabyi, a ku nge hevi na maxangu, a ku nge hevi na ku pandza ka timbilu. Oho, hinkwaswo swi tava swi herile kwalaho. Kutani kuva kuri na ntsako wa mbilu, hina, hi ripfumelo niku tiyisana, hi langutele Siku lero.

<sup>3</sup> Sweswo hi swona swi endlaka leswaku hi hlengeletana lahawani namunthla, Hosi, leswaku hi ta tivula ku hoxisa ka hina ni kuva hi kombela tintswalo. Sweswo hi swona swi endlaka leswaku hi kongomana na altari leyи mixo lowu, hikuva ha switiva leswaku hi lava va bolaka, nakona kuna swihoxo swo tala eka hina, nakona hi talele hi ku hoxa. Kambe hi ta hi ta tivula ku hoxisa ka hina, kutani hi languta eka Tatana wa hina wale Matilweni na timbilu leti tipfulekeke, eka mikateko ni matimba lamantshwa na ripfumelo, leswi A nga ta hi nyika swona eka awara leyи, tani hilaha hi hlengeletaneke lahawani kuya hi xitshembhiso, "etindhawini tale Matilweni eka Kreste Yesu." Hikwalaho hi koxa leswaku hi hundzile eka rifu hi ya eVuton'wini, hi xitshembhiso xa Yena, kutani hi kumeka eka moyo wale Matilweni, hi tshamile na Yena sweswi. Leswaku A nga hi dyondzisa emixweni lowu swilo leswi A lavaka leswaku hi switiva, kutani a hi nyika Vuswa bya Vutomi, leswaku hi nga

ha tiyisisa vutomi lebyi byi nga emahlweni ka hina. Hi nyike swona, Hosi. Lexi i xikhongelo xa hina lexi hi xikombelaka hi Vito ra Yesu Kreste. Amen.

Mi nga tshamisa.

<sup>4</sup> I mixo lowunene, eka un'wana na un'wana. Nakona swi saseke ngopfu kuva hi hlengeletanile lahawani na n'wina eka mixo lowu nakambe, eka moyo wa Matilo lowu wo gandzela.

<sup>5</sup> Ntsena hi hlwerile nyana swintsongo, hi ve na... kun'wana ka xiviri, ku foynieriwa kun'wana loku ku biheke hakunene eka timinetse tintsongo leti ti nga hundza; jaha ri pavalarile lahaya, ri ri ekufeni. Swi ntiyiso ntsena tani hi mina ndzi nga yima lahawani, Hosi yi khumbhile miri wa yena yi n'wi rhumela epatwini. Swingaleswi...

<sup>6</sup> Kutani ja—ja—jaha leri ri nga yima lahawani, laha a nga jaha ra mutswala wa mina. A va ri va Khatholiki hakunene, kusungula hi swona, kambe a va fanele vaye eku tlangeleni ka xilalelo xa hosi mixo lowu kutani swin'wana swi va byerile ku ta lahawani. Kutani swingaleswi va... Ku na ku ncinka. Swingaleswi va—va ta endlwini sweswi, va ta ti lulamisela nkhuvulo wa mati. Swingaleswi va—va... ntsena i swa kahle leswi Hosi ya hina yi swi endlaka nkarhi hinkwawo. Ntsena Yi tshamela ro endla swilo. Va ta eku ngheneni, nakona va ngaka va nga swikoti ku nghena. Va vule leswaku va hava ndlela yin'wana yo nghena.

<sup>7</sup> Ndzi teri, “Kunene, mi lava ku vulavula na mina,” kutani ndzi ku, “kunene, ntsena tanani endlwini, kutani hi ta vulavula hi swona, kwalahaya.”

<sup>8</sup> Swingaleswi ndzi ehleketa, endleleni ya mina yo ya eNew York sweswi, eka nhlengeletano leyi yi taka, leyi ntsena yi nga tava yi ri kahle... Ndza switiva leswaku ndzi ta koka moyo loko ndzi nghena niku—niku pfuna ku tlweba ndzilo wa mina kusuka eka ndzilo hinkwawo lowu mi ngava na wona, kutani hi yimile eka swa namuntlha, mixo lowu. Kutani hi nghena eka swa tolo, swa tolweni, ni ndzhengha.

<sup>9</sup> Nakona hi fanele ku famba. Ndzi fanele ku famba, ndzhengha lowu, kambe ndzi ehleketa leswaku ndzi ta famba... Kutani hi sungula na mixo, ka ha ri mixo, ka ha ri mixo swinene... Hi nga hava na gamboko emapatwini, na swin'wana, exikarhi ka lahawani na New York. Ndzi fanele ku ta hile Virginia, hile tintshaveni, nakambe na le ka ti Allegheny, nakona ntsena kuya fika eka xiphemu xale hansi xale—xale Adirondack.

<sup>10</sup> Swingaleswi hi sungula a, ndzi rivarile, kuna arena kwalahaya, leyintshwa. Va mbundzumuxile Saint Nicholas arena ya khale, ndza swi twisisa. Va aka leyin'wana yintshwa. Kutani tani hilaha ndzi swi tivisaka xiswona, hi kuma

kwalomu ka vusiku byo sungula lebyi byi nga se tshamaka byi...lebyi byi nga nyikiwa. Swingaleswi ha khensa swinene ha sweswo, eka vanhu va Pentekostal vale New York nkulu. Ndzi ehleketa leswaku hi na tikereke to hlaya leti ti nga na ntirhisano, hi langutele nkarhi lowukulu.

<sup>11</sup> Kutani hi ta tlhela hi vuya, hi ku rhandza ka Hosi, nkarhi wun'wana vhiki leri ri taka. Nakona—nakona loko kuri ku rhandza ka Xikwembu, hikokwalaho ka yini, hi tshembha leswaku hi ta yima hi yimela Sonto, ku ringana vhiki, ku—ku yimela xikhongelo xa mixo wa Sonto.

<sup>12</sup> Kutani ndzi tlhela ndzi voyamela eka mufundhisi wa hina nakambe, tani hi ntoloveloo ndzi swi endlaka, ma swi vona, kutani—kutani ndzi ehleketa leswaku loko ndzi nga nghena, kutani hambi munhu a nga kombelanga. Kutani kuva kwalahaya ku na ntlawa wa kahle lahwani, kutani na vanhu lava ndzi va vonaka va huma ehandle ka doroba, va kona kwala; a ndzi ehleketa leswaku kumbexani, vusiku lebyi, loko mufundhisi a nga ri na swin'wana swa nkoka, leswaku hi nga ha va na nhlengeletano nyana vusiku lebyi, ntsena yo koma, nakona, kunene, kumbe hi khongelela vavabyi. [Makwerhu Neville na nhlengeletano va tsaka—Muhleri.] Ndza khensa.

<sup>13</sup> Hi tshembha leswaku hi ta khongelela vavabyi vusiku lebyi, hi vulavula hi ku hanyisiwa ka Vukwembu niku—niku khongelela vavabyi. Hi ta hatla hi sungula leswaku hi ta kota ku hatla hi huma kaharhi na nkarhi. Kutani loko mufundhisi a nga swikota, leswi... Hi ntoloveloo mi sungula hi hafu ku bile awara ya nkombo. A hi swona xana? Swi ngava njhani loko hi nga sungula hi awara ya nkombo vusiku lebyi, hi awara ya nkombo? [Makwerhu Neville a ku, "Amen."—Muhleri.] Kutani mina mi ndzi pfumelela ku tlakuka hi hafu ku bile awara ya nkombo, kutani sweswo swi ta ndzi pfumelela leswaku hi huma hi awara ya nhungu kumbe hafu ku bile awara ya nhungu, nakona swi nyika vanhu nkarhi kutani wo—wo famba, loko sweswo—sweswo swi ri—swi ri kahle. Un'wana na un'wana wa hleka loko ndzi—loko ndzi ku awara ya nhungu, kumbe hafu ku bile awara ya nhungu. Ndzi—ndzi—ndzi tshembha ku va ndzi humile hi nkarhi walowo. Ku khongelela vavabyi, ma swi tiva, a hi swi tivi.

<sup>14</sup> Swingaleswi hi vile na—na nkarhi wa kahle kusukela loko hi tava hi hambanile na n'wina eka ku hela ka Nguva ley, emasunguleni, kutani Hosi yi hi katekisile eka swilo swo tala swa kahle. Leswaku... Kutani vusiku lebyi, loko Hosi yi swi rhandza, ndzi lava ku mi byela hi vuendzeri bya mina byo hetelela ndzi ngava na byona, byo huma eka Xikwembu, eColorado, mavhiki mantsongo lawa ya nga hundza. Kutani sweswo hi leswi a ndzi ehleketa leswaku ndzi ta mi tisela swona sweswi, kumbexani swi temula ripfumelo eka xikhongelo xa kahle xo hanyisa vusiku bya namunthla, eka vavabyi ni lava va xanisekaka.

<sup>15</sup> Sweswi, mixo lowu, leswaku hi nghena hi kongomana na xikhongelo, ndzi... Swin'wana swi khumbhe mbilu ya mina kwalomu ka nhweti leyi yi nga hundza. Kutani ku nga hava kuri swona, sweswi, ndzi ehleketa leswaku va... Xana vale ku swi kandziyiseni leswi xana? Xana vale ku swi kandziyiseni xana? Ina. Hi swona. Leswaku ndzi ta kota ku swi tiva, loko tithepi ti ta fikelela van'wana. Ndzi ngaka ndzi nga swivuli leswi ndzi yaka eku vulavuleni hi swona hi mixo lowu... A ndzi nge vuli leswaku swi—swi—swi i... Ndza switiva leswaku swi kahle, wa vona, xiphemu xa Hungu xi tava xi ri kahle. Kambe nchumu, lowu ndzi lavaka ku wu endla, i xivutiso lexi xi nga emiehleketweni ya mina. Xi languteka xi ri xa nkoka. Kutani kusukela loko ndzi tava ndzi nghanile, kutani kusukela loko ndzi... swi hlavuteriwile eka mina, a ndzi chava leswaku ndzi ta vula leswi swi nga hoxeka ni leswaku ndzi nga ha siya nhlamuselo leyi yi nga hoxeka evanhwini. Nakona i... Kutani mina...

<sup>16</sup> Laha ni nga na tinotsi ni nga ti tsala lahawani, eka leswi ndzi yaka eku swivuleni, ndzi tsemile xiphemu xa tona ndzi xi susa, leswaku ndzi nga hava ndzi nga swi endli swi va leswi swi nga tika ngopfu. Hikuva, ma swi vona, loko—loko munhu... Ndzi—ndzi rhandza Hosi Xikwembu, nakona, ndlela yin'we ntsena leyi ndzi swi tivaka ha yona leswaku ndza Xi rhandza, hi leswaku i kuva ndzi rhandza n'wina. Wa vona? Yaleyo hi yona ndlela leyi ndzi yi tivaka. Nakona hambi swi ri tano a—a ndzi swi lavi leswaku ndzi va na swin'wana leswi swi nga hlavuteriwa eka mina kutani ndzi nga mi byeli, loko swi fanele hikuva mi byeriwa swona. Nakona ndza chava leswaku loko ndzi nga vula swin'wana hi ku tikisa nyana, swi nga ha vavisa un'wana. Kutani, ma swi tiva, i ku... Ntsena wo fanelo loko u ya eka platifomo kutani u titwa u fambisiwa ku vula leswi u fanelaka ku swi vula. Hi swona hinkwaswo sweswo. Nkarhi wun'wana u nga ha vula swin'wana, kutani un'wana u ta... xinkadyana nyana xa swona, kutani va ta tsutsuma hi *tlhelolo*; kutani un'wana u ta ku, "Oho, leswi hi *leswi*, wa vona."

<sup>17</sup> Kambe ndzi mi lava leswaku mi switiva leswaku leswi ndzi nga ta swi vula kova ntsena ku kumbetela, nakona rito *kumbetela* ri vula "ku vula swilo handle ko pfumeleriwa." Swingaleswi ndzi tano... A—a ndzi vuli leswaku leswi swi ntiiyiso, kambe kova miehleketo ntsena leyi ndzi nga yi hoxaka eka n'wina, leswaku mi nga ha yi pima mi vona leswaku mi ehleketa yini ha yona. Kutani yi tava tano, hakunene, yi tava—yi tava ya Xitsalwa, hikuva ndzi ngaka ndzi nga chumayeli leswi nga riki nchumu...

<sup>18</sup> Kambe yi ngava yi ri yona awara yaleyo sweswi xana? Xana leswi swi ngava swi fikile eka awara leyi, nakona swilo leswi swi nga hava swivula sweswo xana? Ndza khongela, na hinkwaswo leswi swi nga endzeni ka mina, leswi swi ngariki swona. Wa vona? Ndza khongela leswaku a hi yona,

leswaku a hi yona awara ya leyo. Yi tava tano, kambe swi ngava swi fikile eka awara yaleyo sweswi xana? Wa vona, sweswo hi swona swi ndzi hlamarisaka. Sweswi, un'wana na un'wana wa swi twisia, hi ku hetiseka, leswaku a ndzi switivi? [Nhlengeletano yi ku, "Amen."—Muhleri.] Ntsena ndzi... Xana hi wona nkarhi lowu? Loko wu ri wona, Xikwembu a xive na tintswalo eka hina. Kambe, loko wu ngari wona nkarhi walowo, mi nge... wu ta fika.

<sup>19</sup> Sweswi, tani hiloko hi ta swikota, hi na buku ya kahle ya mafambelo emahlweni ka hina, loko Hosi yi swi rhandza. Nakona ndzi fanele ndzi ya endzhandzheni wa malwandle, endzhaku ka Khisimus, eEurope na Asia; eEurope, ngopfu—ngopfu. Kutani ndzi tlhela ndzi vuya lahawani eUnited States, eka tinhlengeletano leti ntsongo, kutani ndzi tlhelela endzhaku ehansi eAfrika Dzonga. Ndzi sungula hi ravumbirhi ra—ra Ndzhati, eDurban, kutani ndzi ya eka ravumbirhi, ndza ehleketa leswaku, kufikela kwalomu ka ra vukhume, nakona ndzi na masiku ya nharhu yo ya lahaya eJohannesburg ndzi ya sungula nakambe. Kambe ndzi ehleketa leswaku ku tava kuri nhweti ya Ndzhivamusoko, hi ya sungula ematikweni ya Scandinavian, eNorway na Sweden na—na Finland, na—na Holland na Switzerland na Germany, na—na kuya fika eEurope lahaya. Swingaleswi hi khongeleleni.

<sup>20</sup> Hi na tinhlengeletano tintsongo lahawani, i nkarhi wa Khisimus sweswi, ntsena endzhaku ka Khisimus. Hi ndlela yin'wana, hi lava kuva kwalahawani hi Khisimus, ekaya. Vana va lava kuva ekaya, hi Khisimus. Nakona ha—ha ri rhandza Arizona, kambe ma wu—wu tiva nchumu lowu hi wu kayivelaka, nakona ntsena hi nga wu fikeleleki, i kereke leyi na n'wina vanhu. A swi na mhaka leswaku hi ya kwihi, hi endla yini, kova ntsena... Vana, mina, nsati na hinkwavo. Ntsena ku hava ndhawu yin'wana yo kotisa leyi. Hi swona sweswo. Ntsena ku hava ndhawu.

<sup>21</sup> Ndzi tlutile malwandle ya nkombo, nakona a—a ndzi ri hinkwako, kambe ku hava ndhawu yin'wana leyi yi tikombaka yi kwetsima eka mina tani hi xindhawani xintsongo lexi xi nga lahawani. Lexi hi xona. Ntsena xi sukeleni nkarhi wun'wana, loko mi lava ku swi tiva. Ntsena ku na swin'wana hi lahawani. Ndzi chumayerile misava hinkwayo, swi ri karhi swi voniwa, nakona a ndzi kalanga, na nkarhi na wun'we, eka ndhawu yin'wana na yin'wana, laha ndzi nga tshama ndzi twa Moya wa Xikwembu, hi ku tshuxeka na swin'wana, tani hilaha ndzi swi twaka loko ndzi yimile kwalahawani. Leyi hi yona.

<sup>22</sup> "Xikwembu, u nge yi..." Tani hi siku leri ndzi nga vekela ribye ra yinhla lahaya, ndzi teri, "Hosi Xikwembu, u nga ri tshiki ri wa."

Vanhua teri, "Hi tinhweti timbirhi, yi tava yi ri garachi."

<sup>23</sup> Ndzi ku, "U ngari tshiki ri wa, Hosi. Ri tshiki ri yima, nakona vanhu lava va nga lahwani va Ku dzunisa loko Yesu a vuya." Ndzi tshembha leswaku swi tava hi ndlela yaleyo.

<sup>24</sup> Sweswi a hi pfuleni eka Bibele sweswi, nakona—nakona hi langutela Hosi leswaku yihi nyika minkateko ya Yona. Kutani hi lava ku hlaya Matsalwa yan'wana. Ndzi na Matsalwa yan'wana ndzi nga ya tsala ehansi lahwani lawa ndzi lavaka ku kongomisa eka wona, na tinotsi tin'wana. Nakona ndzi lava ku hlaya eka tindhawu tinharhu ta Bibele, nakona ndzi ta mi nyika tona, ku sungula. Ndzi lava ku hlaya eka Yuda 5 na 6. Yuda yo va Buku yin'we ntsena, ma swi tiva. Nakambe ndzi lava ku hlaya Petro wa Vumbirhi kuavanyisa ka vu2, 4 na 5. Kutani ndzi lava ku hlaya na Petro wo Sungula, 3:18 ku fika eka 20.

<sup>25</sup> Kutani dyondzo ya mina mixo lowu, hi ku rhandza ka Hosi, i: *Mimoya Leyi Yi Nga Ekhotsweni Sweswi*. Aha. *Mimoya Leyi Yi Nga Ekhotsweni Sweswi*, leyi nga pfaleriwa, leyi yi nga avanyiseriwela makumu. Yi ngaka, ka ha ri hava ndlela leyi yi nga ponisiwaka ha yona, wa vona, mimoya leyi yi nga khotsiwa sweswi.

<sup>26</sup> Sweswi a hi hlayeni eka Buku ya Yuda, kusungula. Ndzi pfumela leswaku ndzi ku marakile lahwani eka ndhawu yo sungula, eka Yuda; kutani hi ya eka Petro wa Vumbirhi, nakona kutani—kutani hi ya eka Petro wo Sungula. Sweswi, Yuda, ndzi tsakela ku yi hlaya hinkwayo; kambe ntsena hi ku hlaysia nkarhi, hikuva sweswi i hafu ku bile awara ya khume, ndzi ta sungula hi vhere ya vu5. Sweswi, Yuda a ri makwerhu, makwerhu loyi a nga wundliwa, wa Yesu Kreste, tani hilaha hinkwerhu hi switivaka. Wa vona? A ri n'wana wa Yosefa.

*Kambe ndzi rhandza ku mi tsundzuxa mhaka leyi mi yi tivaka, hi leswaku Hosi, kute loko yi ponisile tiko ra yona etikwени ra Egupta, yi engete yi lovisa lava nga pfumelangiki.*

<sup>27</sup> Yi va ponisile, ku sungula, yi va humesa eEgipta, nakona yi fanele ku tlhela yi va lovisa hikuva a va swilavi kuya emahlweni na hungu ra vona, ma swi vona.

*Kambe, ni tintsumi leti nga hlayisangiki swa ku sungula ka tona, kambe ti sukele kaya ka tona, yi ti hlayisile munyameni, hi ku bohiwa loku nga heri...ku langutela kona ku avanyisa ka siku lerikulu.*

<sup>28</sup> Tintsumi leti ti nga tshama ti tshama eTilweni, nakona ti nga hlayisi rifuwo ra tona ni hi ndlela leyi a ti ri eka yona, ti cukumetiwile, nakona sweswi tile ka ku bohiwa loku ku nga Heriki ka munyama, ku bohiwa loku ku nga riki na makumu ka munyama, ti hlayisiwa eka xiyimo lexi ku fikela laha ku Avanyisa ka Siku lerikulu loko ti tava ti avanyisiwile na hinkwavo ka vona lava va nga pfumeriki.

<sup>29</sup> Sweswi eka Petro wa Vumbirhi, kuavanyisa ka vu<sup>2</sup>, hi sungula hi vhesa ya vu<sup>4</sup>, laha ntsena ku nga tava buku kumbe timbirhi endzhaku ka yona, wa vona.

*Hikuva Xikwembu, loko xi nga tsetselelanga tintsumi leti nga dyoha, kambe xi ti nyiketa etimpecanini ta munyama, ti hoxiwa etiheleni; kutani a ti nyiketa leswaku ti hlayiseriwa ku avanyisiwa;*

*Ni loko xi nga tsetselelangi tiko ra khale, kambe xi hlayisa Nowa, na vanhu va ntlhanu na vanharhu, mudyondzisi wa ku lulama hi nkarhi xi tisaka khombo ra ndhambi henhla ka misava ya vasandzi;*

<sup>30</sup> Ni loko xi nga tsetselelanga Tintsumi; tibohiwa hi timpecani ta munyama, ku avanyisiwa na misava hinkwayo hi khombo ra ndhambhi, ya—ya Nowa.

<sup>31</sup> Sweswi eka Petro wo Sungula, kuavanyisa ka vu<sup>1</sup> na... Petro wo Sungula, kuavanyisa ka vu<sup>3</sup>, hi sungula hi vhesa ya vu<sup>18</sup>, ha hlaya nakambe. Sweswi, yingiselani swinene sweswi.

*Hikuva, na yena Kreste, u twisiwile ku vava kan'we hikuvalaho ka swidyoho, yena la lulameke ematshan'wini ya lavo homboloka, leswaku a tiva ku hi tisa eka Xikwembu; a nga yena la dlayiweke hi tlhelo ra nyama, kambe u hanyisiwile hi Moya:...a nga yena la dlayiweke hi tlhelo ra nyama, kambe u hanyisiwile hi Moya:*

*Lowu a engeteke a famba ha wona ku ya vitana mimoya leyi ingi a yi ri khotsweni; u chumayelete vanhu lava a va ri ekhotsweni;*

*Leyi ingi yi tiarisa khale, loko Xikwembu xa ha langutele hi ku leha ka mbilu eminkarhini ya Nowa, ngalava yi ri karhi yi akiwa, leyi vanhu, va nga ri vangani, va ntlhanu na vanharhu va ponisiweke ha yona ematini.*

*...kutani wa hi ponisa ni namuntlha hi ku khuvula, yi nga mhaka leyi nga fanisiwa khale, (ku ngari hi ku hlantswa thyaka ra miri, kambe ku ri ku tiboha ripfalo lerinene eka Xikwembu,) hi ku pfuka ka Yesu Kreste:*

*La nga ya etilweni, la nga vokweni ra xinenre ra Xikwembu; tintsumi, ni tihosi, niku fuma swi ri karhi swi vekiwa ehansi ka yena.*

A hi khongeleni nakambe.

<sup>32</sup> Sweswi, Tatana wa le Matilweni, tani hi—hi ntila wa Matsalwa lahwani, timbhoni tinhawu, tindhawu tinhawu eka Matsalwa leti ti nyikaka vumbhoni. Kutani hilaha U vuleke eRitweni ra Wena, leswaku, “Hi nomo wa timbhoni timbirhi kumbe tinhawu, u nge rito rin’wana na rin’wana ri

akiwa.” Sweswi ndza Ku khongela, Wena Xikwembu, laha Wena u nga tata evanhwini kutani u ta hlamusela Rito leri, Hungu leri, eka ku vonakala laha ri fanelaka kuva kona, leswaku munhu un’wana na un’wana, wansati, jaha, kumbe ntombhi, leswaku va nga ha twisisa hi ndlela ya ku twisisa hilaha Wena u nga va hlawulela kona leswaku va twisisa va ri kona, nakona sweswi hi ku tiva leswaku timbhoni leti tinharhu ti hlayisa vumbhoni bya Ntiyiso.

<sup>33</sup> Kutani ndza khongela leswaku U ta hi rhumela Moya lowo Kwetsima ehenhleni ka hina sweswi. Nakona hi ta langutela eka Yena Loyi a nga Hosi ya hina, exikarhini ka hina mixo lowu, a nga Hosi Yesu Kreste; laha hi nga pfuxiwa sweswi hi ripfumelo, hi tshameke eka tindhawu leti ta le Matilweni eka Yena. Hi rindzela Hungu ra Yena. Ri vulavuli ha hina, Hosi, ri twakala ha hina, tani hilaha hi Ku kombelaka leswaku yimbisa milomo ya hina leyi yi vulavulaka na tindleve leti ti twaka, leswaku swi nga hava kuri ku xixima naku kwetsima ka Yena Loyi a nga Matsalwa. Ha swikombela hi Vito ra Yena. Amen.

<sup>34</sup> Sweswi, tsundzukani swikhongelo vusiku lebyi, xikhongelo xa vavabyi. A ndzi voni swi ri na nkoka ku phakela makhadi ya xikhongelo, swingaleswi hi ta khongeleta vavabyi. Ndzi na leswi ndzi nga mi byelaka swona, nakona ndzi—ndzi tshembha leswaku swi ta tisa nhlengeletano endhawini ku fikela laha va nga tava na maendlelo hinkwawo yo hanyisiwa. Ndza switiva leswaku swi tava tano loko hi nga swi pfumela hi ndlela yaleyo.

<sup>35</sup> Sweswi leswi, mimoya leyi yi nga ekhotsweni sweswi, mimoya leyi yi nga ekhotsweni sweswi!

<sup>36</sup> Sweswi, munhu wa le ndzeni wa munhu a hi miri wa munhu, i munhu wale ndzeni. Wa bona? Nakona munhu wale ndzeni hi swin’wana leswi swi—swi nga ntumbuluko wa moy. Kutani loko ntumbuluko wa munhu...Loko a teri, “Hi file,” Matsalwa ya hi byela erivaleni leswaku, “hi file, nakona vutomi bya hina byi tumbetiwile eka Xikwembu ha Kreste, byi lemeriwa hi Moya lowo Kwetsima.” Sweswi, a hi miri walowo wa n’wina wu nga fa; a hi moya wa n’wina wu nga fa. I ntumbuluko wa moya wa n’wina wu faka; wa bona, ntumbuluko, laha ku nga munhu wa le ndzeni. Ntumbuluko wa munhu wa n’wina wa le ndzeni i—i Xikwembu, loko u tswariwile ra vumbirhi. Loko wu ngari wona, i wa misava. Xin’wana na xin’wana lexi xi nga na masungulo xi na makumu, swingaleswi ndlela yin’we ntsena leyi u nga vaka na Vutomi lebyi byi nga Heriki i kuva u va na Vutomi lebyi byoka byi nga vanga na masungulo. Kutani vutomi bya n’wina byi sungurile loko mi tava mi tswariwile, loko Xikwembu xi tava xi huhuterile ku hefemula ka vutomi etinhompfini ta n’wina kutani miva munhu wale ndzeni loyi a hanyaka, kutani u va u sungurile kwalaho. Kambe loko mi va...

<sup>37</sup> Ntumbuluko walowo lowu awuri endzeni ka n'wina, hi ntumbuluko a mi ri va misava, a mi avananile na Xikwembu, a mi ri swiharhi kahleakahle. Sweswo hi swona hakunene. Un'wana na un'wana wa switiva leswaku hi lava hi an'wisaka. I vangani va switivaka sweswo xana? Hina, hi va an'wisi, hi swiharhi leswi swi nga na ngati yo kufumela, kambe sweswo hi leswi hi nga xiswona hi ntumbuluko wa hina wa la misaveni. Kambe, ma swi vona, i yini leswi swi hi hambanyisaka eka swian'wisi leswin'wana, hilaha—hilaha Xikwembu xi nga nghanisa munhu wa le ndzeni ehenhleni ka hina. Wa vona? Sweswi, swian'wisi leswin'wana a swikali swi lava ku ambala swiambalo. Ku hava xiharhi xin'wana lexi xi nga ambalaka swiambalo ku fihla tingana ta xona, kambe hi hina. Hi hina ntsena hi swi endlaka, hikuva hina munhu wa le ndzeni. Kambe, wa vona, Xikwembu, ekusungulen, xi swi tivile laha munhu a nga tava xiswona. Kutani Xi tumbuluxile misava, xi tisa tinxaka hinkwato ta swiharhi, kusukela eka xa le hansi ku ya eka xa le henhla; kutani ku humeleta xiharhi xa le henhla, laha a kuri munhu.

<sup>38</sup> Kutani swingaleswi, xo sungula, munhu u endliwile, a ri munhu wa moya, hi xivumbeko xa Xikwembu.

<sup>39</sup> Laha, “Xikwembu i Moya,” Mukwetsimi Yohana 4. Sweswi, “Hi Xona mo—mo Moya. Kutani lava va Xi gandzelaka, va Xi gandzela hi Moya na Ntiyiso. Nakona Rito ra Wena i Ntiyiso.” Sweswi, hi Xi gandzela hi Moya na Ntiyiso. Hi Xona xi—xi Xivumbiwa xa Ximoya.

<sup>40</sup> Kutani a kuri hava munhu loyi a ta rima misava, kutani Xikwembu xivumbile munhu hi ritshuri ra misava.

<sup>41</sup> Kutani Xi susa etlhelo ra yena, leswi swi nga humesiwa, rimbambu; kutani, kusuka eka sweswo, xi avile munhu loyi ari na mintumbuluko ha ka mbirhi, laha a ri havumbirhi wa xisati na waxinuna. Kutani Xi susile wa xisati, hikuva a kuri rirhandzu, kutani Xi wu vekela eka munhu loyi a vitaniwaka Evha, loyi Adam a nga n'wi thya Evha, laha a ri nsati wa yena. Kwalaho hilaha rirhandzu ra yena, ra ntumbuluko, rirhandzu ra fileyo, a ri kumeka eka nsati wa yena. Sweswo hi swona wanuna a fanelaka ku va xiswona namunlha, kutani a va nhlana wa nuna wa yena. Munhu, a va wa xinuna; wansati, a va wa xisati.

<sup>42</sup> Kutani, wa vona, endzhaku kaloko Xi endlile munhu hi xivumbeko Lexi xa Xona, “xi tumbuluxile Yena havumbirhi, wa xinuna na waxisati,” a kuri hava munhu loyi a ta rima misava. Kutani Xi n'wi vekile eritshurini ra misava, kutani swingaleswi u vile...a ri munhu ya loye. Munhu loyi wa ximunhu a ri muan'wisi, wa vona, a ri xiharhi; kambe Xi nghanisile moyo lowu wa Xikwembu, ku nga vutomi, eka yena, kutani xi n'wi endla a va eka masungulo laha a nga endlaka ku hlawula. Kutani loko wanuna loyi... .

<sup>43</sup> Sweswi hi ehleketa leswaku hi swin'wana. Ntsena tsundzukani, xana hi va mani? Lohlo ra thyaka. Hi swona sweswo. "Hikuva u humesiwile eritshurini, u ta tlhelela eritshurini." Swingaleswi loko u vona munhu loyi a famba hi xitarata, u ehleketa leswaku hi un'wana, ma swi tiva, ni kuva na dyondzo nyana na swin'wana; tsundzukani, i lohlo ra ritshuri ra le Indiana. Hi swona sweswo. Kutani wansati yaloye a nga ambala swo koma, niku dzaha tisigarete ni kuya emahlweni exitarateni, a ri karhi a tisohasoha i ngaku u fuma tiko hinkwaro, i lohlo ra ritshuri ra Indiana, kutani sweswo hi leswi swi vuyisaka xiswona. Swingaleswi a wule ka swona ngopfu ku sungula hi swona, wa vona. Swingaleswi, sweswo hi swona, sweswo hi leswi u nga xiswona.

<sup>44</sup> Kambe, munhu wale ndzeni loyi a nga lahay, wa vona, munhu yaloye wa le ndzeni hi loyi Xikwembu xi tirhaka hi yena, wa vona. Loko ntsena Xi nga kuma ntumbuluko walowo, moyo walowo, leswaku wu yima na Xona, kutani ntumbuluko walowo wa fa, ntumbuluko na rirhandzu ra misava swa fa, na swilo swa misava swi va swi file. Wa vona? Hikuva, "Loko mi rhandza misava, kumbe swilo swa misava, rirhandzu ra Xikwembu a ri kona eka n'wina." Wa vona? Nakona munhu u boheka ku tswariwa ra vumbirhi. Swingaleswi, ntumbuluko lowu wu ta fanelu ku fa, kutani ntumbuluko wa Xikwembu wu ta wu ta hanya endzeni ka n'wina. Nakona Xikwembu i nchumu wuri woxe lahaya lowu wu nga vangiki na masungulo kumbe lowu wu nga tako wu nga heli.

<sup>45</sup> Seni, swingaleswi, Xi na ku hlanganyela, ma swi vona, niku teka munhu loyi, wa misava, na Moya lowu Wo ka wu nga Heriki, kutani swi vekiwa kun'we. Hikuva, Xikwembu xi vile xivonivoni xona hi Xoxe endzhaku eka sweswo, leswaku Xi vile Munhu loko Xi tava xi vile Kreste Yesu, nakona A ri Xikwembu, wa vona. Xikwembu a xi ri endzeni ka Kreste; leswaku, wa vona, xi hanya endzeni ka Yena, xi rivalela misava eka yena hi Yexe. Kutani, hi Munhu yaloye wo hetiseka, un'wana na un'wana wa hina a hi nga hetisekanga lava a hi pfumela eka Xikwembu nakona a xi swi amukerile Sweswo, hi va ku hetiseka ka Xona.

<sup>46</sup> Nakona a Xi kalanga xi tshika miri wa Yena leswaku wu vona ku bola, hambi ku ri ku va Xi tshika moyo wa Yena a tiheleni, kambe xi N'wi pfuxile hi siku ra vunharhu, nakona Wa hanya hilaha ku nga heriki, Nakona hi tava na miri lowu wu kotisaka Lowu wu nga wa Yena miri lowu wu kwetsimaka.

<sup>47</sup> Sweswo hi swona hi khuvuleriweke eVitweni ra Yena, leswaku hi nga ha humelela hi Vito ra Yena, eka rifu ra Yena, eka ku pfuka ka Yena, leswaku hi tlhela hi pfuka nakambe, hi mbhonyiela eka misava leswaku hi na Vutomi lebyintshwa, leswaku munhu wa khale u file. Hi wu lahlile ntumbuluko

walowo wo sungula. Wa vona? Ntumbuluko walowo wo sungula wu fambilé, kutani sweswi hi ntumbuluko wa Yena. U hanya endzeni ka hina, kutani a ha ha endli ku rhandza ka hina. Hi endla ku rhandza ka Yena. A ha ha ehleketi mianakanyo leyi yi nga ya hina. Miehleketo, miehleketo hi leyi yi ehleketa. Miehleketo leyi a yi ri eka Kreste Yesu yile ka mupfumeri un'wana na un'wana. Wa vona, lahaya—lahaya ku na munhu wale ndzeni, kutani sweswo hi leswi hi vulavulaka ha swona. Sweswi, xexo i xiphemu lexi ndzi ehleketa ha xona sweswi, lexi xi nga endzeni ka hina, munhu wa le ndzeni.

<sup>48</sup> Sweswi, loko hi nga swi xiyisisa, eka leswi, ku na swo tala leswi swi humevelaka nkarhi wun'wana, nakona ha hlamala leswaku hikokwalaho ka yini swi humevela, kutani ha ti vutisa hina hi hexe, hi tlhela hi vutisa van'wana. Kambe ekuheteleni, endzhaku nyana, ha swi kuma sweswo, loko hi ri Vakreste, hinkwaswo swi tirha kahle, hi ndlela yin'wana. Mi swi vonile sweswo. Vakreste hinkwavo va swivona sweswo. Ha hlamala leswaku hikokwalaho ka yini hi swi endlile.

<sup>49</sup> Ndza hlamala nkarhi wun'wana, loko ndzi tava ndzi hlayile Bibele ro sungula, "Hikokwalaho ka yini Xikwembu xi pfumelerile Abraham, wanuna yaloye wa kahle, loko a tava a yimile kwalahaya a ku Sarah a hi nsati wa yena?" Ni hilaha Xi nga n'wi tshika a yima kwalahaya a hemba hi sweswo, na swilo leswi a nga swi endla, ni hilaha Xi nga pfumelela Abraham hakona a sukela tiko ra xitshembhiso laha Xi nga n'wi byela leswaku a nga suki. Muyuda un'wana na un'wana loyi a sukelaka tiko ra xitshembhiso u va a wile, hikuva Xikwembu xi va nyike rona niku va tshembhisa ku tshama kwalahaya, wa vona, kutani va ri sukerile. Swingaleswi a rhelela eGerar. Kambe loko a swi nga ri eka swona sweswo....

<sup>50</sup> Kutani Abimelek, hosi leyi a yi ri ehansi etikweni ra Vafilista, u rhandzanile na Sarah nakona a ya eku n'wi tekeni, nakona a ri munhu wa kahle, wanuna loyi a lulameke. Kutani endzhaku kaloko a tava a... Leswi swi twakala swi hlekisa, kambe ku swi endla swi va leswi swi twakalaka eka n'wina. Endzhaku kaloko a tava a hlambile ni madyambu a ambala tibijama ta yena, kutani a khongela swikhongelo swa yena a ya etlela, Hosi yi humevela eka yena yi fika yi ku, "U kahle tani hiloko u ri munhu loyi a nga fa," nakona wanuna a nga endlanga nchumu. Wa vona? A xisiwile hi ku hetiseka, hi vona havumbirhi Abraham na Sarah. Hi swona sweswo. U teri, "U na nsati wa un'wana, wa vona. Nakona a Ndzi—Ndzi nge he yingisi swikhongelo swa wena, a swi na mhaka ni leswaku u khongerisa ku yini. U kahle tani hiloko u file. Kambe wanuna ya loye i muprofeta wa Mina." Wa vona?

<sup>51</sup> Wa vona, swa tika ku swi twisisa sweswo, wa vona. Kambe loko a ku ngari sweswo, a hi nga ta swi tiva leswaku tintswalo a kuri yini.

<sup>52</sup> Hikokwalaho ka yini a tekile Hagar, endzhaku ka loko a vile na nsati loyi a rhandzekaka wo kotisa Sarah? Nakona a nga swi lavanga ku swi endla, wa vona, kambe Sarah u n'wi byerile. Kutani na Hosi yi n'wi byerile leswaku, "U yingisa Sarah leswi a ku byelaka swona." Hikokwalaho ka yini? A ku fanele kuva na Ishmael, "laha wansati wa khumbhi na n'wana wa yena va ngaka va nga dyi ndzhaka na wansati loyi a tshuxekeke na n'wana wa yena." Ma swi vona leswi ndzi swi vulaka xana?

<sup>53</sup> Hinkwaswo swilo leswi a swo va swifananiso. Hikokwalaho ka yini muprofeta a fanele hi ku teka ngwavavani va va...na vana lava, a va na vana vambirhi ha yena? Tani hi xikombiso. Hikokwalaho ka yini un'wana a ettele eka tlhelo ra le xineneni xa yena ku ringana madzana manharhu na masiku ya mune wa makume, kutani a pavalala masiku yo tala swonghasi eka tlhelo lerin'wana tani hi sweswo? Tani hi xikombiso. Un'wana a hluvula swiambalo swa yena a famba emahlweni ka Israel. Kutani, sweswi, hinkwaswo swilo leswi, a swo va swifananiso na mindzhuti, wa vona; nakona hi fanele kuva na swona swilo leswi, ku swi nghanisa.

<sup>54</sup> Kutani, minkarhi yo tala, swilo swa hi humelela laha hi hlamatlaka leswaku hikokwalaho ka yini. I Xikwembu xi rhangaka hi ku hi kombisa swin'wana.

<sup>55</sup> Sweswi, tani hi xijahetani, nakona ma xi tiva xitorhi xa matimu ya mina, ndza—ndza pfumela minkarhi hinkwayo, kusukela loko ndzi ta swi tsundzuka ro sungula...Xin'we xa swilo leswi ndzi swi tsundzukaka...Sweswi leswi, sweswi, mi nga hava mi ndzi byerile swin'wana tolo, kutani ndzi swi rivala namuntlha. Kambe kuna swin'wana, endzhaku, leswi swi nga humelela eminkarhini ya hina loko ha hari lavantsongo, votala va hina hi hi ndlela yaleyo, leswi hi swi tsundzukaka nkarhi hinkwawo. Kutani leswi swi twakala hakanyingi swi hlekisa ku swi vula leswi, kambe ndza swi tsundzuka loko ndza ha kasa, ndzi ambale xiambalo xo ni hundza. Swihlangi leswi ntsongo, sweswi van'wana va n'wina vanhu va tintangha ta mina mi ta swi tsundzuka sweswo, vana a va toloverile ku ambala swiambalo swo va hundza. Kutani ndzi tsundzuka loko ndza ha kasa, ni kuva ni cela gamboko enengeni wa malume wa mina ni yi dya, loko a ta nghena a fika a yima etlhelo ka ndzilo.

<sup>56</sup> Kutani lexi xi landzelaka ndzi xi tsundzukaka loko ndzi teka ndhawu eka vutomi bya mina, a kuri xivono, xo sungula lexi ndzi nga se tshamaka ndzi va na xona, nikuva xi ndzi byela leswaku ndzi ta hanya xiphemu xa vutomi bya mina lexikulu

ekusuhi na doroba leri ri vuriwaka New Albany. Nakona a ndzi ri xihlangi lexintsongo xa tshava ehenhla lahaya, a kuri hava na dokodela loko ndzi ta tswariwa. Kutani—kutani ndzi—ndzi... Ma swi tiva, va... Ndzi hanyile lahwani kuringana makume ntlhanu wa malembe, kona kwalahawani; ka xivono.

<sup>57</sup> Nakona hilaha a ndzi switiva hakona leswaku kuna Xikwembu kun'wana, kutani tani hi xijahetani Xi vulavurile na mina, "u nga tshuki u dzaha, kumbe kunwa, kumbe ku nyamisa miri wa mina," sweswo i ku tsutsuma na vavasati hi vugangu na swin'wana. Minkarhi hinkwayo a ndzi ri na ku chava ngopfu ha swona, nakona a ndza ha ri jaha.

<sup>58</sup> Kutani nkarhi wun'wana ndzi humile ndzi ya eku hloteni, laha a switikomba kuri ntumbuluko wa vumbirhi eka mina, ku rhandza ku hlota. Nakona a ndzi humile ndzi ya eku hloteni na jaha rin'wana, Jim Poole, n'wana wo rhandzeka. Ndzi ehleketa leswaku jaha ra yena ra ta ekerekeni kwalahawani, Jim lontsongo, na ndyangu wa vanhu va kahle. Ndza va tiva va Pooles. Mina na Jimmy a hi etlela kun'we ni kuva hi hanya swin'we kusukela loko ha ha ri swijahetani exikolweni. Hi hambana hi kwalomu ka ntsevu wa tinhweti, hi vuntangha. Kutani Jimmy u nyumbhukele hi xibalesa xa yena xi wa, kutani xi ndzi duvula havumbirhi bya milenge ya mina, a xi ri ekusuhi swinene na mina, hi xibalesa lexi xi vitaniwaka "shotgun." Ndzi yisiwile exibendlhele, kutani, kwalahaya, a ndzi pavalarile kwalahaya ndzi ri eku feni, a kuri hava pheniselin kumbe kuri hava nchumu eka masiku lawa. Kutani, sweswi, a va ri na ximentsani xa rhaba lexi a ndzi ri ehenhla ka xona, nakona ndza switiva leswaku sweswo hi vusiku byebyo... A va ta ya va ya endla vuhandzuri hi mixo lowu wu landzelaka.

<sup>59</sup> Ntsena va lo teka kutani va ti basisela xilondza, kutani swipetlu swa nyama swi yimile, kutani va teka swikerho va sungula ku yi kerha, kutani a ndzi fanele hi ku ombo mavoko ya munhu. Kutani a vari na Frankie Eich, loyi sweswi a nga tisunga, nakona a va fanele ku khomelela, ku vona mavoko ya mina leswaku ya suka eka mahlanganisi ya swandla, loko-loko va ya emahlweni. Ndzi tlhave mukhosni ni huwelela, kutani ni wu khomelerile hi ndlela yaleyo, kutani vona va ri eku tsemeni ka xiphemu xexo xa nenge. A ndzi ri na khume mune wa malembe hi vukhale, ntsena jaha.

<sup>60</sup> Kutani vusiku byebyo ndzi yile eku etleleni, kutani va... Ndzi pfukile, swin'wana swi tlhambuka. Kutani lahwani a kuri na ngati, ley a yi tshunelela hafu ya galoni, ndza bvumbha, yi ta yi huma eminsiheni ya yona. Kutani a va ri na... va tekile "x-ray," kutani va vule leswaku ku duvula a kuri ekusuhi swinene eka nsiha walowo, eka tlhelo lerin'wana, xexo a kuri ku rharhambuka loku ku nga ta tsemini hakambirhi, kutani ndzi ta sungula ku huma ngati. "Kunene," ndzi ehleketa, "lowu

i nkarhi wa mina wa makumu.” Nakona ndzi vekela mavoko ya mina ehansi hi ndlela *leyi* kutani ndzi wu yimisela ehenhla, kutani ngati yi khulukela emavokweni ya mina, a yi ri ngati ya mina leyi a ndzi pavalarile eka yona. Ndzi huwelerile, ndzi ba bele. Muongori u tile, ntsena u lo fika a yi tswonga hi thawula hikuva a kuri hava lexi a va ta xi endla.

<sup>61</sup> Kutani mixo lowu wu landzelaka, ehansi ka swiyimo leswi swo tsana, a va nga engeteleti ngati emunhwini hi masiku ya vona, ma swi tiva, swingaleswi va—va ndzi endlile vuhandzuri. Kutani va ndzi nyikile “ether.” Kutani loko ndzi... Ku nga “ether” ya khale, ndza pfumela leswaku ma swi tsundzuka, i murhi wa khale wo titivata. Kutani ehansi ka murhi walowo wa “ether,” loko ndzi huma, a ndzi huma eka murhi wa “ether” endzhaku ka tiawara ta nhungu. A va fanele va ndzi nyika wo tala, a va ehleketa leswaku a ndzi nge swikoti, a ndzi nge he swikoti ku pfuka. A va nga ha swikoti ku ndzi pfuxa.

<sup>62</sup> Ndzi tsundzuka Manana Roeder a yime etlhelo ka mina, kwalahaya xibedlhele. Ndzi ngaka ndzi nga n’wi rivali wansati yaloye. A swi na mhaka ni leswaku ku humelela yini, ndzi ngaka ndzi nga n’wi rivali. A ha ri wansati lontsongo hi nkarhi walowo. Nuna wa yena a ri superithendete ehansi lahawani ku tirhiwaka mimovha kona. Kutani ndzi—ndzi tsundzuka loko a ndzi seketela, yena na Manana Stewart. Nakona hi vona lava va nga ndzi hakelela tihakelo ta xibedlhele. Ndzi... A hi ri hava na swakudywa swo dya, endlwini, swingaleswi a hi ta swikota njhani ku hakela tihakelo ta xibedlhele xana, madzana ya tidolara? Kambe yena, ku ya hi nhlengeletano ya kereke ya yena na va Ku Klux Klan, va ndzi hakelerile tihakelo ta xibedlhele, Mason’s. Ndzi ngaka ndzi nga va rivali. Wa vona? A swi na mhaka leswaku va endla yini, kumbe yini, hambi swi ri tano ndzi... kuna swin’wana, nakona sweswo swi tshama swi ri eka mina, wa vona, leswi va nga ndzi endlela swona. Kutani va hakerile tihakelo eka Dokodela Reeder. Wa ha hanya, u tshama lahawani ePort Fulton, a nga ha mi byela xitorhi.

<sup>63</sup> Loko ndzi huma ehansi ka murhi walowo wa “ether,” ku na swin’wana swi nga ndzi humelela kwalahaya. Minkarhi hinkwayo ndzi pfumela leswaku a kuri xivono. Hikuva, a ndzi tsanile, kutani a... A va ehleketa leswaku ndza fa. A ri eku rileni. Loko ndzi pfula mahlo ya mina, leswaku ndzi languta, a ndzi kota ku n’wi twa a ri eku vulavuleni, kutani hiloko ndzi tlhela ndzi etlela, ndzi pfuka, ka mbirhi kumbe ka nharhu. Kutani kwalaho ndzi va na xivono. Kutani ndzi va na...

<sup>64</sup> Endzhaku ka kwalomu ka nkombo wa tinhweti, a ndzi fanele ndzi famba na swipachi swa “shotgun” na swiambalo swo hlota leswi a swi ri na grisi a swi susiwile emilengeni ya mina; dokodela a nga swi kumanga. Kutani a ndzi ri na ngati leyi a yiri na phoyizeni, ha vumbirhi bya milenge a yi pfimbile yi tlhela yi kukumuka ha yimbirhi endzeni ka mina, kutani

va lavile ku yi tsema va yi susa milenge leyi kusuka exisutini. Ntsena ndzi... Ndzi ku, "Ee, ntsena tanani hi le henhla kutani mi tsema hi *lahawani*." A ndzi nga swikoti na ku wu yimisa, wa vona. Kutani ekuheteleleni, Dokodela Reeder na Dokodela Pirtle, kusuka eLouisville, va endlile vuhandzuri, va tsema ku kukumuka lokuya kusuka; kutani namuntlha ndzi na milenge ya kahle, hi tintswalo ta Xikwembu.

Kambe ehansi ka—ka xivono xo hetelela lexi ndzi ngava na xona...

<sup>65</sup> Xivono xo sungula, loko ndzi ta eka xona, kutani ndzi yile eka ku tlhandlukisiwa loku. Kutani a ndzi ehleketa leswaku a ndzi ri etiheleni, ntsena tani hi le rivaleni...

<sup>66</sup> [Makwerhu loyi a nga ehlenegeletanwini a ku, "Ndzi khomele, nkulukumba."—Muhleri.] Aha. ["Ku na wansati loyi a nga lahwani a nga lova, hi lahayaya."] Hi swona, un'wana a n'wi tlhandleki mavoko, kutani u ta... kumbexani mi n'wi yisa laha ku nga na moya. Un'wana na un'wana loyi a nga yima kwalaho, a n'wi tlhandleki mavoko.

A hi khongeleni.

<sup>67</sup> Hosi Yesu la rhandzekaka, leswaku sesi wa hina loyi a vabyaka mixo lowu, nakona u titivalele ekamareni, leswaku tintswalo ta Wena na ntamu na matimba... kuna mavoko lawa ya nga n'wi tlhandleka sweswi, ya yimele Wena. Nakona Matsalwa ya teri, "Masingita lawa ya ta endliya hi vona lava va pfumelaka. Loko va tlhandleka mavoko eka lava va vabyaka, va ta hola." Kutani sweswi sesi wa hina i ngaku a nga huma eka vuvabyi lebyi, kutani a hanyisiwa hikokwalaho ka ku kwetsima ka Xikwembu. Ha swi kombela hi Vito ra Yesu Kreste, ni kuva hi n'wi tisa eka Wena. Amen.

<sup>68</sup> Sweswi n'wi yiseni laha ku nga na moya. Yo va—va maendlelo lawa ya chavisaka. Ndza ya twa ndzi ri kwala, hakunene, ya bihe ngopfu. Yo va matitwele yo titivala, kona kwala eka platifomo. Ndza ya twa, ka mune kumbe ka ntlhanu lahwani. Loko ku ngava na... tani hilaha a kumaka matitwele yo antswa nyana, hikokwalaho ka yini, n'wi yiseni laha a nga ta kuma moya kona. Swikahle sweswo. Aha. Wa vona, yo va ntsena maendlelo yo chavissa, ma swi tiva. Swivumbiwa swa ximunhu swa tumbuluxa, un'wana na un'wana wa hina, vuvabyi byo tala byo ringana matlhelo ya mune yo ringanana hi ti fiti. Loko miri na byona, ku na loyi a nga na mati kwalaho, kumbe swin'wana leswi swi nga cheriwaka eka sesi. U ta—u ta, u tava kahle sweswi. Wa vona? Hi swona. [Makwerhu eka nhlenegeletano a ku, "A hi pfuleni minyangwa, Makwerhu Branham."—Muhleri.] Ina, kumbexani loko mi nga pfula minyangwa, kumbexani, kumbe mi n'wi bela nyana moya swintsongo, tani hilaha hi nga ta kota hakona, hi ndlela yin'wana, wa vona.

<sup>69</sup> Sweswi eka lowu nkarhi, tani hilaha a ndzi ri na xivono lexi, na ku ehleketa leswaku ndzi—ndzi hundzile eka vutomi lebyi kuya eku xanisekeni.

<sup>70</sup> Kutani endzhaku ka nkombo wa tinhweti, kona kwala eClark Country Memorial Hospital, ndzi vile na vuhandzuri bya vumbirhi. Kutani hi nkarhi walowo, loko ndzi huma, a ndzi ehleketa leswaku ndzi yime ehandle eVupela-dyambu. Ndzi vile na xivono xin'wana. Kutani akuri na xihambanoxa kahle xa nsuku eswibakabakeni, kutani ku Kwetsima ka Hosi ku xika ku huma eka xihambanoxexo. Kutani ndzi yimile ndzi humesile mavoko ya mina hi ndlela *leyi*, kutani ku Kwetsima kwaloko a ku wela exifuveni xa mina. Kutani ndzi... Xivono xi ndzi sukela. Tatana wa mina a tshamile kwalahaya a ndzi langutile, loko xivono xi ta.

<sup>71</sup> A ndzi titwisa xisweswo minkarhi hinkwayo, n'wina... Vanhu hinkwavo lava a va ndzi tiva eka hinkwawo malembe lawa, va switiva hikuva minkarhi hinkwayo a ndzi lava kuya eVupela-dyambu. Ma swi tiva leswaku swi njhani. Swi hi ndlela yin'wana minkarhi hinkwayo eVupela-dyambu. Kambe hikuva mutokoti eka swa tinyeleti a ndzi byerile nkarhi wun'wana, swo fana, leswaku ndzi fanele kuya evupela-dyambu... Tinyeleti, loko va ta tsemekanya swirlhendzevutani swa vona ni kuya emahlweni, ndzi tswaleriwe ehansi ka sayini yaleyo, nakona a ndzi se tshama ndzi ya eVuxeni; ndzi fanele ndzi ya eVupela-dyambu. Kutani lembe leri ri nga hundza ndzi sukile, Vupela-dyambu, ku hetisia kutsakela ka vutomi bya mina bya nkarhi wo leha hilaha a byi ri hakona, wa vona, ku—ku ya swi endla.

<sup>72</sup> Hikokwalaho ka yini ndzi va kwalahaya? I nchumu wun'wana lowu wu hlekisaka ngopfu. Ku tshama lahaya emananga, u ri karhi u hakela dzana na khume wa tidolara hi nhweti, ya rhente, kutani lahawani ku ri na yindlu yi nga tshama lahawani, ya vufundhisi, yi nga na nhundzu hinkwayo ya mina, wa vona. Kambe i ku landzelela Hosi, wa vona, sweswo—sweswo hi swona hinkwaswo ndzi swi tivaka ku swi endla. Kutani ma switiva swivono ni leswi swi nga humelela kwalahaya. Sweswi—sweswi eka leswi ndzi lava kuvula leswaku...

<sup>73</sup> Sweswi loko sesi wa hina a titwa a tsana nyana, Makwerhu Roy, nakona a...mi lava ku n'wi yisa kun'wana kutani mi n'wi yisa eka kamara leri ri nga lahawani, laha a nga ta kuma moyo wo tala kumbe swin'wana, kutani sweswo swi tava swi ri kahle hakunene, hikuva, ndza titwa leswaku u tava a ri kahle ku ngari khale, wa vona. Swi hetisekile. Ntsena u lo titivala, wa vabya. Kutani swingaleswi ndza—ndza mi byela, loko a nga...loko mi lava ku n'wi tisa lahawani laha ku nga na moyo...pfula mafestere lawa,

Makwerhu Roy, kutani loko sesi a lava ku nghena, swi—swi tava swi ri kahle. Wa vona, loko a lava ku—ku ta lahawani, kunene, ntsena u nga swi chavi sweswo.

<sup>74</sup> Ndzi lava ku n'wi tlhandleka mavoko loko a hundza hi kwala. Hinkwerhu mi ta ndzi khomela nyana. Na Xikwembu a xi ndzi rivaleli kuva...Sweswo, hi swona sweswo, makwerhu.

<sup>75</sup> Tatana wa hina wa le Matilweni, nhwana loyi wa Wena lahawani u tshamile lahawani emixweni lowu, nakona u tile a ta yingisa Hungu, kutani u kumeka...Sathana u le ku ringetenii ka ku n'wi ba eka swona, kambe a ngaka a nga swi endli. A ngaka a nga swi endli. "Sathana a nge swi endli, hi Vito ra Yesu Kreste."

Swi lulamile. Kunene, nyangwa walowo, ndzi ehleketa leswaku loko swintsongo nyana...?...vamakwerhu, swingaleswi moya wu nga ha kota ku nghena wu ta lahawani, eka n'wina.

<sup>76</sup> Oho, mi vulavula hi maendlelo, mi fanele ku nghena eka tin'wana ta tindhawu leti ta le ndzhandzheni wa malwandle laha va endlaka nhulu endzeni va thopa un'wana ehenhla ka un'wana, va ri na nhlokonho na mfukuzani. Nakona, oho, mina, u ta tsandzeka na ku hefemula, ma swi tiva, eka swilo swo kotisa sweswo. U etlela eka miako ya vona leyikulu ya kahle, leyi ntsena yi nga nyamisiwa hi—hi mavabyi. Nakona ma swi tiva leswaku nhlokonho wu njhani. Kwalahaya, va pavalarile kwalahaya va ri hava tindleve, na xiphemu xa xikandza xa vona lexi xi nga dyiwa, nakona va hava mavoko, na timhingu nyana ta milenge, na swilo swo kotisa sweswo, va pavalarile, va thopiwile un'wana ehenhla ka un'wana. Kutani votala va vona va ri ekufeni kwalaho, va pavalarile kwalahaya, a ri ehenhla ka nhulu ya van'wana, a ri karhi a ringeta kuya kun'wana, ma swi tiva, ku ta yingisela Hungu.

<sup>77</sup> Kutani sweswi—sweswi eka leswi, ndzi mi byela hi leswi swi nga humelela. Eka xivono lexi ndzi ngava na xona, ndzi ta tlhelela endzhaku, hikuva ndzi swi tisile sweswo, ndzi nghenisile swivono swimbirhi, ku ta mi kombisa hi xin'we xa swona. A ndzi fanele ndzi ya ehandle eVupela-dyambu. Minkarhi hinkwayo a ndzi navela sweswo.

<sup>78</sup> Kutani sweswi, xikongomelo xa Hungu emixweni lowu i ku simeka kereke, eka hinkwaswo leswi A nga ta ndzi pfumelela eka swona kuva ndzi simeka kereke, tani hilaha ndzi swi tivisaka xiswona, kufikela laha...tani hiloko ndzi famba na yona. Kutani leswi swi ndzi bile, swingaleswi ndzi lavile ku simeka kereke. Sweswi, leswi i swa tabernakele leyi ntsena, wa vona, kwalahawani. Sweswi, kutani eka xivono lexi, xo sungula, leswi hi leswi swi nga humelela.

<sup>79</sup> Endzhaku kaloko xivono loko xi ndzi bile, kutani a ndzi tsanile, nakona a ndzi lahlekele hi ngati hinkwayo, nakona

ndzi ya... A ndzi ehleketa leswaku ndzi le ku mbombomeleni laha ku nga Heriki laha ku nga riki na makumu. Votala va n'wina mi ndzi twile ndzi swi vula leswi ekusungulen, nakona—nakona ku mbombomela laha ku nga Heriki laha ku nga riki na makumu. Xo sungula, a ndzi famba kona tani hi mapapa, nakona emunyameni, nakona ndzi ri karhi ndzi mbombomela ehansi, ehansi, ehansi. Kutani xo sungula mi xi tivaka, ndzi kumekile etindhawini ta lava va nga lahleka, kutani kwalahaya ndzi—ndzi tlhave mukhosi. Kutani ndzi langutile, kutani kwalahaya, ntsena swin'wana na swin'wana, a kuri hava masungulo ya kona. A ndzi kalanga ndzi yima kuwa. Ku wela laha ku nga riki na Makumu, a switikombisa xisweswo, a ndzi ya eku weni. A ku ngari na ku yima, kuri hava.

<sup>80</sup> Nakona a xi ri na ku hambana kwihi eka xivono lexi a ndzi ri na xona lahawani, ku nga ri khale ngopfu, xa kuva eVukwetsimeleni na vanhu, ha hambarana eka swona! Kambe eka leswi, tani hiloko ndzi wa, ekuheteleleni, ndzi—ndzi huwelerile papa wa mina. Hikuva, kuva tani hi n'wana, sweswo hi leswi a ndzi ta swi endla. Ndzi huwelerile papa wa mina, nakona papa wa mina a nga ri kona kwalahaya. Hiloko ndzi huwelela mhani, “Un'wana a ndzi khoma!” Mhani a va ngari kona kwalahaya. Ntsena a ndzo tifambela. Kutani ndzi huwelela Xikwembu. Xikwembu a xi ngari kona kwalahaya. A kuri hava nchumu kwalahaya.

<sup>81</sup> Kutani endzhaku nyana ndzi twa mpfumawulo wa swirliro lowu ndzo ka ndzi nga se tshama ndzi wu twa, nakona a ya ri matitwele yan'wana yo chavisa ngopfu. A kuri hava ndlela yin'wana... Hambi ndzilo lowu wu hlayeriwaka ku pfurha a wu tava kahle etlhelo ra leswi hilaha a swi ri xiswona. Kutani swivono leswi a swi se tshama swi hoxeka. Kutani hi swin'wana swa matwele yo chavisa ngopfu lawa ndzi nga se tshamaka ndzi va na wona, ni leswi swi nga ndzi endlekela...

<sup>82</sup> Ndzi twile huwa, yi twakala tani hi muxaka wun'wana wa—wa—wa ndhawu ya mimoya. Kutani loko yi ri hi ndlela yaleyo, ndzi langutile, van'wana va ta, nakona a kuri vavasati. Nakona a va ri na swa wasi, ntsena u nga ha kota ku vona swikandza swa vona, kutani a vari na swin'wana swa wasi ehansi ka mahlo ya vona. Kutani mahlo ya vona a ya languteka tani hiloko ya nghena endzeni, tani hi vavasati namuntlha va pendaka mahlo ya vona, ya tlhelela endzhaku tani hi *sweswo*, nakona ntsena emahlweni ya vona na swikandza. Nakona a va ri ekuteni, “Ooh, ooh, ooh!” Oho, mina!

<sup>83</sup> Ntsena ndzi huwelerile, “O Xikwembu, ndzi twele vusiwana. Va na ni tintswalo, O Xikwembu! U le kwihi xana? Loko ntsena U nga ndzi pfumelela ndzi tlhelela endzhaku ndzi ya hanya, ndza Ku tshembhissa, leswaku ndzi tava jaha ra kahle.” Sweswi, walowo i nchumu wun'we ntsena ndzi nga wu vulaka. Sweswi, Xikwembu xa switiva, leswaku hi Siku ra ku

Avanyisa, Xi ta ndzi avanyisa hikwalaho ka xitetimente xexo. Sweswo hi leswi ndzi nga swivula, "Hosi Xikwembu, ndzi pfumeleli ndzi tlhelela endzhaku, nakona ndza Ku tshembhisa leswaku ndzi tava jaha ra kahle."

<sup>84</sup> Kutani loko ndzi tava ndzi duvuriwile, a ndzi vula mavunwa, ndzi endlile swin'wana swa kahle leswi swi nga ekusuhi na swin'wana leswi a swi fanele swi endliwa, nchumu wun'we ntsena lowu ndzi nga wu vula... Swi nga antswa ndzi swi basisa loko ndza hari lahawani sweswi. Kutani loko ndzi languta ehansi kutani ndzi vona leswaku a ndzi pfurhetekile hafu ha ka mbirhi, hakanyingi, ndzi ku, "Xikwembu, ndzi twele vusiwana. Wa switiva leswaku a ndzi kalanga ndzi endla vuoswi." Walowo a wuri nchumu wuri woxe lowu ndzi nga wu vulaka eka Xikwembu. A ndzi amukelanga ku rivalela ka Xona, na hinkwaswo swilo leswi. Ntsena ndzi ta vula leswaku, ndzi nga ha ku, "A ndzi kalanga ndzi endla vuoswi."

<sup>85</sup> Kutani va ndzi yisa kwalahaya. Kutani swingaleswi, eka sweswo, ndzi huwelerile ndzi ku, "Xikwembu, ndzi twele vusiwana. Ndzi tava jaha ra kahle, loko U nga ndzi pfumelela ndzi tlhelela endzhaku," hikuva a ndzi switiva leswaku ku na Xikwembu kun'wana. Kutani swingaleswi ndzi pfuni, swivumbiwa hinkwaswo leswi swi nga eku vileleni hinkwako, a ndzo va mufiki lontshwa. Kutani ko biha ngopfu, ko chavisa, laha ku nga riki na matitwele ya vukhongeri kwalaho... Ku languteka tani hi mahlo lamakulu swinene, tinxiyi letikulu to kotisa *sweswo*, kutani ti tlhelela endzhaku tani hi ximanga, kukotisa ku tlhelela endzhaku tani hi *leswi*; na swilo swa wasi, kutani ku kotisa loko swi ri na swindomundomu kumbe swin'wana.

Nakona a va ri—ri eku fambeni, "Ooh, ooh, ooh!" Oho, i matitwele ya njhani! Sweswi loko ndzi...

<sup>86</sup> Kutani hi xinkadyani, ndzi tlhela ndzi vuyela eka vutomi bya ntumbuluko nakambe. Nchumu walowo wu ndzi karhate ngopfu. Ndzi ehleketa, "Oho, a swive hi ndlela ya leyo leswaku a ndzi nge pfuki ndzi ye eka ndhawu yo kotisa yaleyo; ku hava xivumbiwa xa ximunhu lexi xi nga tsakela kuya eka ndhawu yo kotisa yaleyo."

<sup>87</sup> Endzhaku ka nkombo wa tinhweti, ndzi vile na xivono xa kuva ndzi yimile eVupela-dyambu, niku vona leswaku xihambano xa nsuku xi xikele ehansi ehenhla ka mina. Nakona a—a ndzi switiva leswaku kuna tindhawu ta ndzhukano kun'wana.

<sup>88</sup> Sweswi, a ndzi kalanga ndzi swi tekela ngopfu enhlokweni kufikela kwalomu ka mavhiki ya mune lawa ya nga hundza. Nsati... A ndzi kalanga ndzi swi ehleketa eka tikotara leti. Kwalomu ka mune wa mavhiki lawa ya nga hundza, mina na nsati hi yile eTucson, kuya xava. Kutani loko ha ha tshamile...

Nsati, hi yile eka switepisi swa le hansi, kutani—kutani a kuri na ntlawa wa majaha yo hanya vusati va ri na misisi ya vona leyi yi nga hisiwa, ma switiva, tani hilaha vavasati va swi endlaka, kutani—kutani va yi kamela emahlweni yi endliliwe “bangs,” va ambirile tiburuku leti to leha, muxaka walowo, ndza pfumela va tibiti ta tinhamu, kumbe leswi mi nga va vitanisaka xiswona. Kutani a vari kwalahaya, kutani un’wana na un’wana a va langutile, kutani tinhloko ta vona a ti kule hi ndlela *yaleyo*, tani hi vavasati lava va swi ambalaka lahawani ti “haircut” ta “waterhead,” ma switiva. Kutani a va ri kwalahaya.

<sup>89</sup> Kutani wansati lontsongo u tile hikwalahaya, hiloko a ku, “U ehleketa yini ha sweswo?”

<sup>90</sup> Ndzi ku, “U fanele kuva na tingana wena hi wexe, loko u nga ehleketa ha sweswo.” Ndzi ku, “U na swo tala swa kahle swa leswi a nga swi endlaka tani hilaha u swi endlaka. Hambi un’wana na un’wana wa n’wina u na nfanelo.”

<sup>91</sup> Swingaleswi ndzi yile eka switepisi swa le henbla, kutani ndzi tshama ehansi. Kutani loko ndzi tava ndzi swi endlile, lahaya a kuri na switepisi swa eskaleta, a kuri exitolo xa J.C. Penney, kutani xitepisi xa muchini wa eskaleta xi ri karhi xi gonyisa vanhu. Kunene, ndzi vuye ndzi hlamba timbilu ekhwirini ra mina, loko ndzi vona vavasati lava loko va ri karhi va gonya va ta; lontsongo, lonkulu, hi ku hambanana, va ti nyama to vuna, lavantsongo, kutani eka ndlela hinkwayo, va ambarile swo koma; mimiri ya vona yo thyaka, na vavasati lava va nga ambala hi maambalelo ya vuhunguki, na tinhloko letikulu to kotisa teto, kutani lahawani va ta. Kutani un’wana a xika hi xitepisi xexo xa muchini, ntsena a ta kukotisa sweswo, laha a ndzi tshamile endzhaku exitulwini, ndzi tshamile kwalahaya ndzi korhamisele nhloko ya mina ehansi.

<sup>92</sup> Kutani ndzi hundzulukile kutani ndzi languta. Kutani un’wana wa vona loyi a ta hi switepisi a ku, “Ooh,” a vulavula Spanish, eka wansati un’wana. A ri wansati wa mulungu loyi a vulavula na wansati wa Spanish. Kutani loko ndzi tava ndzi langutile, [Makwerhu Branham a thokoza rintiho ra yena—Muhler.] xikan’we-kan’we ndzi va ndzi ncincile. Kwalahaya, ndzi tshame ndzi swi vona sweswo. Mahlo ya yena, ma switiva hilaha vavasati va swi endlaka sweswo, va penda mahlo ya vona, ntsena sweswi, tani hi ximanga, ma swi tiva va swi vekerisa xi *leswi*, va ambala na tinghilazi ta ximanga na swin’wana, ma swi tiva, na mahlo lawa ya nga honoka tani hi *leswi*, na swilo sweswo swa wasi ehansi ka mahlo ya vona. A kuri nchumu walowo ndzi nga wu vona loko ndza hari n’wana. Kwalahaya a kuri na wasati la fanaka. Hiloko ndzi sungula kuva na nyanyuko, ndzi languta hinkwako, kutani kwalahaya a kuri na vanhu lava a va vulavula vari karhi va rhasa, ma swi tiva, hi ku tlakuka ka minxavo na swin’wana emuakwini. Nakona ntsena ndzi... .

<sup>93</sup> A swi languteka ntsena hi xinkadyana xexo ndzi ncicile. Kutani ndzi langutile, kutani ndzi ehleketa, "Sweswo hi leswi ndzi nga swivona etiheleni." Kwalahaya a va ri kona, swinyeku sweswo. A ndzi ehleketa leswaku hikokwalaho ka kuva vari atiheleni hi swona swi nga va endla leswaku va va hi ndlela yaleyo, vuwasi bya rihlaza lebyi byi nga ehansi ka mahlo ya vona. Kutani lahwani hi lava vavasati va nga tipenda hi swa wasi kuhlangana na swa rihlaza, ntsena hi ndlela leyi xivono xi nga swivurisa xiswona kwalomu ka mune wa makume wa malembe lawa ya nga hundza.

<sup>94</sup> Wa vona, kwalomu ka mune wa makume wa malembe lawa ya nga hundza, hi leswi a swi ri xiswona. Ndzi na makume ntlhanu-mune; a ndzi ri na khume mune. Swingaleswi kwalomu ka makume mune wa malembe lawa ya nga hundza, ndzi... Kutani sweswo i-i... Yaley yo va nambara, hi ndlela yin'wana, ya ku avanyisa, ma swi vona. Sweswi kwalahaya a swi ri xisweswo...

<sup>95</sup> Ndzi swi vonile sweswo nakona ndzi tsandzeke no vulavula na nsati wa mina loko a ta. A ri lahaya a ri karhi a ringeta ku kumela Sarah na vana swin'wana, swin'wana swa—swa swiambalo kumbe swin'wana swa xikolo, kutani a—a ndzi nga swikoti hambi kuri... A ndzi nga swikoti hambi kuri ku swikota ku vulavula na yena. U teri, "Bill, ku humelela yini hi wena?"

Ndzi ku, "Murhandziwa, ndzi tani hi... Ndzo va munhu loyi a nga ti fela."

Hiloko a ku, "Ku humelela yini? Wa vabya xana?"

Ndzi ku, "Ee. Kova swin'wana swi nga humelela."

<sup>96</sup> Sweswi a nga switivi. U rindzerile muxaka wo kotisa lowu wa thepi leswaku yi tlhela yi vuya. A ndzi kalanga ndzi swi byela munhu. Kutani a ndzi ehleketa leswaku ndzi ta yima nyana, tani hilaha ndzi tshembhiseke, ku swi tisa ekerekeni kusungula. Wa vona? Ku swi tisa ekerekeni. Xexo a xi ri xitshembhiso xa mina. Kutani mi ta swi lemuka, endzhaku ka vusiku lebyi, xivangelo xa kuva ndzi khomeleta xitshembhiso xa mina. Wa vona?

<sup>97</sup> Ndzi ehleketa kwalaho, tani hilaha ndzi nga lemuka mahlo ya swinyeku lawa a ndzi ya langutile eka vavasati valava. A kuri na wa Spanish, French na Makula, ni valungu, hinkwawo va ri kun'we, kambe tinhloko teto letikulu ngopfu, ma swi tiva, yi kameriwile ehenhla, hi swikamu sweswo, hi ndlela leyi va yi kamicaka xiswona endzhaku, hi ndlela leyikulu, kutani va huma. Ma swi tiva, ma swi tiva leswaku va swi endlisa ku yini, va yi lulamisa tani hiloko va yi endla. Kutani va va lava va langutekaka va ri na swinyeku emahlweni, mahlo ya kumeka ya pendiwile, ya nghena endzeni tani hi mahlo ya ximanga. Na ku jakatseka ka vona, kutani kwalahaya a ndzi ri kona nakambe, ndzi yimile exitolo xa J.C. Penney, ku tlhelela endzhaku etiheleni nakambe.

<sup>98</sup> Ndzi—ndzi—ndzi kumekile ndzi chava. Ndzi ehleketa, “Hosi, hakunene a ndzi fanga, nakona U ndzi pfumelerile ku ta eka ndhawu leyi endzhaku ka sweswo.”

<sup>99</sup> Kutani kwalahaya a vari kona, va endla...ntsena hi ku rhendzeleka tani hi sweswo, eka xivono xo kotisa xexo, ntsena u nga ha pfula u swi twa hi ti ndleve ta wena, ma swi tiva. Ntsena ku jakatseka ni kuya emahlweni, ka vanhu, na vavasati va lava va taka hi xitepisi xexo xa muchini wa eskaleta kutani va famba-famba kwalahaya, na sweswo, “Ooh, ooh!” A kuri na vurihlaza ka vona, mahlo lawa ya langutekaka ya ngari kahle, na swirilo.

<sup>100</sup> Hiloko nsati a ta. Kutani ndzi ku, “Ndzi tshiki nyana ndzi ri ndzexe xinkadyana, murhandziwa.” Ndzi ku, “Loko u nga vileli, ndzi—ndzi—ndzi lava ku ya ekaya.”

Kutani a ku, “Wa vabya xana?”

<sup>101</sup> Ndzi ku, “Ee, ntsena yana emahlweni, murhandziwa, loko wa hari na swin’wana leswi u nga swi xavaka.”

A ku, “Ee, ndzi hetile.”

<sup>102</sup> Kutani ndzi ku, “U nge ndzi ku khoma hi voko.” Wa vona? Kutani ndzi huma.

A ku, “Mhaka i yini mara?”

Ndzi ku, “Meda, ndzi—ndzi—ndzi...Swin’wana swi humelerile ehenhla lahaya.”

<sup>103</sup> Kutani loko ndza hari ehansi ka sweswo, ndzi ehlekete leswi, “Xana i siku rihi leri hi hanyakka eka rona xana? Xana loku ku nga hava kuri ku Koka ra Vunharhu xana?” Sweswi ndzi na tinotsi tin’wana lahawani.

<sup>104</sup> Yesu. Hi kuma leswaku, Yesu, eka ministri wa Yena, endzhaku kaloko A chumayelele vanhu. Sweswi hi taya hi kongome Matsalwa hi ntiyiso eka leswi. Endzhaku ka loko Yesu a tava a hetile ministri wa Yena, nakona ministri wa Yena wu ariwile hi vanhu. Sweswi mi ta hlaya exikarhi ka mintila, mi humesa mavonele lawa ya nga ya n’wina. Tsundzukani leswi ndzi nga mi byela ekusunguleni. Endzhaku ka loko A tava a chumayerile...

<sup>105</sup> U tile tani hi Loyi a tshembhisiweke wa siku lero. Hinkwerhu ha switiva sweswo. Matsalwa ya tivisile Yesu Kreste tani hi Mesiya. Hi swona sweswo. Hi ku hetiseka, lowu wu nga tiya, lowu wu nga tiyisiwa hi Xikwembu na Rito ra Xona, leswaku hi Xona Mesiya. Ku hava xivutiso. Loko munhu a swivutisa, loko u swi endla, swingaleswi u fanele ku ta ealtareni, leswaku, “A ngari Mesiya.” Hakunene U ti tivisile erivaleni tani hi Mesiya. Kambe endzhaku ka loko A ri rivaleni...Xikwembu xi N’wi tivisile.

<sup>106</sup> Tani hilaha Petro a vuleke hi Siku ra Pentekosta, loko a tava a vulavurile na va Sanhedrin lahaya, eka mune...

kwalomu ka le ndzhaku ka mune wa masiku. U teri, "Yesu wa Nazareta, Wanuna loyi a nga khorwisiwa hi Xikwembu exikarhini ka n'wina hi masingita na swihlamariso, laha Xikwembu xi swi endleke ha Yena exikarhi ka vanhu, laha hinkwerhu hi nga timbhoni. Wa vona? Mi tekile, nakona hi mavoko lamo biha, nakona mi vambile Hosana ya Vutomi; loyi Xikwembu xi nga n'wi pfuxa, niku kombisa swilo leswi leswaku mi swi vona." Wa vona? Kreste u hanyile. Hakunene, wa ha hanya na namuntlha.

<sup>107</sup> Sweswi endzhaku ka loko Yesu a tile hi ku hetiseka, a titivisile hi Yexe; Xikwembu xi N'wi tivisile, nakona U profetile. Kutani endzhaku ka masiku ya vuprofeta bya Yena, hi ku tivisiwa hi Matsalwa, vanhu va N'wi arile. Hi swona sweswo. Nakona U chumayerile endzhaku kaloko va N'wi arile lahwani, van'wana lava a vari na nfanelo ya kuva va ponisiwile. Tsundzukani, loko A ri eku chumayeleni, a kuri na nkateko wa leswaku un'wana a nga ponisiwa. A hi switivi leswaku a tava mani. Va hlawuriwile khale. Kambe U yile emahlweni niku chumayela.

<sup>108</sup> Kambe endzhaku ka masiku ya ku chumayela ka Yena, ministri wa Yena wu yile emahlweni, hikuva ntawa wo hetelela lowu A nga wu chumayelela a kuri mimoya ley a yi ri atiheleni, ley i nga taka yi nga rivaleriwi. Ndzi swi hlaye kahle sweswo eka Bibele lahwani, kusuka eka Petro wa Vumbirhi. Wa vona? U yile a ya chumayelela mimoya ley a yi ri ekhotsweni, laha ku nga tihele, leti ti nga khiyiwa kufikela Siku ra Kuavanyisa.

<sup>109</sup> Hikuva, ma swi vona, Kuavanyisa a hi sweswi, nakona ku hava tihele leti ti pfurhaka sweswi. Loko un'wana a mi byela leswaku, "Munhu u le ku tshweni a tiheleni sweswi," sweswo swi hoxekile. Wa vona? Muavanyisi wa misava ley i u ringanerile leswaku a nga fanelanga kuavanyisa munhu kufikela laha a tengisiwaka. Nakona Xikwembu xi ngaka xi nga hoxi munhu e-e kheleni ra ndzilo ku fikela laha a avanyisiwaka hi milawu Leyi yi nga ya Xikwembu. U ale tintswalo, swingaleswi, ma swi vona, u fanele a tengisiwa kusungula, kutani ku tenga i Kuavanyisa Lokukulu Ka Xiluelo Xo Basa. Kambe sweswi u le ndhawini ley i yi vuriwaka yindlu ya khotso.

<sup>110</sup> Tani hilaha ndzi nga vona swivono swa tindhawu leti hatimbirhi, nakona hi tintswalo ta Xikwembu...A ndzi vuli leswi hi ku sandza, nakona, loko swi hoxekile, Xikwembu a xi ndzi rivaleli. Ndzi pfumela leswaku a ndzi ri eka tindhawu leti hatimbirhi, wa vona, eka tindhawu hatimbirhi. Nakona ndzi vonile lava va nga kutsuriwa, lava va nga katekisiwa; ndzi tlhela ndzi vona lava va nga lahleka, ni laha a vari kona. Sweswo hi swona swi endlaka leswaku ndzi yima tani hi makwerhu wa n'wina, namuntlha, ku ta mi tshinya leswaku mi

balekela xindledyana xexo xale hansihansi. Mi nga tshuki mi famba hi patu lero. Kutani mi na hinkwaswo leswi mi fanelaka ku swi hanyela, i ndlela ya leyo yale henhla leyi yi nga katekisiwa, laha vakutsuriwa va nga entsakweni na ku rhula, nakona va ngaka va nga dyohi. Va ngaka—va ngaka va nga ha tisoli. Va ngaka va nga ha swi endli. Kwalahaya, ku hava nchumu; va hetisekile. Ndzi vone havumbirhi bya tindhawu leti! Ndza switiva leswaku yaleyo i mhaka yo chavisa eka munhu ku yi vula, kambe, Xikwembu hi xona Muavanyisi wa mina, ndza pfumela hi ku xixima leswaku ndzi vonile tindhawu leti hatimbirhi. Ndza—ndza swi pfumela sweswo.

<sup>111</sup> Kutani, oho, a swive ekule eka munhu un'wana na un'wana kuva a nghena eka tindhawu teto ta lava va nga lahleka! Loko a wu yimile na tintambhu to hisa leti ti nga oxiwa eka wena, ti ku vavisa eka ndlela yin'wana na yin'wana, a swi nge fani naku vavisa ka dimoni lero ri nga endhawini liyani. Ku hava lexi xi nga... Miehleketo ya ximunhu yi ngaka yi nga swikoti, miehleketo ya ximunhu yi ngaka yi nga twisisi hilaha tindhawu ta lava va nga lahleka ti nga ha kona. Ku hava ndlela yo tihlamusela. Nakona ku hava ndlela yo hlamusela tindhawu leti tikwetsimaka leswaku tinjhani, tova kahle. Sweswo swa chavisa, kutani Leyi yi—yi kahle ngopfu, yi suka eka ku hlekisa ku ya eka yo saseka ku tlula mpimo. Swingaleswi loko munhu un'wana na un'wana a ndzi twa...

<sup>112</sup> Kutani ndzi le ku kuleni leswaku ndzi va mukhalabya. A ndzi tivi leswaku sweswi ndzi na mangani. Ku ngari khale ndzi tava na makume ntihanu-ntihanu wa malembe hi vukhale. Nakona a—a ndzi swi tivi, kuya hi ntumbuloko, a ndzi ngevi na malembe yo tala. A ndzi tivi laha thepi leyi yi nga taya kona. Kambe un'wana na un'wana a yingiseli, lahawani nale ka thepi, kumbe laha yi nga yaka kona. Mi ngayi eka tindhawu teto ta lavo lahleka. A wu nge swikoti ku fananisa tihelle leti hi mabihelo. Kutani hinkwaswo leswi u swi endlaka, u nga ngheni eka swin'wana... u rivala leswi, leswaku kuva tindhawu leti ti nga katekisiwa... Ndzi nga ha vula leswi, na Mukwetsimi Paul, "Tihlo a ri vonanga, ndleve a yi twanga, kumbe hambi swi nga nghena a mbilwini ya munhu, leswi Xikwembu xi nga va hlaiyisela swona lava va Xi rhandzaka." Swingaleswi yimani, loko mi ri eku yingiseleni ka thepi, timani muchini, kutani mi hundzuka loko mi nga ponisiwanga, kutani mi lulamisa na Xikwembu.

<sup>113</sup> Ndzi vula leswi hi ntokoto wa voko ro sungula, tani hilaha ndzi pfumelaka embilwini ya mina. Kutani ndzi ri, loko leswi, loko hi leswaku swivono swi ndzi xisile, Xikwembu a xi ndzi tweli vusiwana kuva ndzi vule mhaka yo kotisa ya leyo. Kambe hi ku tshembheka loku ku nga embilwini ya mina, hi ku tiva leswaku ku hava na xivono na xin'we xa swona xi nga tshama xi tsandzeka, ndzi pfumela leswaku a ndzi ri

eka tindhawu leti hatimbirhi. A swive ekule na xivumbiwa xin'wana na xin'wana xa ximunhu ku famba hi ndlela yaleyo ya le hansihansi!

<sup>114</sup> Sweswi, Yesu, endzhaku kaloko A hetile ministri wa Yena, u chumayelete mimoya leyi yi nga ponisekiki, leyi a yi nga ta poniseka hambi ku ri ku ponisiwa. Sweswi Bibele yi hi byela sweswo. "U yile a ya chumayeleta mimoya leyi a yi ri ekhotsweni, leyi yo ka yi nga hundzukanga." Loko tintswalo ta ha nyikiwe eka vona, va ti nyenyile tintswalo va ti fularhela, kutani sweswi va rindzele Kuavanyisiwa. Oho, wu tava wu ri nkarhi wihi! Oho, ndzi ehleketa leswaku loko a ndzi ri na maendlelo yan'wana lawa ndzi nga ta ninginisa misava ha wona, ku va pfumelela va vona leswaku ntiyiso wu yimise ku yini.

<sup>115</sup> Kutani Yesu u teri, yena hi Yexe, "Kukotisa leswi Tatana a Ndzi rhumeke, na Mina ndzi mi rhumisa sweswo." Kutani tani hilaha Tatana a N'wi rhumeke ku chumayeleta lava va—va hanyaka, eka lava va nga na ku tshembha, niku nyika Hungu rin'we eka lava va nga riki naku tshembha, ri ti komba ri ringanelia, eka lowu nkarhi, sweswo swi ta fanela ku endlienda, hikuva Moya wa Kreste lowu wu hanyaka eka hina a wu ncinci ntumbuluko wa Yena, kumbe a wu kali wu ncinka mafambiselo ya Xikwembu. Xi boheka ku fana eka rixaka rin'wana na rin'wana. Xi boheka ku fanana. U teri, "Kukotisa leswi Tatana a Ndzi rhumeke, na Mina ndzi mi rhumisa sweswo."

<sup>116</sup> Tiministri ti boheka ku fana, hi vunyingi bya leswi A nga swi vula... Ndzi vona van'wana van'wina mi le ku tsaleni ka Matsalwa ehansi. Mukwetsimi Yohana 14:12, "La pfumelaka ka Mina, mintirho leyi Ndzi yi endlaka u ta yi endla na yena." Wa vona, "mintirho," ku chumayeleta lava va nga lahleka, ku hanyisa vavabyi, ni lava swi nga kotekiki leswaku va nga ponisiwa. Wa vona? Ntirho wu yile emahlweni ku fanana. Swingaleswi, leswi a swi ri tano, (a swi ngari tano leswi xana?) mi nge ndzi swi veka hi ndlela leyi, ministri wa Yesu Kreste wu nghanile wu fuma eka Kereke ya Yena eka siku leri ro heteleta. Sweswo hi leswi votala va hina hi swi pfumelaka. Ndzi pfumela na n'wina. Ndza swi pfumela leswi. Loko ndzi nga swi pfumeli, ndzi nga endla swin'wana ha swona. Hikuva, endzhaku ka hinkwaswo, loyi hi mina ndzi nga na mha-... loyi a nga na mhaka ni lahwani. Kutani loko Moya wa Xikwembu wuri eka n'wina, mi na mhaka na vanhu.

<sup>117</sup> Kuna Matsalwa lawa nkarhi hinkwawo ya ndzi phazamisaka, hilaha Muxe a nga byela Xikwembu miehleketo yo antswa kutlula leyi Xikwembu xi nga na yona, ku fikela laha ndzi swi kumaka leswaku a kuri Moya wa Kreste lowu a wu ri ndzeni ka Muxe. Wa vona?

<sup>118</sup> Xikwembu xi teri, "Muxe, tiave eka vona. Ndzi ta lovisa hinkwawo, kutani ndzi sungula na wena."

<sup>119</sup> A ku, “Hosi!” U ti hoxe hi yexe evubihini, a ku, “Ndzi teki. Sula vito ra mina.” Eka vanhu valava lava va nga ndzi pfukela, mbilu ya yena yi va famberile. Wa vona?

<sup>120</sup> Kutani loko muministara loyi a nga na vanhu embilwini ya yena... Hilaha ndzi nga tshama ndzi titwa hi ku lulama eka... emahlweni ka Xikwembu, nale ka vumina, ku khomelala xin'wana na xin'wana endzhaku evanhwini lava u va rhandzaka ku antswa kutlula loko u ti rhandza wena hi wexe. Swi nga endlekisa ku yini kuva munhu a teka munhu a n'wi yisa ekerekeni hi ku n'wi joyinisa hi voko, kumbe hi ku haxiwa nyana, kumbe hi nkhuvulo wun'wana wo hoxeka, kumbe swin'wana, ni kuva pfumelela va badama ehansi ka—ka nkucetelo wa sunwa u ri karhi u swi tiva leswaku Bibele yi tshame lahaya, a tlhela a ku u rhandza munhu?

<sup>121</sup> Hambi hilaha ndzi fanelaka hi ku kombelela vutomi bya mina, hambi leswi swi nga vaka swona, mi nge ndzi tshembheka na Xikwembu na vanhu, leswaku ndzi va byela Ntiyiso. Ndzi nga ti pfumeleri leswaku ndzi va muxisi. Xana ndzi nga xisa njhani lava ndzi va rhandzaka xana? Hambi leswi ndzi fanelaka kuva vavisa, hambi swi ri tano ndza va rhandza. Hi xona xivangelo xa kuva mi phakata n'wana wa n'wina, swi hikokwalaho ka kuva mi n'wi rhandza. Ku nga ri hi leswaku a mi n'wi rhandzi; hikuva ma n'wi rhandza. Loko a hoxile, u ta dlayiwa loko mi nga n'wi lulamisi.

<sup>122</sup> Sweswi, swingaleswi na ministri a wuri tano. Tani hilaha a wuri tano, wu tano na namuntlha. Wu chumayeriwile, kutani hakunene wu tiyisisiwa hi Rito ra Xikwembu, leswaku a wu ngevi munhu ntsena, wu fanele wu va Xikwembu. Wu fanele kuva tano. Lemukani, masingita ya lawaya yo fana ya ximoya lawa Yesu a nga ma endla, ya tlhele ya humelela emisaveni emasikwini ya makumu. Singita reriya ra ximoya leri A nga ti tivisa yena hi Yexe tani hi Mesiya, ri N'wi tivisile namuntlha. Wa ha ri Mesiya! Masingita ya lawaya yo khomelaka ya humelerile emisaveni, lawa ya nga humelela ha Yena, leswi Yena a ri xiswona. Langavi reriya ra Ndzilo leri Mukwetsimi Paul a nga ri vona, Un'we wo fana, hinkwaswo leswi swi nga humelela hi ntumbuluko wun'we eka swona, wa ha endla swo fana.

<sup>123</sup> Yesu u koxile leswaku A nga endli nchumu ku kondza Tatana a N'wi kombisa. Nakona Tatana i Moya lowo Kwetsima, hi swi xiyisisile sweswo. Wo va ntsena hofisi ya Xikwembu. Loko swi ngari tano, swingaleswi hi xih xihi xin'we xa swona xi nga Tatana wa Yesu Kreste xana? Yesu u teri Xikwembu hi xona Tatana wa Yena, nakona Bibele yi vule leswaku Moya lowo Kwetsima a wuri Tatana wa Yena. Sweswi, u ngaka u nga N'wi endli n'wana loyi a nga hungukiwa, swingaleswi Moya lowo Kwetsima i Xikwembu, swingaleswi na Yesu a ri Xikwembu. Swingaleswi, Xikwembu,

Tatana, N'wana, na Moya lowo Kwetsima i...I ku...Teto i tihofisi tinhарhu ta Xikwembu xin'we. I swihlawulekiso swi nharhu, ka ha ri Xikwembu xin'we.

<sup>124</sup> Mi xiphemu xa Xikwembu, na mina ndzi xiphemu xa Xikwembu, wa vona; kambe a ndzi wa Xikwembu hinkwako, hambi kuri n'wina a mi va Xikwembu hinkwako. Wa vona? Wa vona? I swihlawulekiso swa Xikwembu leswi swi nga ehenhla ka hina, tani hi vana lava va nga adoptiwa hi Yesu Kreste. Laha, Xikwembu hi Xoxe xi ngava nyama, leswaku xi hi fela.

<sup>125</sup> Sweswi, Moya lowo Kwetsima nkarhi hinkwawo wu N'wi komba swilo leswi swi nga tata, nakona A nga se tshama a hoxisa. Wu hetisekile hi minkarhi hinkwayo. A hi swona xana? A nga kali a ti themendhela hi Yexe. U themendhela Xikwembu. A ku, "N'wana a ngaka a nga endli nchumu yena hi Yexe kambe leswi A swi vonaka Tatana loko a swi endla wa swi endla." Kutani Tatana, loyi a nga Moya lowo Kwetsima, a ri Tatana wa Yena. A hi swona xana? "Yosefa, wena n'wana wa Davida, u nga chavi ku titekela Maria nsati wa wena, hikuva Leswi a xirhuke swona i swa Moya lowo Kwetsima," loyi a ri Tatana wa Yena. Nakona Moya lowo Kwetsima wu kombe Yesu swilo leswi swi nga tata, wu N'wi byela swilo leswi a swi ri xiswona.

<sup>126</sup> Kambe A ri Xikwembu xa Muprofeta. Hikuva, Rito ra Hosi ri ta eka muprofeta ntsena; ku kombisa leswaku Marito ya tile, hi xivumbeko xo tsan'weka, vaprofeta va tsale leswi Hosi yi nga va byela swona. Kambe Yena a nga tsalanga nchumu, hikuva A ri Rito. A ri Rito.

<sup>127</sup> Xiyisisani, Moya lowo Kwetsima waluwa wu nga hanya eka Yena, "Ku ngari kungani, misava yi ngaka yi nga ha ndzi voni; kambe n'wina mi ta Ndzi vona, hikuva Ndzi tava na n'wina, hambi kuri ku tshama na n'wina, ku ya fika emakumu ya misava. Ndzi tata eka n'wina," U vule tano. "Mina," a ndzi ri Tatana loyi a ri eka Yena, "loyi a nga ta ta eka n'wina." Nakona U teri, "Loko Moya lowo Kwetsima wu ta xikelah ehenhleni ka n'wina, Yena u ta mi paluxela swilo leswi Ndzi nga mi dyondzisa swona, nakona u ta mi komba swilo leswi swi nga ta ta." Kwalaho mi nga kona sweswi.

<sup>128</sup> Sweswi ha swi xiyisia, leswaku tani hi Moya lowo Kwetsima wu tirhaka eka Kereke kwalaho, swingaleswi swa ha fana Moya lowo Kwetsima wu endla swo fana namunthla; wu switivisa hi Langavi ra Ndzilo, ntsena tani hilaha a swi ri emasunguleni hakona, swo fana. Kutani hi ku vona leswi swi tako ehenhleni ka Yesu, Yohana u swi tivisile enambyeni wa Yordan. Ni ku khorwisa hinkwaswo, hambi kuri swifaniso swa xisayense ya swona. Swi ngaka swi nga kanetiwi. A swi ri hi xisayense. A swi ri leswi swi khomelkaka. A swi ngari mianakanyo yo thathela. A swi

ngari dyondzo ya sayikholoji. Tani hilaha George J. Lacy a nge teri, "Tinhlo ra muchini wa khamera ri ngaka ri nga fodi sayikholoji. Layiti yi bile lense."

<sup>129</sup> Kutani n'wina ke, kereke, sweswo swi kwalomu ka ntsevu kumbe nhungu wa tinhweti leti ti nga hundza, kuva ni yimile lahwani, ndzi vula leswaku, "Hi leswi HOSI YI SWI VULAKA, leswaku ndzi ya eTucson, Arizona. Kutava na ku buluka, kutani Tintsumi ta nkombo ti ta humelela." Ma swi tsundzuka? [Nhlengeletano yi ku, "Amen."—Muhleri.] Ku ngari hambi... Xikwembu xi swi endla swi va swa ntiyiso kufikela laha magazini wa *Look* yi nga teka swifaniso swa kona. Hi ximoya, swi rhange hi ku voniwa, swi vonakala swi khomeka ku fanana, Tintsumi ta nkombo, leti ti nga tisa ku songa-songa ka Matsalwa hinkwawo. Hikuva, hinkwaswo swihundla swa Bibele ya khale swile ka Swilemo swa Nkombo. Ha switiva leswaku ya—ya Leyo i Buku, Yi lemeriwile, hi ku ringanisa Kwaloko. I xihundla xa Buku ya khale, xi nga eka Swilemo leswi swa Nkombo, leswi Hosi yi nga hi pfumelela ku swi tisa.

<sup>130</sup> Nakona ku na vavanuna va nga tshama lahwani, namunthla, lava a vari kwalahaya na mina loko swi humelela. Magazini wa *Look* wu khorwisa leswaku a kuri swo fana, leswi hakunene swi—swi nga humelela. Hikuva, a Xi ri Xikwembu lexi xi nga swivula. A xi ri Xikwembu lexi xi nga yima endzhaku ka Rito ra Xona, ku Ri endla loko Xi vule leswaku Xi ta ri endla. Swingaleswi, a hi munhu un'wana, munhu wa xinyama ku kotisa mina, lava va nga exikarhini ka n'wina vanhu. I Xikwembu lexi nga riki na Makumu.

<sup>131</sup> Xi tirhisa vanhu. Walowo i ntiyiso. A Xi endli nchumu ehandle eka leswi Xi swi endlaka hi vanhu. Hi swi lemukile sweswo. Yena, yaloyi i wa Xona—yaloye i mutirhi wa Xona. Yaloye hi yena Xi nga n'wi hlawula. Hikokwalaho ka yini, a ndzi switivi. A Xi tava xi endlile dyambu leswaku ri chumayela Evhangeli. A Xi tava xi endlile moyu wu chumayela Evhangeli. A Xi tava xi endlile moyu leswaku wu endla swilo, kambe Xi hlawurile vanhu.

<sup>132</sup> Yaleylo a yiri miehleketo ya Xona, leswaku munhu u ta kota ku vulavula na munhu; ku nga ri yena hi yexe, kambe, "Rito ra Hosi ri ta hi vaprofeta," swiporofeti, swichumayeri. Nakona xiprofeti lexi xi alanaka na Rito ra ntiyiso, xana a ngava muprofeta wa ntiyiso njhani? Wa vona? A ngaka a ngavi tano, hikuva u alana na Rito ra Ntiyiso. Kutani loko swingari tano, swingaleswi Rito leri, rona hi Roxe, tani hilaha Ri chumayeriweke hi vuntiyiso bya Rito na hi vuntiyiso bya Moya lowo Kwetsima, Ri ta kombisa xitshembhiso xin'wana na xin'wana lexi Xi nga tshembhisiwa. Sweswo hi leswi hi swi tivisaka xiswona hambi hi swona kumbe a hi swona. Sweswo

hi leswi Yesu a nge teri, “Loko Ndzi nga endli leswi swi nga tsariwa ha Mina leswaku ndzi ta swi endla, swingaleswi mi nga Ndzi pfumeli.” Wa vona? Sweswi ha swivona swilo leswi.

<sup>133</sup> Tsundzukani, Swilemo swa Nkombo swi hetisekile, nakona loko leswi swa nkombo swi paluxile Mintiyiso . . .

<sup>134</sup> Wun’we wa yona, Xi ngaka xi nga hi pfumeleli leswaku hi wu tiva. Hina . . . I vangani lava a vari kona lahwani eka Swilemo swa Nkombo, niku switwa? [Nhlengeletano yi ku, “Amen.”—Muhleri.] Hinkwerhu ka n’wina, ndza bvumbha. Wa vona, xi—xi Xilemo xa Vunkombo, a Xi nga ta xi pfumelela.

<sup>135</sup> U yimile lahaya ekamareni kutani xi paluxa xin’wana na xin’wana xa swona. Kutani loko ndzi tshame ndzi chumayela swin’wana evuton’wini bya mina, leswi swi nga hloholoteriwa, a kuri sweswo. Nakona swi fanele kuva ntiyiso, eka n’wina. Ndzi yima lahwani ndzi mi byela leswi swi nga ta humelela, ni kuya kwalahaya, kutani hambi kuri sayense na hinkwaswo, vulavisisi bya xisayense na swin’wana, xihundla evanhwini, swi khorwisa leswaku swi humelerile kwalahaya. Kutani hi tlhela hi vuya hi tatwa loko swi tlharhamuriwa, niku endla Rito rin’wana na rin’wana leswaku ri ntiyiso. Xana hi hanya eka siku rihi? Xana hi le kwihi xana?

<sup>136</sup> Kutani tsundzukani, eka Xilemo xexo xa Vuntsevu, laha, Tinanga ta Nkombo hinkwato ti nga twakala ehansi ka Xilemo xa Vuntsevu. Loko hi nghena eka sweswo, mi ta swivona sweswo. Nanga yin’wana na yin’wana (ta nkombo) ti humelele eka Xilemo xexo xa Vuntsevu.

<sup>137</sup> Nkombo minkarhi hinkwayo i xihundla. Hlalelani nkombo ya leyo, yaleyo i ku heta. Kwalaho i ku Vuya ka Hosi. Matilo a ya miyerile, ku ku whi, ku hava loyi a tshukunyuka. Hikuva, Yesu u teri hi Yexe, “Hambi kuri Ntsumi ya Matilo a yi switivi leswaku Ndzi ta vuya rini. Na Mina a ndzi switivi hambi kuri ku switiva, hi Ndzechex, leswaku wu tava nkarhi wihi. Tatana u veke sweswo emiehlekeweni ya Yena.” Xikwembu xi ri xoxe hi xona xi swi tivaka, xi nga Moya. A ku, “A ndzi switivi.” Kutani, a swi paluxiwanga. Loko Nanga yaleyo ya Vunkombo yi tava yi twakarile . . . kumbe Ntsumi ya Vunkombo, xi—xi Xilemo xi lemuleriwile, kutani ku vile naku miyela eMatilweni. Wa vona, a swi kalanga swi nyika ndlela, eka leswi swi nga ta humelela.

<sup>138</sup> Kambe ehansi ka Xilemo xa Vuntsevu, hilaha Timhalamhala leti ti nga pfuriwa kona. Tsundzukani, ehansi kwalahaya, hi kuma leswaku Xinyimpfana xi tile, xi humelela xi vonakala. A siyile Xitshamo xa Ndzhivalelo. Ntirho wa Yena wo kutsula a wu herile. Kutani U tile a ta humesa Buku leyi a yi ri evokweni ra xinene ra Yena loyi a tshamile eXiluvelweni, kutani “nkarhi a wu nga ha ri kona.” Kutani xikan’wekan’we loko ntsumi yi humelela eka

kuavanyisa ka vunkombo, kumbe kuavanyisa ka vu<sup>10</sup> na vhesé ya vu<sup>7</sup>, yi ku... Ntsumi leyí yi xikerile ehansi yi ta hlambanya, leswaku, “nkarhi a wa ha ri kona.”

<sup>139</sup> Kambe, ma swi vona, eka Buku leyí hi leswi swi nga kutsuriwa. A yi ri Buku ya ku Kutsula. Kutani hinkwaswo leswi A nga swi kutsula swi tsariwile eBukwini. Hinkwaswo leswi A nga swi fela swi tsariwile eBukwini, nakona A nga ta swikota ku sukela Xitshamo xa Yena xa vuhalanganisi kufikela laha A kutsulaka hi ku hetiseka. Nakona A nga ta xi kutsula exihambanweni, hikuva a va hlawuleriwile khale eBukwini ya Vutomi ya Xinyimpfana, nakona A fanele hi ku tshama Kwalahaya leswaku a khongeleta kufikela laha munhu ya loye wo hetelela a helelaka. Wa kwetsima!

<sup>140</sup> Kambe siku rin'wana U pfukile Kwalahaya, a humelela. Xana Buku a yi ri kwihi xana? A ya ha susiwile eka N'winyi wa yona, Xikwembu xa Matimba hinkwawo. Kutani Yohana u langutile hinkwako, kutani a rila, hikuva a kuri hava munhu loyi a faneriwile hi ku yi languta Buku, ngopfu—ngopfu, eka ku lemulula ka Swilemo, ku ta paluxa xihundla lexi xi nga tumbetiwa leswi a xi ri xiswona.

<sup>141</sup> Swihundla a swi ri endzeni ka Swilemo swa Nkombo. Loko Swilemo leswi swa Nkombo swi tava swi chuchiwile, sweswo a swi pfula Bibele ya khale. Swilemo swa Nkombo; A swi lemeriwile hi Swihundla swa Nkombo, kutani eka swona Swilemo leswi swa Nkombo a swi khomile xihundla xa khale xa Yona. Nakona a kuri Buku ya ku Kutsula, ya Testamente leyí Ntshwa.

<sup>142</sup> Ku ngari ya Khale. Ntsena xi vulavula hi Testamente leyí Ntshwa. “Va endliwile... va ngaka va nga endlifi va hetiseka loko hina hi nga ri kona,” Vaheveru 11. Wa vona? Wa vona? Sweswi, ku kutsuriwa ku ta ntsena hiloko Mukutsuri a fa. Nakona hi ku hetiseka a va ri ehansi ka ngati ya swinyimpfani, ku ngari Mukutsuri; a nge se kutsula kwalaho, ku fikela laha Mukutsuri a taka.

<sup>143</sup> Xiyisisani sweswi loko Mukutsuri loyi... Yohana u langutile hinkwako, kutani lahawani a ku tshamile Xikwembu eXiluvelweni, na Buku leyí a yi ri evokweni ra Xona, leyí a yi lemeriwile hi Swilemo swa Nkombo, nakona makungu hinkwawo ya ku kutsula a ya ri eka yona.

<sup>144</sup> Nakona a yi lahliwile hi rimbewu ra ximunhu, Adam. Kutani Xikwembu... Xi tlhelerile endzhaku kwihi? Sathana a nga ta swikota ku yi teka; ntsena u lo n'wi endla leswaku yi n'wi lahlekela ntsena. Kambe xana Buku yi yile kwihi kwalaho? A yi nga ha ri ya rimbewu ra ximunhu. Minkateko a yi nga ha ri ya lahawani; lahawani rimbewu ra ximunhu ri yi lahlide. Swingaleswi yi tlhelerile endzhaku eka N'winyi wa yona wo sungula, loyi a ri Xikwembu.

<sup>145</sup> Lahawani Xi tshamile na Yona, kutani Xi vitanile munhu un'wana, un'wana, ku ta a ta Yi koxa.

<sup>146</sup> Yohana u langutile hinkwako, nakona a kuri hava munhu a Tilweni, kuri hava munhu a misaveni, kuri hava munhu, kuri hava Ntsumi, kuri hava loyi a nga tekaka Buku kumbe ku chucha Swilemo, kumbe hambi kuri ku Yi languta. A kuri hava munhu loyi a ri na nfanelo. Yohana u teri u ririle hilaha ku bavaka.

<sup>147</sup> Kutani Ntsumi yi tile eka yena, yi ku, “U nga rili, Yohana, hikuva Nghala ya Nyimba ya Yuda yi hlurile, nakona Yi na nfanelo.”

<sup>148</sup> Kutani Yohana u langutile ku vona xinyimpfana . . . kumbe ku vona nghala, kutani u kumile yini xana? Xinyimpfana, nakona a xi ri Xinyimpfana lexi a xi ri na Ngati, Xinyimpfana lexi xi nga dlayiwa. Kusukela rini? Kusukela loko misava yi nga se tumbuluxiwa.

<sup>149</sup> Xinyimpfana xi tile, xi famba xi ya eka Yena loyi a ri na Buku evokweni ra Yena ra xinene, xi fika xi teka Buku; xi tlulela ehenhla eXiluvvelweni xi fika xi tshama ehansi. Hi swona sweswo. A swi herile (rini?) loko Swilemo swi tava swi paluxiwile. Loko wo hetelela, loyi a nga hinkwaswo eka leswi A nga swi kutsula, a kuri hava nchumu . . .

U tile a ta kutsula.

<sup>150</sup> Mi ri, “Hikokwalaho ka yini A nga va kutsulanga eka malembe ya makume mune lawa ya nga hundza? Madzana mambirhi ya malembe lawa ya nga hundza?”

<sup>151</sup> Wa vona, mavito ya vona ya le Bukwini ya Vutomi, endzeni ka Buku ya leyo. Nakona A fanele ku yima lahayani, hikuva a kuri xikongomelo xa Xikwembu ku va kutsula. Mavito ya vona a ya vekiwile eBukwini ya Vutomi ya Xinyimpfana ku nga se va na masungulo ya misava. Xinyimpfana a xi vekiwile kwalahaya na yona, leswaku xi dlayiwa. Lahawani ku ta Xinyimpfana, loko xi dlayiwile, xi tlhela xi vuya leswaku xi ta khongeleta.

<sup>152</sup> N’wi languteni! Ku tava na vaencyeneti votala, vunyingi bya hinkwaswo, kambe hakunene a kuri na un’wana loyi a ya eku ponisiweni, hikuva U . . . Kereke yi hlawuriwile leswaku yi ngavi na xivati kumbe ku khonyana. Yi tava Kwalahaya. Nakona Xinyimpfana xi file hi xikongomelo xexo. Kutani loko vito ro hetelela eka Buku ya leyo ri kutsuriwile, Xinyimpfana xi tile xi ta teka Buku, “Ndzi Un’wana loyi a swi endleke!”

<sup>153</sup> Tintsumi, Tikherubimi, lava mune na makume mbirhi wa Vakulukumba, lava nga Swivandzana, hinkwavo, a va ti ambexanga tiharhi vona hi voxé, va wele ehansi emahlweni ka Xiluvelo, va ku, “U na nfanelo!”

<sup>154</sup> Yohana u teri, “Hinkwaswo leswi swi nga eMatilweni nale misaveni swi ndzi twile loko ndzi huwelela, ‘Amen,’ ndzi

huwelela, ‘Haleluya,’ nakona a ku dzunisiwi Xikwembu.” Ku huwelela ku tlakukile. Hikokwalaho ka yini? Mavito ya vona a ya ri endzeni ka Buku yaleyo, leswaku ya ta paluxiwa, nakona Xinyimpfana xi yi paluxile.

<sup>155</sup> Xinyimpfana xi yi kutsurile, kambe A nga ta swikota ku ta kufikela laha vito rin’wana na rin’wana ri paluxiwaka, nakona sweswo a swi teka ndhawu ehansi ka Xilemo xa Vuntsevu, ku nga se lemuriwa xa Vunkombo. Kutani lexi xi nga riki na xivati... Swingaleswi Xinyimpfana Xi tele leswi xi nga swi kutsula. U tela ku ta koxa leswi A nga swi kutsula. Khale A ri na swona, kona kwalahawani eBukwini, a Yi teka evokweni ra Xona. Sweswi U tela ku ta teka lava A nga va kutsula. Walowo i ntirho wa Yena. U wu endlile. U tela ku ta wu endla. Oho, ku tava—ku tava kuri nkarhi wihi! U swikhorwisile, Xilemo xa Vunkombo xa swi khorwisa. Ku vuyela endzhaku ku ta teka Buku ya ku Kutsula!

<sup>156</sup> Xiyisisani, ku fanele kuva Hungu ra ntsumi ya vunkombo leri ri nga ta paluxa xa vunkombo, Swilemo swa Vunkombo. Nhlavutelo 10:7, sweswi, mi ta swi kuma. Wa vona?

<sup>157</sup> “Kutani u vonile Ntsumi leyi yi xikela ehansi, yi vekela nenge wa Yona emisaveni nale lwandle,” yaloye a ri Kreste, “a ri na nkwangula tilo enhlokweni ya Yena.” N’wi xiyisiseni, mi ta N’wi kuma eka Nhlavutelo 1, nakambe, “na nkwangula tilo enhlokweni ya Yena; a languteka tani hi ribye ra yaspa na sardio,” na kuya emahlweni. Lahawani Wa ta, a vekela voko rin’wana... “Nenge wun’wana ehenhla ka misava, wun’wana ehenhla ka mati; a yimisela voko ra Yena ehenhla. A ri na nkwangula tilo ehenhla ka nhloko ya Yena,” hambi swi ri tano. Walowo i ntwanano. A ri Ntsumi ya Ntwanano, laha a ri Kreste; a ti endla wa le hansi nyana ka Tintsumi, leswaku a hlupheka. Lahaya Wa ta, “Kutani a vekela mavoko ya Yena eMatilweni, kutani a hlambanya hi Loyi a hanyakila hilaha ku nga heriki,” Loyi a nga riki na Makumu, ku nga Tatana, Xikwembu, “leswaku nkarhi wu ngaka wu nga havi kona,” loko leswi swi humeleta. Swa huma. Swi endllekile. Swi hetisekile.

<sup>158</sup> Kutani Matsalwa ya ri, “Kutani eka—eka Hungu ra ntsumi ya vunkombo ya laha misaveni,” murumiwa wa le misaveni, Nguva ya Kereke ya vunkombo ni yo hetelela, “emasungulenii ya ministri wa yena,” loko wu ta sungula emisaveni, hi nkarhi walowo, “xihundla xa Xikwembu, xa Swilemo leswi swa Nkombo, swi ta tivisiwa hi nkarhi walowo.” Sweswi ha ku vona laha hi nga kona. Swi nga va tano, vanghana, swi ngava tano xana? Xiyisisani, hinkwaswo swa koteka.

<sup>159</sup> Hinkwaswo leswi swi nga kutsuriwa eBukwini, U tela ku ta kutsula. Hinkwavo lava a va fanele ku kutsuriwa eBukwini, lava va nga hlawuriwa masungulo ya misava ya nga se va kona. U tile a ta Yi kutsula. Hinkwaswo leswi A nga swi kutsula swi tsariwile kwalahaya endzeni.

<sup>160</sup> Ndzi lava ku mi vutisa xivutiso sweswi. Na n'wina vanhu lava mi nga eka thepi, yingiselani swinene. Mahlo ya vona lawa ya chuhweke, nhloko yaleyo yi chuhweke, swi ngava swi ri hikokwalaho ka Hungu leri kuva ri ri karhi ri lwisana na vavasati va nguva leyi xana? Xana leri ri nga hava ri ri Hungu ra ntsumi yo hetelela xana? Xana U vule yini ehansi lahaya enambyeni, kwalomu ka malembe ya makume nharhu-nharhu lawa ya nga hundza? “Tani hi Yohana a nga rhumiwa,” wa vona, “ku ta tivisa ku ta ro sungula ka Kreste, Hungu ra wena ri ta tivisa ku Vuya ka yena ra vumbirhi.” Ku rhendzeleka hi misava, kutani sweswo hi leswi swi nga endleka, kutani ku Vuya ku boheka ku fika. Langutani leswaku ku humeleta yini sweswi.

<sup>161</sup> Hikokwalaho ka yini? Ndzi n'wayile nhloko ya mina. Ndzi vumbulukile ehenhla ka xikhegelo xa mina. Ndzi famba-fambile ehansi. “Xana ku humeleta yini hi n'wina?”

<sup>162</sup> Masiku mantsongo lawa ya nga hundza, ndzi vutisile vavanuna vambirhi lava a ndzi khandziyile na vona. Ndzi vutisile Jack Moore nkarhi wun'wana. Kutani hinkwenu ka n'wina ma n'wi tiva Jack Moore. Ndzi ya eka yena a Shreveport. Ndzi ku, “Makwerhu Jack, u vile munghana wale kusuhi swinene tani hilaha ndzi ngava na yena emisaveni.” Kutani ndzi nga se n'wi vutisa, ndzi vutisile nsati wa mina.

<sup>163</sup> Loko munhu un'wana a tiva swin'wana ha mina, vubihi bya mina na—na hinkwaswo, i nsati wa mina, wa vona, munhu loyi a rhandzekaka. Kutani ndzi teri eka yena siku rin'wana, ndzi ku, “Murhandziwa, tani hi nuna wa wena, ndzi muvuri wa Evhangeli. A ndzi swilavi ku tisa swisolo swin'wana na swin'wana ehenhleni ka Loyi ndzi n'wi rhandzaka. Ee. A ndzi swi lavi ku ku vavisa. A ndzi nge tisi swisolo swin'wana eka wena. Xikwembu xi swi siverile sweswo leswaku a ndzi nge tisi nchumu lowu wu nga ta ku vavisa. Kutani hi swihi swin'wana leswi swi nga vavisaka Xikwembu, hilaha ndzi Xi rhandzaka hakona! U nsati wa mina; hi Xona Muponisi wa mina na Xikwembu xa mina. Ndzi lava ku mi vutisa xivutiso. Mi nga kali mi koka xibakele. Ndzi byeleni ntiyiso.” Ndzi ku, “Ndzi nga hava ndzi hlaye ngopfu . . .”

<sup>164</sup> Kutani ndzi hlamarile. Ndzi, ndzi—ndzi pfukile, ndzi ngari kahle, ndzi nga twisiseki. Ndza switiva sweswo. Un'wana na un'wana u teri, “I munhu wa njhani!” Kunene, wa vona, u ngaka u nga ti endli wena hi wexe. U hi leswi u nga xiswona, hi tintswalo ta Xikwembu.

<sup>165</sup> Kutani ndzi—ndzi—ndzi teri, “Xana ndzi ngava ndzi lahlekeriwile nyana hi miehleketo swintsongo, ma swi tiva, na—na maendlelo ya kuva ni fambile?” Ndzi ku, “Hikokwalaho ka yini ndzi sola vavasati lava, xikan'wekan'we, loko ndzi ri karhi ndzi va rhandza xana?”

<sup>166</sup> Va foyinile, va ku “ndzi muvengi wa vavasati,” ntsena a ndzi va vengi... Ntsena ndzi “venga vavasati.” Wa vona? Sweswo swi hoxekile. Ndza va rhandza vavasati, ndzi vula leswaku, tani hi vamakwerhu va mina.

<sup>167</sup> A ndzi nge mi bambateli enhlaneni, ndzi ri karhi ndzi swivona leswaku mi hoxile. Ndzi nga ha mi byela sweswo. Ndza mi rhandza na mina eka sweswo. Vavanuna van’wana lava va swi endlaka sweswo, i muxaka lowu wu hambaneke wa rirhandzu. Wa vona? Ndza mi rhandza hikuva ndzi rhandza leswi mi nga xiswona; mi vapfuni eka n’wana wa Xikwembu, nakona mi xiphemu xa yena. Wa vona? Nakona ndza—ndza mi rhandza hikuva mi—mi endliwile hi xivumbeko xa munhu, nakona munhu u endliwile hi xivumbeko xa Xikwembu, swingaleswi, hi ri kun’we, mi un’we eka Kreste. Sweswo hi swona swi endlaka leswaku ndzi mi rhandza. Xin’wana, nchumu wun’wana, ku hava nchumu eka wona. Xikwembu xa switiva sweswo, vutomi bya mina hinkwabyo. Wa vona? Hi swona sweswo. Ndza mi rhandza. Hikokwalaho ka yini ndzi nga yima nakona xikan’wekan’we...

<sup>168</sup> Loko va ku, “Byela vavasati hinkwavo, loko, loko hi leswaku va ta eku yingiseleni ka Makwerhu Branham loko a chumayela, va kamile misisi ya vona ku hambana. Va ambala swidloko kumbe swin’wana kumbe xin’wanyana, hikuva u ta sungula ku bulusela hi misisi yo koma, na swa n’wina... Mi nga ti phontsha-phontsi,” ni kuya emahlweni tani hi sweswo. Sweswo hi leswi va swi endlaka. “Hinkwaswo leswi a vulavulaka hi swona!”

<sup>169</sup> Un’wana u teri, “Hikokwalaho ka yini wena...” A ku, “Vanhu va ku pfumela tani hi muprofeta wa vona. Hikokwalaho ka yini u nga dyondzisi vavasati hi ku amukela tinyiko ta ximoya, na swin’wana swo kotisa sweswo, ematshan’wini ya ku va dyondzisa maendlelo yo kotisa ya lawa?”

<sup>170</sup> Ndzi ku, “Loko va nga dyondzi ti ABC ta vona, xana “algebra” yona va ta yi tiva njhani?” Wa vona? Lulama, ku sungula.

<sup>171</sup> Loko ndzi ya ndzi chumayela swinene, swo ya swi nyanya. Kutani mi ri, “Hikokwalaho ka yini u nga tsiliki?” Ee, nkulukumba. Ku fanele kuva na rito, mbhoni ku lwisana na swona.

<sup>172</sup> Un’wana wa vanhu lavakulu eka ministri namuntlha, u ndzi tlhandlekile mavoko ku nga ri khale ngopfu, a ku, “Ndzi ya eku ku khongeleleni, Makwerhu Branham, loko u nga ndzi pfumelela leswaku ndzi swi endla, leswaku Xikwembu xi ta swi humesa sweswo embilwini ya wena.” A ku, “Tshika vavasati va ri voxé, eka swilo leswi.”

<sup>173</sup> Ndzi ku, ndzi ku, “Xana wa swi pfumela sweswo xana, nkulukumba? U muchumayeri loyi a kwetsimaka.”

<sup>174</sup> A ku, "Hakunene. A ndzi swi pfumeli, kambe," a ku, "sweswo—sweswo swile ka . . ."

Ndzi ku, "Ee."

A ku, "Sweswo i swa vafundhisi."

Ndzi ku, "A va swi endlili."

<sup>175</sup> Un'wana u fanele ku swi endlila. Nambu wu fanele ku tsemakanyiwa. Dzovo ri fanele ku yevuriwa. A ndzi swi lavi ku swi endlila. Xikwembu xa switiva leswaku a ndzi swi lavi ku swi endlila. Vavasati votala va vona va phamela vana va mina, nakona va ta veka vutomi bya vona ehansi hikokwalaho ka mina, hakanyingi. Miehleketa, nakona tintswalo ta Xikwembu ti haxekile ti hangalaka hi Moya lowo Kwetsima, u ehleketa leswaku ndzi nga yima ndzi nga ninginiki ni loko ni vona munhu yaloye wa vusiwana a famba a ya nembelela ehandle halahaya laha ku nga riki na Makumu a nga ri naku tshembha, loko ndzi nga huweleli ku lwisana na swona?

<sup>176</sup> Ku nga ri kuva xithlavi; kambe moya wa tiko leri, moya wa kereke, ku ngari Moya wa Kreste, sweswi; moya wa kereke, dinominexini, yi jombhisile vavasati lava eka thyaka lero ri nga halahaya. Nakona mina ndzo va rito ntsena, ri huwelelaka leswaku, "Humani eka rona. Balekelani thyaka lero." Mi nga pfumeleli javulosi a mi endlela swo kotisa sweswo. Ri hoxekile!

<sup>177</sup> Kutani n'wina ma Assemblies of God, mi pfumelela vavasati, mi pfumelela vavasati va boba misisi ya vona, kambe mi va alela ku ti phontsha. Hakunene ku hava Matsalwa lawa ya lwsanaka na ku ti phontsa-phontsa, kambe ku na yo lwsana na ku boba misisi ya n'wina. A nga ringanelanga hambi kuri ku ringanelia ku khongela emahlweni ka Xikwembu, Bibele yi vula tano. Nuna wa yena u na nfanelo yo n'wi tshika a hambana na yena. Hi swona. U tikombisa yena hi yexe eka misava tani hi wansati loyi a nga tengangiki. Bibele yi vule tano. A nga xiximi nuna wa yena loko a endlila sweswo. Sweswo hi swona leswi Bibele yi nga swivula. Wa vona?

<sup>178</sup> Kunene, kambe wansati wo tola swo ti phontsa-phontsa, hi kuma wansati loyi a swi endleke eBibeleni, un'we ntsena. A ri Yezebel. Yaloye a ri yena. Munhu un'we ntsena eBibeleni loyi a nga tshama a tola swo tiphontsa-phontsa, a ri Yezebel, kutani Xikwembu xikan'wekan'we xi phamela timbyana ta nhova ha—ha yena. U yile loyi a khomisaka tingana, kutani hambi kuri yena . . . Hinkwaswo, hinkwaswo leswi a swi vuriwa swi thyiwile Yezebel.

<sup>179</sup> A mi fanelanga ku swi endlila sweswo. A mi fanelanga ku swi endlila. I yini leswi swi endlaka leswaku mi swi endlila kwalaho xana? Moya wa dimoni.

<sup>180</sup> A mi swi tekeli enhlokweni. Ndza switiva leswaku a mi swi endli. Mi—mi vanhu va kahle ngopfu. Mikahle. Ma tlhavula voko ra mina, ma vulavula na mina.

<sup>181</sup> Nakona ndza mi rhandza. Hi swona sweswo. Kambe loko ndzi swivona sweswo, a ndzi ngevi mutikukumuxi... Paul u teri, “A ndzi khomiwanga hi tingana ku mi hlambanyela hi Huvo hinkwayo ya Xikwembu.” Leswaku ku ngavi na ngati ya wansati ehenhleni ka mina hi Siku lero, kumbe kuri hava ya wanuna. Ndzi mi byerile Ntiyiso. Nakona a ndzi swi venga ku swi endla; kungari ku venga hi leswaku no ka ni nga swilavi ku endla leswi Xikwembu xi ndzi byelaka ku swi endla, kambe ndza mi rhandza. A ndzi lavi ku mi vavisa, swingaleswi xana ndzi ya endla yini? Kambe hi ku tengä, ka Rirhandzu ra Vukwembu ku ta mi endla leswaku mi swi endla.

<sup>182</sup> Yesu u khongerile hambi kuri ku khongeleta ku hambana na xihambaro. “Loko swi nga koteka xinwelo lexi a xi ndzi hundzi?” A ku, “Hambi swi ri tano, ku nga endliwi ku rhandza ka Mina, kambe a ku endliwi ku rhandza ka Wena.”

<sup>183</sup> Ndzi ya va nakulorhi loyi a nga ta vula leswi? Ndzi ya eku tekeni ka vavasati va vona lavo saseka na hinkwaswo, ni kuva ndzi va phatlulela va va swiphemuphemu? Xana ndzi ya eku swi endleni xana? Xana ndzi ya ekutekeni ka vamakwerhu va mina va va ministara, ni yima kwalahayani ni va byela leswaku va rhandza mali na—na ku rhandza dinominexini kutlula ku rhandza Xikwembu? Mina, eka vamakwerhu va mina lava va tlhandlekeke mavoko ya vona... Oho, xana ndzi fanele hi ku endla sweswo? O Xikwembu, u nga ndzi pfumelei ni swi endla.

<sup>184</sup> Kambe a ndzi vanga na tingana ku hlambanya eka n'wina hi Huvo hinkwayo. I Rirhandzu ra xiviri leri ri nga ni endla leswaku ndzi swi endla.

<sup>185</sup> Hi yona mhaka Hungu leri ri ri hi ndlela leyi? Ku hava emisaveni laha ri nga rona. Ri le kwihi xana? Hi swona. Va chava. Wa vona? Kambe a ri nga chavisi. Hakunene. Xikwembu xi hi ndlela yaleyo hi minkarhi hinkwayo, wa vona. Hi swona. Hi yona mhaka vavasati lava va tshinyiwa hi Hungu leri? Ndzi ngari eku switiveni, a swi nga paluxiwanga. A swi kombisiwile eka mina, kambe a swi kalanga swi ta eka mina ku fikela siku rin'wana. Wa vona? Ndzi languta kwalahaya. Hi swona. Hakunene swi ringanerile ministri.

<sup>186</sup> Sweswi yimani nyana. Xana ku kale ku ngava na nkarhi lowu wu nga va misava ya vavasati ekusunguleni xana? Ina. Ku ya hi matimu, emasikwini ya Eliya, a kuri na wansati loyi a thyiwile Yezebel. Kutani u vile ni vulawuri ehenhleni ka kereke ya Xikwembu, laha Bibele yi vulaka leswaku u ta tlhela a va kona hi siku ro hetelela; moyo wa yena, hi kereke, ya vandla. Nakona u tava muoswi, kutani hinkwato

tikereke letin'wana na yena ti tava swioswi, ntsena tani hi laha a ri xiswona. A hi swona xana? [Nhlengeletano yi ku, “Amen.”—Muhleri.]

<sup>187</sup> Nhlavutelo 17, yi teri, “Hi yena muoswi, nakona hi yena MANANA WA SWIOSWI.” Sweswo swi ngaka swi ngavi vavanuna. Valava i vavasati. Wa vona? Kutani hinkwavo va cukumetiwile, va ri karhi va hanya, eKheleni ra Ndzilo, va herisiwa. I ntiyiso walowo? Kwalaho mi nga kona.

<sup>188</sup> Xiyisisani, loko Yezebel yaloye a pfuka eka xivono, kuva na wanuna loyi a pfukaka a lwisana na xona. Xikwembu xi tisile wanuna. A hi switivi hambi kuri ku swi tiva laha a humaka kona. A nga na masungulo ya ministri. A nga kalanga a va na muprista kumbe kuri hava nchumu. U tile, wanuna wo dyuhala wo khwaxa wa nhova hi vito ra Eliya, kutani u vekile xihloka erimintswini ra nsinya, kutani va n'wi vengile. Ku nga ri sweswo ntsena, kambe nhlengeletano hinkwayo yi n'wi vengile.

<sup>189</sup> Kutani siku rin'wana u ehleketele leswaku u yime a ri yexe. U teri, “Ee, Ndzi na nkombo wa magidi wa lava nga na wena.” Wa vona? Walowo a wuri ntlawa walowo wu nga hlawuriwa, wa vona. Minkarhi hinkwayo ku na ntlawa walowo. Xi ku, “U nga chavi, Eliya. Ndza switiva leswaku u ehleketa leswaku u balekile, hikuva tidinominexini ti ku tsutsumerisele ehenhla lahaya emaninginingini ya xiganga. Kambe,” xi ku, “Ndza ha ri na nkombo wa magidi ya lava va pfumelaka swo fana ni leswi u nga swi chumayela. Wa vona, Ndzi na vona.”

<sup>190</sup> Kutani endzhaku ka siku ra yena, Rhoma yi nghanile, kutani kwalahaya kuva na nkarhi wa wansati wa misava nakambe, tifexeni hinkwato ta—ta vavasati, hilaha va nga huma hakona eka swihuku swa vona swa tibonete na swin'wana, wa vona. Kutani Xikwembu xi pfuxa un'wana loyi a nga na Moya wa xona, ku nga Moya wa Elixa. A hi swona xana? Kutani u teri, “Xihloka xi vekiwile erimintswini ra nsiya.”

<sup>191</sup> Kutani a kuri na wansati lontsongo wa khale wo saseka kwalahaya loyi a nga tatiwa hi moyo, kutani a n'wi teka... a siya nuna wa yena, a tekiwa hi makwenu wa yena, Heroda. Herodias, a ri wansati wo—wo tipenda-penda wo kurha wa siku lero, a densa. U dyondzisi nhwana wa yena leswaku ku densisiwa njani. A ri na nhwana, hi tatana loyi a nga riki wa ngati, ku—ku nga tatana la nga riki wa ngati; hi tatana, makwenu wa yena wa xinuna. Herodias! Yaloye a ri nhwana wa—wa—wa wansati. Kutani kwalaho u n'wi dyondzisile ku densa, kutani a va mudensi wa ntiyiso loyi a nga hluvula, hi ku landzelela mana wa yena. Kutani u ehleketele leswaku a nga ha tekiwa ka mune kumbe ka nthianu, a endla leswi a lavaka ku swi endla.

<sup>192</sup> Kutani lahawani ku ta Heroda. Hinkwavo a va ri Mayuda, sweswi tsundzukani. A vari vanhu va kereke. Lahawani ku humeleta Heroda, na kereke ya yena, ku ta yingisa muprefeta loyi, vanhu a va pfumela leswaku i muprefeta.

<sup>193</sup> U fambile a kongoma havumbirhi swikandza swa vona, kutani a ku, "A swi le nawini leswaku u nga n'wi teka." Kutani hi ku endla sweswo swi endlile wansati leswaku a buluka! Wa vona?

<sup>194</sup> Sweswi, munhu wa ntolovel a nga ha ku, "Ku njhani, Herodias? Hi tsakile kuva na wena eka nhlengeletano ya hina namuntha." Kambe ku ngari Yohana.

<sup>195</sup> Yesu u teri, "A mi ya vona mani, loko mi ya vona Yohana? A mi ya vona un'wana loyi a nga ambala ku fana na muprista xana? Ee, loyi a nga ta, muxaka wa yaloye a khisaka vana niku lahla vafi." Wa vona? U teri, "Xana a mi ya vona yini? Moya, rihlanga leri a ri tsekatsekisiwa hi moyo? Va ri, 'Tana haleno, Yohana. Hi ta ku hakela ngopfu loko u nga hi chumayeleta. Kutani, hina, hi nhlangano lowukulu?" Ku ngari Yohana. Ee, a nga kalanga a ya a ya vona sweswo.

<sup>196</sup> A ku, "Xana a wu ya vona yini, kwalaho, loko u ya u ya yingisela na ku vona Yohana, wa muprefeta?" A ku, "Kutani Ndzi ri, eka n'wina, u tlula muprefeta! . . . u nga swi amukela, loyi hi yena loyi vaprefeta va nga vulavula hi yena leswaku u le ku teni, 'Ndzi ta rhumela murhumiwa wa Mina emahlweni ka Mina, kutani u ta lulamisa ndlela ya Hosi.'" A ri murhumiwa wa Ntwanano. U teri, "A ku se tshama kuva na munhu, loyi a nga tswariwa hi wansati, tani hi lonkulu tani hilaha a ri hakona." Wa vona?

<sup>197</sup> Yaloye i muxaka wa munhu loyi a nga pfuxa hi Xikwembu eka siku lero, Eliya, munhu wale ndzhaku a nhoveni. Yohana, swi fanaka. Wa vona? Moya wa Eliya a wuri ehenhleni ka Yohana. Kutani A ku, loko ku fika siku ra wansati nakambe, Moya walowo wu ta pfuka nakambe, "Ku nga se fika ku Vuya ka Hosi, loko misava yi ta ntshwa, kutani lavo lulama va ta famba ehenhla ka—ka nkuma wa vatiarisi, tani hi nkuma lowu wu nga ehansi ka minkondzo ya vona." U swi tshembhisile, nakambe, eka masiku lawa. Xiyisisani, Moya lowo Kwetsima wu swi tshembhisile sweswo. Swi ringanelia nkarhi lowu hi hanyaka eka wona.

<sup>198</sup> Ku boheka kuva na un'wana loyi a nga ta pfuka. Yaloye a fanele ku ta, hikuva HI LESWI HOSI YI SWI VULAKA, Malakiya kuavanyisa ka vu4. Sweswo hi leswi Xi nga swi vula leswaku ku tava kuri sayini, "Ntsena ku nga se fika Siku lerikulu leri ri chavisaka ra Hosi, Ndzi ta mi rhumela Eliya." Nakona u ta endla yini xana? "Ku tlherisela endzhaku timbilu ta vana ti tlhelela eka Dyondzo ya va tatana, ku tlhelela eBibeleni," va huma eka ku hambana loku ka dinominexini,

“kutani va vuyela eBibeleni, ku tlhelela eka Xikwembu.” Sweswo hi leswi a nga ta swi endla. Xiyisisani leswaku i nkarhi wihi lowukulu hi hanyaka eka wona.

<sup>199</sup> Vaprofeta va vona va holoverile vavasati va vona va manguva lawa va masiku ya vona, kutani havumbirhi va swi hakerile hi vutomi bya vona. Matimu ya khorwisa leswaku un’wana na un’wana wa minkarhi leyi a kuri wansati wa misava, loko vavasati va lawula.

<sup>200</sup> Langutani namuntlha. Hi tava na un’we, Presidente, rin’wana ra masiku lawa, swi languteka tani hiloko swi nga humelela sweswi. Kahlekahle, wansati i Presidente. Wa vona? Ntsena u vumba nhloko. Lahawani ku nga ri khale ngopfu, eka rin’wana ra matiko, a dzunisiwa ngopfu na hinkwaswo leswi a swi huma evanhwini, kufikela laha Presidente, yena hi yexe, a ku, “Ndzi nuna wa yena.” Presidente wa United States, wa vona. U tshamisisa tifexeni, vavasati va swi landzelela, wa vona, ntsena tani hilaha Yezebel a swi endleke. Mi wu twile nchumayelo wa mina hi *Vukhongeri Bya Yezabel*. Ma swi tiva. Ma wu tiva ha wona. Ma ku vona laha hi nga kona sweswi xana?

<sup>201</sup> Ma swi vona leswi swi nga humelela lahawani, vhiki kumbe mavhiki mambirhi lawa ya nga hundza, lahawani a dorobeni? Muminstara wa Faith Lutheran u rhambile muprista wa Khatholiki wa Sacred Heart leswaku a ta a ta n’wi chumayeleta, nakona u swi endlile, na muminstara wa Faith Lutheran u yile eka muprista wa Khatholiki a ya n’wi chumayeleta.

<sup>202</sup> Laha Council of Churches yi nga kwalahaya sweswi, yaleyi i nhlengeletano leyi yi nga eRhoma. Papila leri ro kondletela leri munghana wa mina wa kahle, David duPlessis; loko ndzi ta va ndzi tshamile kwalahaya ndzi n’wi huwelela ha swona, a Fourteen-Mile Creek, ku nga ri khale ngopfu; a nga ri eku swi tekeleni enhlokweni leswaku u jombhisela kereke a yi yisa eBabilona, loko un’wana na un’wana a ha ku, “Oho, hinkwato tikereke ti ta va yin’we.” Ina, ndza switiva sweswo, wa vona, ntsena hi leswi swi nga tsariwa ebukwini ya mina ya vuprofeta hi 1933, hi leswi swi nga ta humelela. Hikokwalaho ka yini, a mi swi voni leswaku i Sathana a mi hlanganisaka kun’we xana? Bibele yi vula tano. Nakona ntsena endzhaku nyana, ku ngari khale ngopfu, tani hiloko va va un’we, kutani nhlanganyelo wa tidinominexini wu tava wu herile, wa vona. Ku tava kuri mfungho wa n’wina wa xivandzana, hi swona. Wa vona?

<sup>203</sup> Ntsena a ndzi na nkarhi wo nghena eka leswi, kambe, wu tshunelela kotara ku nga se ba khume mbirhi. Wa vona, ndzi lava ku swi hetisa leswi, hi kuma mhaka leyi. Ntsena ndzi andlala Matsalwa lawa lahawani laha mi nga ta kota ku vona laha hi nga kona, kutani hi ta pfala ku ngari khale.

<sup>204</sup> Sweswi xiyisisani leswi swi nga humeleta. Va—va vaprofeta va tshinyile vavasati lava hi masiku ya vona nakona va vitaniwile “va vengi va vavasati.” Hi swona sweswo. Matimu ya swi khorwisa leswaku a swi ri tano.

<sup>205</sup> Sweswi yimani nyana. Mi le ku tsaleni ka Matsalwa ehansi, mi fanele ku tsala ehansi Timotiya wo Sungula 5:6. Bibebe yi teri, “Wansati loyi a—a hanyaka hi ku ti tsakela ka misava.” Ku ngari hi ku tsakela ka Xikwembu; kutani swi fanele swiva tano, wa vona. “Wansati loyi a hanyaka hi ku ti tsakela ka misava u file a ri karhi a hanya.” Sweswo hi leswi muprofeta a nge teri, Mukwetsimi Paul, “Wansati loyi a hanyaka eka xiyimo lexi xa misava u file a ri karhi a hanya.” Loko a alana na tintswalo, a nga ha tsemekanya ntila wa ndzelekano laha ku pfumalekaka ndhawu ya yena nakambe. Nakona u le kwih, na mahlo ya yena yo pendipa, nakuva a kerha misisi ya yena? Nakona u tsemekanyile ntila, a ka hari na ku vuyela endzhaku, nakona ku fanele ku va na ministri lowu wu nga chumayeriwela yena. Kambe tsundzukani, hi nkarhi walowo, hinkwaswo swi herile. Swi endlekile. Kova ntsena leswi swi tshamaka swi ri karhi swi humeleta.

<sup>206</sup> Kutava na ministri lowu wu nga ta kombisa mahlori lamakulu, Yoel u vule tano, kambe a ku nge hevi na nkarhi wa ku kutisburya. Hinkwaswo swi hetisekile. Xinyimpfana xi swi endlile loko xi teka Buku ya Xona, na vakutsisburya va Xona va hetisekile. Tani hilaha Yesu a nga sungula a chumayela nakona a aleriwa, kutani a famba a tshamela ro ya eka lava a va ri lahaya, ku chumayilela vona lava a va ri ekhotsweni, a va kotanga ku hundzuka, a kuri hava nkarhi wa ku ponisiwa, ministri wo kotisa walowo wu fanele ku tlhela wu vuyelela nakambe. Xana a ku ta humeleta yini loko sweswo a kuri ku Koka ra Vunharhu, eka lava va nga lahlekela Makumu. A ku ta humeleta yini loko a swi ri kwalahaya? Ndzi tshembha leswaku a swi tano. A ku ta humeleta yini loko a swi ri tano? Ehleketa ni hi swona sweswi xinkadyana. A ku ta humeleta yini loko a swi ri tano? Xikwembu xi swi alerile. Ndzi na vana. Wa vona? Kambe hakunene swi languteka swi ri ekusuhi swinene lahawani.

<sup>207</sup> Hikokwalaho ka yini xivono xexo xi tile loko ndza hari n'wana xana? Hikokwalaho ka yini ndzi nga ehleketa hi xona ekusungulen? Hikokwalaho ka yini ku landzelerisa kwaloko ku tile ekamareni siku rin'wana, ku ku, “Hi leswi lahawani”? Swi le xikarhi ka lava va nga hu...ku—ku nga mimoya leyi nga lahleka. Kutani Yesu u va chumayelerile, a mbhonyiela, kambe a va—va kalanga va hundzuka. Kutani loko ndzi ya emahlweni ni chumayela, voya va nyanya. A ku vanga na ku hundzuka. Ku hava ndhawu ya swona.

<sup>208</sup> Xinyimpfana xi tekile Buku ya Xona loko, Xilemo xa Vunkombo ntsena xi tilulamiserile ku pfuriwa, Xilemo xa Vuntsevu. Tsundzukani, Xi hi tumbeterile Xilemo xa

Vunkombo. A Xi nga ta swi endla. Loko Ntsumi yi tava yi yimile, siku na siku, yi swivula, kambe a Xi nga ta swi endla eka ya loye un'we. A ku, "Ku vile na ku miyela eMatilwени." Ku hava na un'we loyi a switiva. A kuri ku Vuya ka Hosi.

"Oho," mi ri, "swi ngaka swi ngavi tano." Ndza tshembha a swi tano.

<sup>209</sup> Ntsena a hi yeni nyana emahlweni lahawani. Ndzi na swin'wana leswi swi nga tsariwa, wa vona. Hi swona.

<sup>210</sup> Tsundzukani, "Wansati loyi a hanyaka hi ku ti tsakela ka misava," hi swilo swa misava, a va na maendlelo ya yona. A nga haya ekerekeni a va na maendlelo ya mukwetsimi, sweswo a swi nge pfuki swi pfune nchumu, wa vona, kambe, "u file a ri karhi a hanya."

<sup>211</sup> Langutani hilaha tidinominexini ti nga n'wi endlela swona. Va n'wi endlile leswaku a khoma Rito ro Kwetsima, laha swi hambanaka na Bibele. Va n'wi endlile muchumayeri. Swi aleriwile hi Matsalwa. Hambi ku ri ku n'wi endla mulawuri sweswi, meyara, vafumi, hinkwaswo leswi swi nga etikweni, na kuva a ri muministara endlwini ya Xikwembu.

<sup>212</sup> Loko, a ri na nandzu wa vudyoho hinkwabyo lebyi a nga tshama a byi endla, hi yena muvangi wa byona. Hi swona. Sweswi, a ndzi tano, a ndzi vulavuli hi tinfanelo. U na nandzu wansati. Hi yena a nga endla leswaku n'wana un'wana na un'wana a tswariwa a ri bofu. Hi yena a nga endla leswaku ku ceriwa sirha rin'wana na rin'wana. Hi yena a nga va nga vudyoho, vuvabyi, maxangu. Ambulense a yi nga ta rila handle kaloko wansati a swi endlile. A kuri hava vukhamba lebyi a byi ta endliliwa, kuri hava vudyoho, kuri hava rifu, ku ri hava maxangu, kuri hava ku hlupheka, kambe i wansati a nga swi endla. Kutani Xikwembu xi n'wi alerile kuya a phulphitini kuya chumayela, kambe hambi swi ri tano va swi endla. Dinominexini, ma swi vona leswaku yile kwihixana?

<sup>213</sup> Hi yena xikwembu nyana xa wansati. Hi laha javulosi a nga a ntirhweni ha kona! Hikokwalaho ka yini, vanhu va Khatholiki va va endla tano, vavasati, swikwembu, va va khongela; hi swona sweswo, Maria wa xikwembu xa xisati, ni kuya emahlweni. Ndza ku vona laha a Ecumenical Council va nge teri swi ta humelela leswaku va ta khongela nyana swintsongo eka Yesu loko hi leswaku swi nga ha pfuna Maprotestant leswaku va nghena. Wa vona? Wa vona? Oho, sweswo swi nga totiwa hi chukele! "Leswi nga ncinceki," va vule tano. Wa vona? Ka hari javulosi ya luya wa khale. Bibele yi teri, "Kutani u va endlile leswaku hinkwavo va amukela mfungho ehenhla ka mimombo ya vona, lava mavito ya vona va nga tsariwangiki eBukwini ya Xinyimpfana ya Vutomi."

<sup>214</sup> I Kereke leyi yi nga hlawuriwa khale leyi ndzi vulavulaka hi yona, ku ngari leti ti nga ehandle lahaya. Ee, nkulukumba.

Eka mintlawa hinkwayo, Xi kokile vahlawuriwa va Xona. Sweswo hi leswi Xi vuyelaka swona, eka nguva yin'wana na yin'wana.

<sup>215</sup> Kambe lahaya u yimile. Hi luya lahaya. Kwalahaya hi yena; u chumayela Rito, u khoma Rito, a va xikwembu xa wansati, ni muvangi wa vudyoho hinkwabyo. Bibele yi teri, “A ndzi pfumeleli wansati ku dyondzisa, kumbe ku lerisa, kambe u fanele ku tshama a miyerile tani hilaha ku-ku vulaka nawu.” Wa vona? Kutani a ngaka a nga swi endli. Kambe va n’wi endla leswaku a va mulawuri wa tiko, meyara, mufumi; ku ngari khale u tava Presidente. Hakunene. Kwalaho mi nga kona. Yaleylo i ndlela, yaleylo i ndlela leyi swi fambisaka xiswona, wa vona. Kutani vanhu va endla sweswo hikuva a va na mhaka na Rito. Va ngaka va nga swivoni.

<sup>216</sup> Langutani eka Mayuda lawa ya nga yima lahaya, vadyondzi, vavanuna va kahle. Kutani Yesu u teri, “Mi huma eka tata wa n’wina, javuloso.”

<sup>217</sup> Xana ku nga humeleta yini loko ndzi nga N’wi ringa kona sweswi emahlweni ka n’wina? A hi swi ringeten nyana swintsongo, kutani Xikwembu a xi ndzi rivaleli kuva ndzi yima ethelo ro lwisana na Xona; kambe ntsena xinkadyana, ni ta mi kombisa swin’wana.

<sup>218</sup> Ku nga humeleta yini loko mi ngaku, “Kunene, mina, ku kwetsima a kuve eka Xikwembu, ndzi vulavurile hi tindzimi! Haleluya! Ndza switiva. Mina, ina, ndzi–ndzi na Wona. A ku kateki Xikwembu. Ina!” Aha, mi swi endlile?

<sup>219</sup> Ma va tsundzuka vanhu va vona va Israel. Bibele yi teri, endzhaku kaloko Xi tava xi humesile vanhu, ni kuva ponisa hi ku va humesa eEgipta, Xi va lovisile hikokwalaho ka ku ala ku landzelela Hungu. Wa vona? Va dyile mana lawa a ya huma eTilweni. Va dyile mana lawa Xikwembu a xi va nisela wona leswaku va dya, niku yima evukoneni ka murhumiya, kutani va vona Langavi ra Ndzilo, ni ku twa Rito ra Xikwembu, va swi vona swi tiyisisiwa. Kutani, hikokwalaho ka kuva va lavile ku pfumela Korah, “Leswaku ku nga hava na vavanuna votala lava va kwetsimaka. Ku nga hava na *leswi, sweswo*, kumbe *swin’wana*. Hi fanele ku kwetsima, na hina. Hi fanele ku endla hinkwaswo *leswi*. Vanhu hinkwavo va kwetsima.”

Xikwembu xi teri, “Tiavi wena hi wexe eka vona. U suka kwalaho.”

<sup>220</sup> Muxe u teri, “Hinkwaswo swile tlhelweni ra Hosi, fambani na mina.” Hi swona sweswo. Wa vona? Kutani ntsena Xi lo pfula misava xi va mita. Wa vona?

<sup>221</sup> A vari vanhu va kahle, na vona. Hakunene, a va ri tano. A vari vanhu va kahle. Ina, nkulukumba, kambe sweswo a swi swi endlanga. “A hi va kwetsimi hinkwavo lava nge, ‘Hosi,

Hosi,’ kambe hi loyi a endlaka ku rhandza ka Tatana wa Mina.” “Ku ngari loyi a ha sungulaka; hi loyi a hetiselaka.” Leswaku, ku hava tindlela to tsemekanya; u ta susiwa emakun’wini wa phikizano. Ku hava tindlela to tsemekanya. U boheka ku ta hi ndlela leyi Matsalwa ya nga yi vula.

<sup>222</sup> Loko Ri ku, “Hundzukani, mi khuvuriwa hi Vito ra Yesu Kreste, kutani mi ta amukela nyiko yi nga Moya lowo Kwetsima,” kuva ndlela yo tsemekanya, ku tlhavulana mavoko, ku joyina kereke kumbe dinomonexini. Mi ta hi Ndlela yaleyo! Handle kaloko mi nga fa eka vun’wina, kutani mi tswariwa hi Moya wa Xikwembu, mi—mi—mi lahlekile. Hi swona hinkwaswo. Ku hava tindlela to tsemekanya.

<sup>223</sup> Mi ri, “Kunene, ndzi nghena kereke.” Ndza switiva. Sweswo swi kahle. “Kunene, manana wa mina . . .” A ndzi swi kanakanis sweswo, kambe laha hi n’wina ndzi vulavulaka na n’wina. Wa vona? Mi fanele ku ta hi Ndlela ya leyo, hikuva ku hava tindlela to tsemekanya; mi ta susiwa eka Kuavanyisa. Mi ta hi Ndlela yin’we.

<sup>224</sup> Kuna Ndlela yin’we ntsena, nakona Kreste hi yena Ndlela yaleyo. Nakona Kreste hi yena Rito leri ri hanyakaka eka n’wina, leri ri basisaka hinkwaswo leswi A nga swi tshembhisa eka nguva. Wa vona? Ma swi kuma sweswo xana? [Nhlengeletano yi ku, “Amen.”—Muhleri.] Hi swona. Xiyisisani sweswi.

<sup>225</sup> Van’wana va ri, “Vanhu lava va kahle.” Hakunene. A ndzi vuli leswaku a hi vanhu va kahle. A ndzi vuli leswaku Mukwetsimi Cecilia ni hinkwavo ka vona a va ngari vavasati va kahle; a swi ri tano nale ka manana wa mina, kambe ndzi na ntiyiso wa leswaku a ndzi khongeli yena. Hakunene a ndzi tano. Hakunene, ndzi vonile vanhu va kahle vo hlaya, kambe a va nga ri swikwembu swa vavasati. Vo va vavasati, vavanuna. “Kuna Muhalanganisi un’we ntsena exikarhi ka Xikwembu na vanhu.”

<sup>226</sup> Kutani hikokwalaho ka yini, hikokwalaho ka yini munhu, wa Mupertekostal, munhu wa misava . . . laha papila lero ra sekhula leri Makwerhu duPlessis, makwerhu wa hina wo hlawuleka, a nga ri rhendzelekisa. Kumbexani van’wana va n’wina mina rona. Ntshamo . . . Ina, mi na rona. Eka Ecumenical Council, hi tlhelio ra pope, kutani ri ku, “I ra ximoya.” Ku hlahuva kwaloko ka moyo, a hi swona xana? “Oho, Moya wa Hosi a wuri kwalahaya, wa luwa wa ximoya.” Ina. Kwalaho mi nga kona.

<sup>227</sup> Hikokwalaho ka yini? Hikuva i nkateko ku hlanganisa Maprotestant na valava kun’we, lava hi nga lwa malembe, nakona Bibele yi swi yimerile niku hi byela leswaku swi ta humelela. Kutani hina . . . un’wana wa va ra hangeri wa hina lonkulu a nghena, a ku, “Hi swona sweswo. Sweswo hi leswi hi swi endlaka,” kutani hinkwayo kereke ya Protestant ya swi wela.

<sup>228</sup> Kutani hi swona hakunene, loko mi nga languta ehenhla lahaya, LESWI HOSI YI SWI VULAKA. Xo sungula, Rito ri swi vurile. Kutani Moya wa Hosi wu ku, hi 1933, hilaha wu nga swi vula hakona swilo leswi hi matiko lawa ya yaka eku lweni, ni hilaha michini yi nga tava ha kona, na hinkwaswo swo kotisa sweswo, wu swi vula sweswo hi ku hetiseka leswi swi nga ta humelela emakumu. Nakona hi leswi swi kona. A swi kalanga swi tsandzeka. Kutani lahawani ha swivona swa tivumba.

<sup>229</sup> Ma wu tsundzuka nchumayelo wa mina wa *Vukhongeri Bya Yezebel* ku ngari khale ngopfu? Ma n'wi tsundzuka loko Elixia a rhelela ehansi hi patu mixo walowo, ku ya va byela? Leswaku, ndzi chumayerile hi swona. Wa vona? Ni hilaha ndzi nga bvumbha hakona kwalaho leswaku ku ta fika nkarhi laha Ecumenical Council leyi yi nga ta hetelela yi va mfungho wa xivandzana, hikuva yi ta hlangana na xivandzana. Wu le ku swi endleni. Hi nguva ya mina, ndzi hanyile ku swi vona. Kutani hi lava Maprotestant, hi mamiliyon, va swi wela. Hikokwalaho ka yini? Sweswo hi leswi va swi languteleke.

<sup>230</sup> I mabofu! Yesu u byerile Vafarisi lava leswaku, “N'wina mabofu mi rhangelaka mabofu. Loko bofu ri rhangela bofu,” U teri, “hinkwawo a ve nge weli egojini xana?” Kutani kwalaho hilaha va welaka kona. Xana ndzi nga pfumela njhani leswaku munhu loyi a nga yima na mina niku vulavula na mina, a nga ha tshama a va na marito yo kotisa ya lawa! Wa vona, “Swi tumbeteriwile, mahlo, kusukela eka lavo tlhariha ni lava va vutivi, kutani Ri paluxeriwela vana lava va nga ta dyondza.”

<sup>231</sup> Ndza switiva leswaku siku rin'wana swi ya eku ndzi tekeleni ka vutomi bya mina. Hi swona sweswo. Swi tava tano, kambe lahawani Ntiyiso wu tiviwile. Aha.

Wo sungula ku fela makungu lawa ya Moya  
lowo Kwetsima,  
A ri Yohana Mukhuvuri, kambe a nga  
kalanga a huma eka swona; u file tani hi  
munhu;  
Kutani ku landzela Hosi Yesu, va N'wi  
vambilie,  
U chumayerile leswaku Moya wu ta ponisa  
vanhu evudyohwени. (A hi swona xana?)  
  
Kutani va khandlile Stefano, a chumayela ku  
lwisana na vudyoho,  
U va endlile va khunguvanyeka, va  
pyandlasile nhloko ya yena;  
Kambe u fela eMoyeni, a nyiketa moyo,  
Kutani a ya tihlanganisa na van'wana,  
muendzeriwa ya loye a nyiketeke vutomi.

A kuri na Petro na Paul, na Yohana wa matimba,  
 Va nyikerile vutomi bya vona leswaku Evhangeli yi nga ha vangama;  
 (Xana va endlile yini?) Va hlanganisile ngati ya vona, na vaprofeta va khale,  
 Leswaku Rito ra ntiiyiso ra Xikwembu ri nga ha vuriwa hi ku tshembheka.

Mimoya ehansi ka altari, yi le ku rileni leswaku, “Ku fikela rini?”

E ka Hosi ku xupula hinkwavo lava hoxeke;  
 Kambe kahari na votala lava nga ta nyikela vutomi bya ngati ya vona (ina, hi swona sweswo)

Hikokwalaho ka Evhangeli leyi ya Moya lowo Kwetsima na ndhambhi ya mavala ya ngati.

<sup>232</sup> Ntsena yi tshamela ro thona ngati! Ina, yi ta swi endla siku rin’wana, kambe ndzi rindzerile awara ya leyo loko yi tava yi hetisekile.

<sup>233</sup> Sesi un’wana ntsena a ri na norho. U wu rhumerile eka mina, a ku, “Ndzi va vonile, kereke ya leyo yi lulamisile ndlela leyi yi nga ta ndzi dlaya,” exihundleni, siku rin’wana loko ndzi huma emovheni wa mina, ndzi nghena, ni ta duvuriwa kusuka... Kambe a ku, “Kutani Moya wu ku, ‘Ku ngari ka lowu nkarhi, kambe swi tata endzhaku.’” Aha.

<sup>234</sup> Xikwembu xi swi siverile leswaku ndzi nga xaveleli eka nchumu. A ndzi tivi nchumu handle ka Yesu Kreste kutani Yena loyi a nga vambiwa. Hi hanya eka siku leri ri chavisaka. Vudyoho byi swi endlile leswi. Ina. Va—va khandlile Stefano hi maribye. Va tsemile nhloko ya Yohana, yi swi endlile. A ndzi swi tivi leswi hi nga ta ti nyikisa xiswona, kambe swi tava swa siku rin’wana. Hi swona, xiyisisani.

<sup>235</sup> Eka Mukwetsimi Yohana, loko mi lava Matsalwa ya sweswo. Mukwetsimi Yohana 6:49, hilaha va nga dya mana, nakona Yesu u teri, “Kutani vona, hinkwavo ka vona, va file.”

<sup>236</sup> Mi ri, “Kunene, sesi wa—wa mina, ndzi—ndzi vonile wansati loyi a ncina a ri eMoyeni.” Oho, ina. Aha. “Ndzi va vonile va swi endla sweswo. Ndzi n’wi vonile a vulavula hi tindzimi. Ndzi n’wi vonile...” Ina.

<sup>237</sup> Yesu u teri, “Votala va ta ta eka Mina hi siku lero, va ku, ‘Ndzi endlile swilo leswi hinkwaswo.’” Wa vona? “Va dyile mana emananga,” Yesu u teri, “kutani vona, un’wana na un’wana, va hambanele Makumu. Va file.” Sweswo i ku fambela Makumu. Va lovisiwile kwalahaya mananga.

<sup>238</sup> Ma yi tsundzuka Vaheveru kuavanyisa ka vu6, “Van’wana lava va nga tshima va tiva Ntiyiso, kutani va ala ku famba

eka Wona, a ka ha ri naku hundzuka eka vona.” Wa vona, mupfumeri wale ndzelekanī... Loko Ntiyiso wu tisiwile eka munhu eka nkarhi wo hetelela, nakona va ala ku Wu amukela; ku ya hi Buku ya Vaheveru, wa vona, va ta...ku hava nchumu hambi kuri nchumu emisaveni lexi xi nga va ponisaka.

<sup>239</sup> Va helerile. Ka hari hava ku hundzuka, ka hari hava ku kutsuriwa, ku hava lexi xi nga va salela. Va hambanele Makumu. Bibele yi vula tano, “Kambe ni ku langutela loku chavisaka ka ku avanyisiwa ni ku kariha ka ndzilo lowu nga ta hisa valala.” Kutani loko Ntiyiso wa Evhangeli wu tava wu kombisiwile, hi ku tiyisiwa swinene, kutani mi Wu fularhela mi suka mi famba, va herile. Hi swona hinkwaswo sweswo. Swa chavisa, kambe ndzi fanele ku wu vula.

<sup>240</sup> Ma ti tsundzuka Tintsumi leti nga hlaisangiki pfindla wa tona wo sungula, kambe ti tshikiwa lahaya endlwini ya khotsø emunyameni, laha misava namuntlha yi nga eku fambeni eka khotsø ya leyo, a ka hari na ku hundzuka.

<sup>241</sup> Matsundzuka eka malembe mantsongo lawa ya nga hundza, ndzi te, loko ndzi ta ndzi huma a Chicago, “Hambi Amerika yi ta swi amukela lembe leri, kumbe ri nga swi amukeli hinkwaswo.” Ma ku vona laha ri ngaya kona xana? Ina.

<sup>242</sup> Sweswi ndza hlamala leswaku ku Koka ra Vunharhu ku tava kuri ka njhani? O Xikwembu, i ngaku swi nga va ekule na sweswo! Kutani sweswo hi leswi ku Koka ra Vunharhu ku telaka swona? Swi ngava hi ndlela yaleyo xana? Oho, mina! Ehleketa hi swona, vanghana. Ehleketa ha swona; a ndzi swi tsakeli.

<sup>243</sup> Yesu u teri, “Muxaka lowu wa yutikukumuxi...” Loko mi lava ku swi tsala sweswo, Matewu 23,-nkombo. Ndzi—ndzi na yona lahwani, “swi hlayeni sweswo,” kambe mi nga ha swi vona. “N’wina Vafarisi va mabofu!” Mi nge...

<sup>244</sup> Xana ma ha ri na nkarhi nyana wa kahle xana? [Nhlengelatano yi ku, “Amen.”—Muhleri.] A hi voneni. A hi swi pfuleni sweswo, hikuva ndzi teri “yi hlayeni.” Ku na swin’wana kwalahaya ndzi lavaka ku swi hlaya ntsena loko hi nga se... Sweswi kumbexani ni nga ha tsema swin’wana ni swi susa, kambe a hi—a hi kumeni leswi ntsena xinkadyana. Matewu 23, ntsena xinkadyana, hi swona, kutani hi ta sungula hi vhese ya vu<sup>27</sup>. Ntsena yingiselani sweswi. Mi hlaya hinkwayo loko mi fika ekaya, loko mi swi kota. Timinetse nyana tintsongo to engetela.

<sup>245</sup> Sweswi langutani lahwani. Matewu 23, kutani hi sungula hi vhese ya vu<sup>27</sup>, “Mi ni khombo, n’wina vatsari!” Sweswi, tsundzukani, laha A vulavula na vavanuna lavo kwetsima.

*Mi ni khombo n’wina, vatsari na Vafarisi,  
vamanyunu! Hikuva mi kotisa masirha lama*

*basisiweke* (valava i vanhu lava va nga fa, wa vona), *masirha lama basisiweke, ma vangamisiwa ehandle, kasi endzeni ku tele marhambu ya vafi niku bola hinkwako.*

<sup>246</sup> Vamanyunu na ku tinaveta na dzolonga, endzeni ka vona; ehandle, “Hi mina Dokodela *Swingere-ngere*.”

*Swi tano na n'wina loko vanhu va mi languta ehandle,* (langutani eka Ecumenical Council na Mapentekostal lava va nga tshama lahaya), *kasi endzeni ka n'wina mi tele ku kanganyisa niku homboloka.*

<sup>247</sup> Xana ku homboloka i yini? Swin’wana swa ntiyiso leswi u swi tivaka kambe u nga swi endli. Yesu, sweswi langutisani leswi Yena...hi rihi rixaka leri A nga ri veka eka leswi sweswi.

*Mi na khombo n'wina, vatsari na Vafarisi, vamanyunu! Hikuva mi aka masirha ya vaprofeta, kutani mi bombisa masirha ya lava lulameke, wa vona, “Oho, vaprofeta!”*

*Mi ku, Loko ngi a hi ri kona khale eminkarhini ya vatata wa hina, ingi hi nga hlangananga na vona eku dlaya vaprofeta.*

<sup>248</sup> “A hi tava hi ri pfumerile Rito ra Hosi loko a hi lo hanya endzhaku lahaya.” Langutani.

*Hi sweswo mi tihehlaka mi ri n'wina, leswaku mi vana va lava nga dlaya vaprofeta.*

*Hetisisani-ke mpimo wa vatata wa n'wina.*

<sup>249</sup> Sweswo hi swona ntsena leswi swi tekaka ndhawu. Sweswi langutani leswi A swi vulaka lahawani.

*N'wina tinyoka, vana va timhiri, mi ta ponisa ku yini eku avanyiseni ka tihle?*

<sup>250</sup> Mi nga swi endlisa ku yini xana? Sweswi U le ku vulavuleni na tiministara, wa vona, hi swona sweswo, vavanuna lava va kwetsimaka. U nga yima njhani ni ku tiva leswi Bibele yi swi bvumbhaka u tlhela u byela vanhu va vona leswaku va nga swi endli sweswo, nakona u yima u xavelela hikokwalaho ka swinhwalani nyana, tidolara to nuhwa, hi ku fela ku duma, kutani un’wana a ku bambetela anhlanini a ku vitana “Dokodela”? U nga ha vula njhani leswaku wa va rhandza vanhu lava xana?

Ndzi le ku chumayeleni nale ka tithepi, na kona. Wa vona?

<sup>251</sup> Xana mi nga swivula njhani, mi nga swi vula njhani leswaku ma va rhandza vanhu lava, mi ri karhi mi pfumelela nchumu wo kotisa walowo wu teka ndhawu xana? Wa vona? N’wina—n’wina Vafarisi, n’wina mabofu, n’wina tinyoka,

n'wina vana va timhiri, mi ta ponisa ku yini eku avanyiseni ka tihela xana? Loko mi... Swi nga endlekisa ku yini namuntlha leswaku vanhu, eka lava va swi tivaka swilo sweswo leswaku swi hoxekile, kutani a yima lahaya a khoma nhlengeletano ya yena, ku endlela leswaku dinominexini ya yena yi kula, ni kuva yi hluleka ku byela vavasati na vavanuna? Xana mi ta byi balekela njhani vukarhi bya tihela, loko byi endleriwele n'wina xana? Mi ta swi endlisa ku yini? Wa vona?

<sup>252</sup> Yingiselani, yingiselani lahwani. Swi tava njhani? "Hikwalaho..." vhesa ya vu34.

...maswivo, *Ndzi mi rhumela vaprofeta,...*

<sup>253</sup> "Ndzi ta," swa nkarhi lowu wu taka. Ku tava na Vafarisi lava va nga ta tlhela va vuya nakambe. Wa vona?

...ni *tintlharhi*, ...ni vatsari: *mi ta dlaya van'wana, mi vamba van'wana; mi ta ba van'wana emasinagogeni ya n'wina, mi va xanisa emutini un'wana ni un'wana:*

<sup>254</sup> U bvumbhile leswaku U tava rhumela vaprofeta, na Rito ra Hosi. Xana va ta endla yini? Swo fana ni leswi va tata wa vona va swi endleke, hikuva sweswo hi leswi mi nga xiswona. Wa vona, mimoya a yi fi. Vavanuna lava va nga hlaseriwa hi wona va fa, kambe mimoya a yi fi. U teri, "N'wina mi vana. Mi van'wana va kona." Nakona xiyyisanil hilaha leswi swi nga xiswona.

<sup>255</sup> Hilaha Mukwetsimi Paul a nga yima ha kona lahaya (ma pfumela leswaku a ri muprofeta xana?) niku sola vavasati, eka ku boba misisi ya vona; a sola minhlangano ya vona; a tivisa leswaku loko kuri na munhu loyi a nga khuvuriwangiki hi Vito ra Yesu Kreste u boheka ku ta a ta khuvuriwa nakambe. Hi swona sweswo.

<sup>256</sup> Kutani namuntlha va xavelela va tlhela va swi nyanganyisa ehandle. A va tivi ku hambana, hambi swi ri tano. Swi na vusiwana. Loko awara yi herile, ndzi nga ha vula leswi, wa vona: a va ri mabofu, va hlawuriwe khale leswaku va va mabofu. Xikwembu a xi vi na tintswalo. Va ngaka va nga swikoti ku swi vona.

<sup>257</sup> Yesu u teri, "Mi mabofu. N'wina vatsari va mabofu na Vafarisi, n'wina va kanganyisi! Loko mi hlaya Rito ro fana ni leri hinkwavo ka vona va nga ri hlaya, kutani lahwani mi ta mi ta Ndzi sola. Nakona Ndzi hi leswi Rito ri nga teri ni tava hakona eka siku leri. Ndzi fanele ndzi va Murhumiya wa siku leri. Ndzi Mesiya," U teri, hi marito yo tarisa xileswi. "Ndzi Mesiya. Xana Ndzi tsandzekile ku swi khorwisa xana? Loko Ndzi nga swi endlanga leswi swi nga tsariwa ha Mina, kutani Ndzi soleni. Kutani n'wina Vafarisi va mabofu mi rhangela vanhu mi va susa mi va yisa eka nchumu wo kotisa walowo, kutani mi rhumela ntlawa hinkwawo." A ku, "Kunene, bofu ri rhangela bofu." A ku, "Mi..."

<sup>258</sup> Mi ri, “Oho, loko a hi lo hanya khale hi nkarhi wa Mukwetsimi Paul, ina, a ndzi tava ndzi yime na Mukwetsimi Paul.”

<sup>259</sup> N’wina vakanganyisi! Wa vona? Hikokwalaho ka yini mi nga yimi na Dyondzo ya yena? A mi tava mi endle swo fana ni leswi mi swi endlaka sweswi, hikuva mi vana va vatata wa n’wina, vatata wa n’wina va minhlangano: Vafarisi, Vasaduki, lava tiendlaka lavo lulama. Sweswo—sweswo hi swona. Aha. Ndzi ta mi byela, na—na le ka awara leyi hi hanyaka eka yona, swi ngava swi hlamarisa loko leswi swi ri ku Koka ra Vunharhu? Ntsena yimani nyana sweswi, wa vona, Yesu u teri, “Muxaka lowu wu amukela kuavanyisiwa lokukulu.” Wa vona? A swi chavisi xana?

<sup>260</sup> Tani hi mu-Amerika lonkulu, siku rin’wana, loko nala a lava ku teka tiko leri, a kuri na wanuna hi awara ya le xikarhi ka vusiku, a nga ehancini a nghena ehansi epatwini, a ri karhi a huwelela, “Nala u le ku teni!” A ri Paul Revere.

<sup>261</sup> Ndzi mu-Amerika, na mina. Nakona ndzi khandziyile, eka awara leyi ya le xikarhi ka vusiku, a ndzi vuli leswaku nala u le kuteni, kambe u kona kwala! A nge le kuteni; khale a ri kona kwala! U hlurile. Ndza chava leswaku swi herile; u le ku hluleni, eka awara ya leyi ya xikarhi ka vusiku.

<sup>262</sup> Tsundzukani, a Tucson, Tintsumi ta nkombo, hilaha Hungu a ri ri hakona, “Ku hetisisa ka xihundla xa Xikwembu.” Xikan’we-kanwe endzhaku ka sweswo, ku enhlela vunavi byebyo ehansi...

<sup>263</sup> Hinkwerhu mi swi twile hi titshava. Xiyisisani. Makwerhu Fred u na swin’wana swa swifaniso swa swona, na Makwerhu Tom. Kutani na mina ni na swifaniso swin’wana, timovhi tin’wana, hinkwaswo. Hi ta tikombisa kwalahawani siku rin’wana, hi mikomba ntsena laha a byi ri kona. Hinkwerhu ma xi tiva xitorhi.

<sup>264</sup> Langutani, tinhlohlorhi tinhарhu. U teri, “Kwalaho hilaha ku nga na yo Sungula ya wena, ya Vumbirhi, na ya Vunharhu.”

<sup>265</sup> Nakona Makwerhu Fred u na xifaniso lexi xi nga hetisekangiki xa swona, loko yena na Sesi Martha va hundza. Mapapa ya tlakukile ya suka ka ndzhongwe wa misava, nakona ya tumbeta hinkwato ka tona, kutani a swi kombisa ntsena Xiyenge xa Vunharhu; kun’wana *lahawani*, kun’wana *lahawani*, na kun’wana *lahaya*. Wa vona? Xa nkombo!

<sup>266</sup> Langutani, xo Sungula, xa vunharhu. Nharhu i ku hetiseka. Kwalaho hilaha ministri wu nga ya emahlweni.

<sup>267</sup> Xiyenge xa Vumbirhi a kuri ku hlahuva ka mimoya, laha ku nga vuprofeta. (Xo Sungula a kuri ka ku hanyisiwa ka vavabyi.) Xa Vumbirhi a kuri vuprofeta lebyi byi nga ya emahlweni, nakona a byi tiva swihundla swa mianakanyo, loko Rito hi Roxe ri tikombisile. Laha, kwalaho ku nga tintswalo.

<sup>268</sup> Kambe, tsundzukani, xa vunkombo i ku hetisela. Xana loku ku nga hava kuri Xiyenge xo hetisela xana, swi hetisekile? Swi ngava tano? Ehleketani hi swona sweswi. Ntsena ehleketani. Mi le kwihi xana? Wa vona? Nkombo minkarhi hinkwayo i yo hetisela. Swiyenge swi Nharhu!

<sup>269</sup> Ministri wa Yesu a wuri na Swiyenge swi Nharhu. Xana a mi swi tiva sweswo xana? Xiyisisani! Kutani mi tshembheka, loko mi tshame miva eka vutomi bya n'wina, sweswi ntsena xinkadyana, timinetse tintsongo.

<sup>270</sup> Xiyenge xo Sungula xa Yena a kuri ku hanyisa vavabyi. U vile munhu wa ndhuma swinene. Un'wana na un'wana a N'wi pfumela, a swi tikomba tano. A hi swona xana? Loko A ya amahlweni ni ku hanyisa vavabyi, un'wana na un'wana a N'wi lava ekerekeni ya vona.

<sup>271</sup> Kambe siku rin'wana U hundzulukile a sungula ku profeta, hikuva A ri Rito, nakona A ri Muprefeta loyi Muxe a nga vulavula hi yena. Kutani loko A ya a ya va byela, niku va byela hilaha a va hanya ha kona, ni leswi a va ri eku swi endleni, A nga ha dumanga. Kwalaho a kuri Xiyenge xa Vumbirhi xa Yena.

<sup>272</sup> Swa hlamarisa loko swa ha fananisa swale ndzhaku nakambe? Ntsena ehleketani nyana xinkadyana. Swi ngava tano xana? Ko Sungula, i ku hanyisiwa, ka un'wana na un'wana. Xa Vumbirhi: "Oho, ku nga hava Yesu Ntsena. Ku nga hava kuri Beelzebub, ku nga hava..." Sweswo hi leswi swi fanaka ni leswi va nga swi endla lahaya. Wa vona? Mimoya yin'we yi hanyaeka muxaka wun'we wa vanhu, vanhu lava va nga soriwa leswaku va ngaka va nga ponisiwi, hikuva va soriwile khale; vona, tani hi Yudas Iskariot, u tswariwe a ri n'wana wa ku lahleka.

Mi ri, "Judas?" Hakunene.

<sup>273</sup> Tsundzukani, a ri loyi a khongela, kambe a nga swi kotanga ku famba ndlela hinkwayo na Hungu. A kota ku teka xiphemu xa rona, kambe hinkwaro ka rona a nga tava na xidyele xa rona. Va nga ha teka ku hanyisiwa na swin'wana tani hi sweswo, kambe loko ku fika nkarhi wa Xikwembu wo vulavula hi vamaxinjani swi humelela, kutani sweswo swi entile eka vona. "Swingaka swi ngavi tano!" Yaloye a ri Judas. Moya wa yena wu nga ha hanya ku ya fika endhawini ya leyo. A ngaka a ngayi eka yin'wana endzhaku ka yaleyo. Wa vona?

<sup>274</sup> Va nga ha teka Muxe a ri kahle loko a pfurile Lwandle ro Tshwuka, ni kuya emahlweni tani hi sweswo. Kambe loko swi ta eka ku swi vula, a va ngari tano, hinkwavo ka vona a va nga swi endli *leswi* kumbe *sweswo*, kumbe *swin'wana*: "U ti endla Xikwembu, eka hina." Wa vona, a va nga ta swi yimela sweswo, Korah na vona. Swingaleswi, a va fanele va va nhlangano wa vona, swingaleswi Xikwembu ntsena xi va mitile.

<sup>275</sup> Ministri wa Yesu, loko A hanyisa vavabyi, “A ri lowa kahle, Muprofeta ya loye lontsongo wa Galeliya! Hikokwalaho ka yini, U endla leswaku mabofu ya vona. U pfuxe hambi kuri ku pfuxa vafi. Hi na milandzu yi nharhu ya swona. Kahlekahle U pfuxile vafi.”

<sup>276</sup> Kambe siku rin’wana U hundzulukile, A ku, “N’wina vana va timhirhi. Mi basisa endzhaku ka ndhinchi. Mi humeleta mi ri lava va kwetsimaka, kambe endzeni ka n’wina, a move nchumu handle ka ntawa wa tinyoka.” Oho, loko vuprofeta byebyo byi ya emahlweni, byi sola nhlangano wa lowo, kutani byi ncincile. Va hundzuluka va lwsana na Yena. Hi swona sweswo. Kutani ekuheteleleni, va N’wi ala, va N’wi vamba.

<sup>277</sup> Kambe a mi nge swikoti ku dlaya Ministri. Wu ta hanya wu ya emahlweni. Mi nga ha etlerisa murhumiwa, kambe a mi nge swikoti ku etlerisa Hungu. Aha. Hi swona. Wa hanya ku ya emahlweni. Kutani xiyisisani loko Xiyenge xa Vunharhu xa ministri wa Yena xi fika. Xo Sungula a kuri ka ku hanyisa vavabyi.

<sup>278</sup> Xa Vumbirhi a kuri ku tshinya minhlangano, naku profeta; leswi va nga swi endla, leswi a va ri xiswona, ni leswi a swi ta. Leswi swi nga kona, leswi swi nga kona, ni leswi swi nga tata; ni leswi a swi ri kona, leswi swi nga kona, swi nga tata. Sweswo hi leswi A nga swi endla. A hi swona xana? [Nhlenegetano yi ku, “Amen.”—Muhleri.]

<sup>279</sup> Kambe Xiyenge xa Vunharhu xa Yena a kuri loko A chumayeleta leyi yi nga lahleka leyi yi nga ha ponisekiki. A vari kwalahaya laha lamakulu ya vona, mahlo yo pendiwa a ya ri kona, “Ooh, ooh!” A chumayeleta mimoya leyi yi nga etiheleni, leyi yo ka yi nga amukelanga tintswalo, kambe yi hambanele Makumu kusuka eka Vukona bya Xikwembu. Kambe hambi swi ri tano va fanele ku swi tiva, leswi A ri xiswona, hikuva Xikwembu xi N’wi endlile kwalahaya.

<sup>280</sup> Swa hlamarisa loko ministri wa Yena wu khandziye hi ndlela yo fana emasikwini ya makumu, tani hilaha a wuri xiswona? “Tani hilaha Tatana a Ndzi rhumeke, na Mina ndzi mi rhumisa xisweswo. Mintirho leyi Ndzi yi endlaka mi ta yi endla na n’wina.”

<sup>281</sup> Lava nga lahleka, va ngaka va nga ha ponisiwi. Va arile tintswalo. Kwalaho a kuri Xiyenge xa Vunharhu xa Yena.

<sup>282</sup> Sweswi ku ngava kuri na xivutiso xana? Xiyenge xa Yena xo Sungula, U hanyisile vavabyi. A hi swona xana? [Nhlenegetano yi ku, “Amen.”—Muhleri.] Ministri wa Yena wa Vumbirhi, A ri eku profeteni. Ministri wa Yena wa Vunharhu a kuri loko a chumayeleta mimoya leyi nga lahlekela Makumu. Tintshava tinharhu, na kuya emahlweni; lava va nga lahlekela, Makumu!

<sup>283</sup> Ministri wa Nowa, tiministri hinkwato, ti tirhe ku fana. Nowa u chumayerile. Sweswo hi swona hakunene. U yile

engalaveni. Kutani loko a tava a yile engalaveni, ku vile na nkombo wa masiku lawa koka ku nga humelelanga nchumu. Vumbhoni bya yena byi chumayeleriwile va khombo.

<sup>284</sup> Sodoma na Gomora! Yesu u kongomisile ha wona ya ri yambirhi tani hi ku vuya. “Ku nga se vuya N’wana wa munhu, swi tava tano tani hi le masikwini ya Nowa, swi tava tano tani hilaha a swi ri emasikwini ya Sodoma.” U kongomisile eka Nowa.

<sup>285</sup> Nowa u vile na Swiyenge swi Nharhu, kutani lexi xa Vunharhu xa yena hi le lava va nga lahleka endzhaku kaloko rivanti ripfariwile. Hikuva, Xikwembu xi ri tshike ri tshama kwalahaya, laha a kuri hava loyi a nghena kumbe ku huma. A va ri endzeni. Hikuva, (tani hi le ka ntshava ya vunkombo) ntshava yo leha ngopfu, kwalahaya hilaha Xi nga tshamisia ngalava kona, entshaveni. Wa vona? Hi swona sweswo?

<sup>286</sup> Hi masiku ya Sodoma, Xiyenge xo Sungula a kuri ka Lot loyi a lulameke. Nakona Bibele yi teri, “Swidyoho swa Sodoma a swi tlhontla moya wa yena lowo lulama masiku hinkwawo,” hilaha vavasati va kona a va endlisa xiswona ni maendlelo.

<sup>287</sup> Ma tsundzuka, “Tani hilaha a swi ri hakona hi masiku ya Nowa.” Xana a va endla yini? “A va dya, va nwa, va tekana, niku hlomisana.” Vavasati, wa vona, vavasati. Xana a kuri yini hi masiku ya—ya Sodoma xana? Vavasati.

<sup>288</sup> Kutani hungu ro Sungula a kuri Lot. Va n’wi hlekile va n’wi endla xihlekiso.

<sup>289</sup> Kutani va rhumerile varhumija van’wana, vambirhi va vona, kutani va rhelerile. Kwalaho a kuri Xiyenge xa Vumbirhi xa Xona eka Lot...eka Sodoma.

<sup>290</sup> Kambe langutani eka Un’we loyi a nga ya va wo hetelela, a kuri na tintswalo to tala ngopfu. A swi herile kwalaho, hinkwaswo a swi herile hi nkarhi walowo. Murumiwa ya loye wa vunharhu loyi a nga rhelela kwalahaya, ku nga Xiyenge xa Vunharhu, xana a Xi ri mani? A Xi ri na ministri wa muxaka wa njhani? U tshamile na muhlawuriwa, niku n’wi byela leswi a swi humelela endzhaku ka Xona. A hi swona? Kambe loko Xi kandziya xi nghena a Babilona, kumbe eSodoma, U lavile ku tiva leswaku...

<sup>291</sup> Hambi kuri Abraham, a rila, “Loko ndzi nga kuma makume ntlhanu wa lava va lulameke?” Ku ya ehansi kuya fika eka “khume wa lavo lulama?”

Xikwembu xi teri, “Ina, kuma khume wa lavo lulama.”

<sup>292</sup> U nge ndzi ku byela swin’wana, sesi, ntsena xinkadyana. U nga hava wa fexeni ya khale, kambe u na swin’wana laha tihosikazi leti ta vuhunguki ti nga riki na swona. U na

swin'wana leswi a nga ta pfuka a nga vangi na swona. Hi swona. U nga hava wa fexeni ya khale hi maambalelo ya wena, ambala tani hi manana. Va nga ha ku, "Langutani mukwetsimi ya loye wa khale wa muvumbuluki." U nga vileli. U na swin'wana swa hosikazi ya vuhunguki, sweswo swi endla leswaku misava hinkwayo yi n'wi languta lahaya, a nga na swona. A nge swi kumi. U lahlekele, Makumu. I wa khombo. Wa vona? A nge pfuki... N'wina mi na vunene; mi na ku teng. Yena a nga na nchumu. U na nketani leyi yi phasaka mimoya leyi yi nga lahleka yi ya atiheleni. Mabofu ya famba eka yona. Sweswi, mi na swin'wana.

<sup>293</sup> Ma swi tiva, swi nga ha endleka mi nga ri kona hambi kuva kona ebukwini ya kereke, kambe ku fanele kuva hi vutomi bya n'wina lebyi lulameke lebyi byi nga khomelela vukarhi bya Xikwembu kusuka eka misava namuntlha. Misava yi ngaka yi nga swi pfumeri. N'wina vavasati lava mi vitaniwaka va vumbuluki lavo kwetsima, n'wina vanhu lava ntsongo lava mi nga tiveki nchumu, kambe mi rilela Xikwembu, nhlikanhi ni na vusiku, hikokwalaho ka swidyoho swa tiko, mi nga hava mi ri un'wana lava mi nga khoma vukarhi. "Loko Ndzi nga kuma khume, Ndzi ta ri tshika. Loko Ndzi nga kuma khume!" "Tami hilaha a swi ri hakona emasikwini ya Sodoma, swi tava tano." Ma swi vona leswi ndzi swi vulaka xana?

<sup>294</sup> Ku ngari leswaku, "Loko ndzi nga kuma khume wa Mamethodist, loko ndzi nga kuma khume wa Mabaptist, loko ndzi nga kuma khume wa Mapentekostal, loko ndzi nga kuma khume wa switsutsumi, loko ndzi nga kuma khume wa tiholobye, loko ndzi nga kuma khume wa vaministara."

<sup>295</sup> Kambe, "Loko ndzi nga kuma khume wa lavo lulama!" Ku na Un've ntsena la lulameke, yaloye i Kreste. Kreste u hanya eka Un'wana, wa khume ra vona, wa vona, "Ndzi ta ri tshika."

<sup>296</sup> Kambe Murhumiwa ya loye wo hetelela a chumayelela va khombo. Mi ri... U rhelerile ehansi lahaya. Matsalwa a ya swivuli leswi swi nga humelela, kambe ndzilo wu wile hi mixo lowu a wu landzela, hi swona, endzhaku kaloko A tava a endlile masingita lawa, xikan'we-kan'we endzhaku kaloko A tava a endlile ministri wa vuprofeta bya Yena. "Hikokwalaho ka yini Sarah a hlekile?"

U teri, "A ndzi swi endlanga."

A ku, "Ina, u swi endlile." Wa vona?

<sup>297</sup> Sweswi, xikan'we-kan'we endzhaku ka sweswo, U nghanile a Babilona, kumbe ku rhelela ehansi eSodoma. A nga kalanga a va kuma, swingaleswi hiloko ndzilo wu wa. U kumile Lot na vanhwana va yena vambirhi, a ku, "Humani lahwani sweswi." Wa vona? Xi humile. Xi rhelerile kwalahaya. Tsundzukani, A ri endleleni ya Yena yo ya kona. U rhumerile varhumiwa va yena emahlweni ka Yena,

kambe U rhelerile yena hi Yexe, hi swona, ku ya kumisisa loko swilo leswi swi ri ntiyiso. Kutani A kuma ri tele hi yini xana? Hi vavasati va swikandza swo penda-pendiwa. Hungu leri a ri ya eka lava va khombo. Xana va ta endla yini? Va ri hlekile.

<sup>298</sup> Xana va endla yini namuntlha? Swo fana. “Ndzi nghena Assemblies. Ndzi nghena Oneness. Ndzi—ndzi... Ndzi ncinile ni ri eMoyeni. Ku kwetsima a kuve eka Xikwembu, ndzi vulavurile hi...” Hi swona, yana emahlweni. “Ndzi ta kerha misisi ya mina loko ndzi swi lava. Ndzi ta endla *leswi*. Ndzi—ndzi ntsena ndzi ta endla *leswi*. A ndzi fanelanga ndzi khuvuriwa hi Vito ra Yesu. A ndzi—ndzi na mhaka ni leswi swi nga vuriwa. Paul i muvengi wa vavasati wa khale, hi ndlela yin’wana. Sweswo i...” Hi swona, yana emahlweni.

<sup>299</sup> Rin’wana ra masiku lava, loko u ngari tano, u ta tsemekanya ntila walowo. A wu nge he swi tsakeli nakambe ku endla leswi swi nga lulama. Xana mi swi twile leswi ndzi nga swivula xana? Swi na mhaka. Buti, sesi, xana u swi tekerile enhlokweni leswi swi nga vuriwa? U ta tsemekanya ntila walowo, nakona a wu nge swilavi ku swi endla. Wa ha ta yi twa Evhangeli, hakanene, kambe a wu nga ha Yi amukeli. U ngaka u nga Yi amukeli. Kambe Evhangeli yi ta chumayeriwa eka lava va nga va khombo, lava va nga lahlekela Makumu, va nga taka va nga ha ponisiwi, nakambe. Khale mi ri eka ndhawu ya leyo, nakona a mi swi tivi. Mi ehleketa leswaku mi hanya hi ku titsakela, nakona mi file mi ri karhi mi hanya.

<sup>300</sup> Oho, yingiselani. Hinkwavo lava va nga ala Hungu ra awara, emahlweni ka lava va khombo, Evhangeli yi chumayeriwile eka vona va khombo, ku sungula, va nge se famba; ka ha ri hava tintswalo. Nowa, u pfarile, a byi ri vumbboni. Xikwembu xi pfarile rivanti, endzhaku ka Xiyenge lexi xa Vunharhu xa yena. Endzhaku ka Xiyenge xa Vunharhu xa le Sodoma, mavanti ya pfariwile. A ku nga hari na tintswalo. Lava khume va ngaka va nga kumeki. Nakona lava vo lahleka va yi twile Evhangeli yi chumayeriwa, lava vo ka va nga ponisekiki, hikuva a kuri ntsena... A swi ri hi ndlela ya leyo eka nguva yin’wana na yin’wana, nguva yin’wana na yin’wana yi ala Hungu loko ku nga se fika kuavanyisa.

<sup>301</sup> Va swi endle nakambe xana? Xana hi kona ku humeleta kwaloko ka Langavi ra Ndzilo ehansi lahwani enambyeni xana? Xana i ku humeleta kwaloko ku fambaka na Hungu ra ku tsemelela vavasati, naku hoxa tindhawu laha a ti fanele kuva kona, niku tshinya vaministara lava lava va tekaka ndhawu na dinominexini ematshan’wini ya ku tshama na Rito? Loko, Xikwembu xi tiyisisile leswi swi nga ka Yena hi matimba, nakona ku nga ri nchumu wun’wana wa vusiwana lowu wu hunisaka wo ka wu nga dyondzanga tani hi munhu.

I Xikwembu! Kutani sweswi hi fikile endhawini laha Xiyenge xa Vunharhu xi nga ta tlhelela nakambe eka lava va nga lahlekela, Makumu?

<sup>302</sup> A kuri leswi xivono xexo xi nga ndzi nyika swona, na hari xifanyetani lexi ntsongo halahaya? Nakona ni yile eVupela-dyambu, kutani kwalahaya a kuri na Xihambano xa nsuku xa Evhangeli xi hatimelaka ehansi, xi hlambanyeke sayini yo huma eMatilweni, ntsena ku fanana. Tsundzukani, Xihambano a xi ri eka xirhendzevutana xo voyama, kukotisa—kukotisa phiramidi, nakambe, leyi nga akiwa. Wa vona? Swi nga endleka leswaku kuva xiphemu xa nhloko emakun'wini ya xona, kutani xi sungula *lahawani* kutani xi ta ehenhla eka nhloko ya vurhangeri?

<sup>303</sup> Tani hi phiramidi, xi ta ha Luther, Wesley, Pentekost, kutani ku fika eka ku embexiwa ka ribye. Xana swi ngava tano? Loko sweswo kuri swona, xana hi le kwihi xana? Xona, leswi swi ngava swi ri swona. Ndzi tshembha leswaku a hi swona, kambe swi fanele kuva tano. Swi tava tano. Ntsena tsundzukani, tiministri ta vona ti fanele ti va tano, minkarhi hinkwayo ta hlangana tani hi xipesu xa tuva, na leyin'wana. Swi fanele ku ta. Nakona Xikwembu a xi ncinci. Ehleketa ni ha swona!

<sup>304</sup> Luma ripfalo ra wena hi meno ya wena ya ximoya, kutani u lavisisa leswaku hi le kwihi. Ku nga humelela yini loko swi ri tano, nakona wa ha tshamise xisweswo? Kutani ntsena u nga ha famba kahle... Mi herile, vona lava va nga ehandle. Endzhaku kaloko Buku yi tekiwile hi Xinyimpfana, Xilemo xa Vuntsevu xi paluxiwile na Swilemo hinkwaswo, swi herile. Swi ngava tano. Ndza tshembha leswaku a swi tano. Swi ngava tano. Hi swona.

Sweswi, sweswo swi hikokwalaho ka kuva Xiyenge lexi xa Vunharhu xi jika-jike nkarhi wo leha?

<sup>305</sup> Mi xiyisisa, Xiyenge xo Sungula na Xiyenge xa Vumbirhi swi yile kun'wana kusuka kun'wana. Ndzi ku bvumbhile, ma swi tsundzuka, loko ndzi tava ni sungurile ro sungula, hi ko Sungula. Kutani ndzi teri, "Ku ta fika nkarhi laha Ku nga ta tiviwa swihundla swa timbilu." Ma swi tsundzuka xana? I vangani? Hikokwalaho ka yini, hinkwerhu ka n'wina ma swi tsundzuka sweswo, eka tinhlenegetano ta mina hi ku rhendzeleka. Kutani vusiku byin'wana ntsena ndzi yile eka Regina, ehenhla lahaya, kutani ndzi famba eka platifomo; kutani Makwerhu Baxter lahaya, magidi yo hlaya ya vanhu. Kutani wanuna a famba ehenhla ka platifomo, [Makwerhu Branham a thokoza rintiho ra yena kan'we—Muhleri.] kutani kwalahaya a kuri kona. Kutani kusukela kwalahaya ku vuye ku fanana.

<sup>306</sup> Kambe swi na malembe kusukela loko ndzi tava ndzi humile ensin'wini, mune, kwalomu ka ntlanu wa malembe

loko ndzi tava ndzi humile. Xana i yini? I yini xi nga swi endla leswi? Xana sweswo hi leswi swi kotisaka leswi a swi ri emasunguleni, eka Genesa, “Ku tiyisela ka Xikwembu xana”?

<sup>307</sup> Tsundzukani, loko Xi tava xi endlile misava, hi siku ra vunkombo a Xi endlanga nchumu. Xi wisile. Wa vona? Xikwembu xi tiyiserile eka lembe lero ra vuntsevu, xi nga ri eku naveleni leswaku un’wana a nga lova, kambe leswaku hinkwavo va nga ha hundzuka. Xikwembu a xi ri eku tiyiseleni.

<sup>308</sup> Nakambe, kutani, eka Genesa 15:16, loko mi lava ku ya tsala, 16, 15. Xi byerile Abraham, “Eka tiko lero ra va-Amor, ku homboloka ka vona,” a vari va Matiko sweswi. “Ndzi ngaka ndzi nga mi yisi lahaya sweswi, hikuva ku homboloka ka va-Amor, va nga Vamatiko, a ku se tala sweswi. Kambe Ndzi ta va avanyisa. Ndzi ta ta eka rixaka lero ra vumune, kutani Ndzi ta avanyisa tiko lero hi nhongya ya nsimbhi.” A hi swona xana?

<sup>309</sup> I ka khale, ku tiyisela kwaloko ka Xikwembu, ministri nkarhi hinkwawo, ku ya hi tithepi na hinkwaswo, wu kamile ku rhendzeleka hi misava, ku vona loko ka ha ri na un’wana? Kumbe walowo wo hetelela wu nghena xikan’wekan’we. A kuri vubihi lebyi—lebyi a byi lehile? Loko Yesu wa ha fanana, laha A nga kona, Vaheveru 13:8, Hungu ra Yena ri boheke ku fanana. (Hi lulamisela ku pfala.) Swendlo swa Yena swi boheka ku fana.

<sup>310</sup> Loko hi leswaku Xiyenge xo Sungula na xa Vumbirhi hi leswi swi nga riki na xivutiso! Xana ku nga hava kuri na xivutiso emiehlekeweni ya n’wina hikwalaho ka Xiyenge xo Sungula na xa Vumbirhi xana? Xana swi ta humelela hilaha A nga vula ha kona xana? [Nhlengeletano yi ku, “Amen.”—Muhleri.] Kutani hikokwalaho ka yini mi vutisa hi xa Vunharhu? Wa vona? Hikokwalaho ka yini mi Xi vutisa xana? Leswo sungula swi mbirhi swi tivisiwile hi Matsalwa. Ndzi mi khorwisile mixo lowu leswaku xa Vunharhu xi tivisiwile hi Matsalwa, na xona.

<sup>311</sup> Langutani ehenhleni ka misava, mi languta laha a nga kona. Mi languta hilaha va nga ala Ntiyiso hakona, ni hilaha xi nga tivisiwa hi ndlela ya kahle, xiphemu xa vuprofeta. Sweswi hi le kwihi xana? O Xikwembu, va na na tintswalo! Sweswo swi endla leswaku ngati ya mina yi huma endzeni. Swona ke? Hi le kwihi?

<sup>312</sup> Tsundzukani, tinhlohlorhi leti ta nkombo ti nga ehenhla lahaya, ti nga ha mi byela. Ti...Ka ha ri hava nhlohlorhi yin’wana endzhaku ka teto. Yi le ka Kuavanyisa ka Misava hinkwayo. Tiko ro Kwetsima. Yi yile emananga, kusuka kwalahaya kuya emahlweni. Laha ku nga Heriki ku tshamaka kona. Tinhlohlorhi ta nkombo, kona eka Kuavanyisa ka Misava hinkwayo. Kwalaho kule xikarhi ka leswinene ni leswi swi nga hoxeka. Nakona emakumu ya sweswo, Xiyenge xa Vunharhu a kuri Xiyenge xo hetelela xa nxaxameto. A hi swona xana? Wa vona? Hi swona.

<sup>313</sup> Nowa u nghenile, kutani endzhaku ka nkombo wa masiku, a ku humelelanga nchumu, wa vona. Hi masiku ya nkombo kuavanyisa ku nghena. Loko ntsena... Yingiselani sweswi, hi ku pfala. Loko ntsena, hi nkarhi wa Nowa, loko a va tivile sayini ya leyo! Loko ntsena a va yi tivile! Sweswi ndzi ya eku pfaleni. Loko ntsena a va lo yi tiva sayini yaleyo, misava hi siku lero! Leswaku, Xikwembu xi swi khorwisile lahawani, hi ku hlaya Matsalwa, xinkadyana lexi xi nga hundza, Xi va lovisile vanhu va kona.

<sup>314</sup> Ku ngari leswaku a kuri hava tintswalo; tintswalo a va rhumeriwile tona hi muprofeta. A va ti pfumelanga. Xikwembu xi na tintswalo, kambe, Xi rhumerile tintswalo kambe a va tiamukelanga. Minkarhi hinkwayo xi rhumela tintswalo, ku sungula.

<sup>315</sup> Xana a ku ta humelela yini loko a va lo swi tiva leswaku sayini yaleyo i sayini ya nkarhi wa makumu xana? Kutani loko va tava va swi vonile, hinkwaswo xikan'we, ku ponisiwa ku fambile. A kuri hava munhu, wa vona. Ntsena, xo sungula mi xi tivaka, rivanti a ri pfariwile. Loko va nga... A kuri na munhu un'we ntsena loyi a nga tiva sayini ya leyo, ya loye a ri Nowa na ntlawwa wa yena. Yaloye hi yena ntsena loyi a yi tiva. Loko rivanti lero ri tipfala, Nowa u swi tivile. Nowa u swi tivile leswaku a swi herile. A swi tiva. Hi swona. Loko ntsena u nga tiva sayini!

<sup>316</sup> Oho, loko ntsena a va lo tiva sayini yaleyo, loko va vona loyi Un'we a nghena, a ri ehenhla lahaya na Abraham!

<sup>317</sup> Loko ntsena a va swi tivile leswaku Billy Graham yaloye wa ximanguva lawa wa siku lero, u rhelerile kwalahaya, yena na Oral Roberts, va ya chumayela hungu eka vona vanhu lava va nga fa mahlo! Loko a va lo swi tiva, Mamethodist na Mabaptist ya vona ya khale endzhaku halahaya a va ri na sayini ya vona ya siku lero, Lot, loko swidyoho swi ta vilerisa mimoya ya vona. Swingaleswi Mamethodist na Mabaptist va hundzulukele eka yini? Tani hilaha Lot a swi endleke, swa ha fana. Kambe lowo lulama, kwalahaya, u humile. Hakunene.

<sup>318</sup> A ku ta humelela yini loko Billy Graham a lo rhelela, a ya a ya teka xiboho, a ri karhi a cakunyha chingama, a ba un'wana hi xibakele, na ku hlekelela, na misisi yo bobiwa, swikandza swi penda-pendiwile, nakona a nga kali a tshukunyuka eka swona. A tlhela a vuya hi siku leri ri tlhandlamaka, kutani Billy a ku, "Ndzi na makume nharhu wa magidi; a tlhela a vuya elembeni, kutani a kuma a nga ha ri na makume nharhu."

<sup>319</sup> "Oho, ndzi tekile xiboho. A ndzi—ndzi—ndzi yi atiheleni; ndzi ya eMatilweni, wa vona," ndzi kongoma evudyohweni. Loko ntsena a va ri...

<sup>320</sup> Nakona Evhangeli yi chumayeriwile hi Matimba, na masingita na swihlamariso, swi ri na Langavi ra Ndzilo

ehenhla ka swona, nakona hinkwaswo swi famba ku fanana, na ku bvumbhiwa na ku humesiwa. Loko a va ri na... Va teri, "I ntlawa wa vavumbuluki lavo kwetsima. Hi lava va rihuhi. Van'wana va mimoya ya vuloyi. Dimona, hiswona hinkwaswo Ri nga xiswona. Mi nga Ri pfumeli. A Ri kona eka nhlangano wa hina. Hi hava leswi hi nga swi endlaka ha Sweswo." Loko a va tivile sayini! Loko a va yi tivile!

<sup>321</sup> Yesu u teri, a ku, "Loko ntsena a mi lo tiva siku ra n'wina, Yerusalem. Loko ntsena a mi lo ri tiva! Kambe," a ku, "sweswi mi sele mi ri n'wexe." Wa vona? "Loko ntsena a mi lo switiva. O Yerusalem, Yerusalem, a Ndzi fanele ndzi ku khumbharharile, tani hi mbhaha loko wu dzhwamela, eka kuavanyisa loku ku taka! Kambe a wu ri tivanga siku ra wena." "N'wina lava mi nga khandla vaprefeta hi maribye, mi dlaya lavo lulama, loko ntsena a mi tivile siku ra n'wina! Loko ntsena a mi swi tivile, kutani mi ri ehenhla ka Matsalwa ya n'wina, nakona mi switivile leswaku ku ta ka Mina a ku ri makumu ya n'wina. Sweswi mi mabofu. Sweswi mi tshinyiwile. Nkarhi wa n'wina wu herile." Nakona a swi ri tano. Hi swona sweswo. "Loko ntsena a mi lo tiva nkarhi!"

<sup>322</sup> Langutani, loko Yesu a tava a endlile ku hlambanya kwaloko, misava yi yile emahlweni. Wa vona? Misava yi yile emahlweni, hi ntolovel. Hikokwalaho ka yini? Hikuva a va nga yi tivi awara ya vona.

<sup>323</sup> Misava yi yile emahlweni, loko Nowa a nghena engalaveni. Misava yi fambile yi ya emahlweni. Vasoli, hi siku lero, a va hari na mintlangu ya vuhunguki. A va ha dya, va nwa, va tekana, va endla swilo leswi va swi endlaka namuntlha. Ntsena ku fanana, hi ntolovel. "Ha-ha! Mukhalabya yaloye wa muvumbuluki wo kwetsima a pfala rivanti. Sweswi, mi tshame mi switwa swo fana na sweswo? Ha-ha! Ma swi tiva leswaku u ri yini? U ri hinkwerhu hi ya eku nweleni. I thyaka! Ya ri kwihi mati ya kona?"

<sup>324</sup> Vasoli, hi masiku ya Nowa. "Swi tava tano eku vuyeni ka N'wana wa munhu." Hi swona. Nowa u tive sayini. Swa fana nale masikwini ya Lot. Swa fana nale masikwini ya Yesu. Swingaleswi swi tano na namuntlha. Va hlekula nkarhi wa vona wo hetelela....?

<sup>325</sup> Swa ha fana nale Sodoma, a va swi tivanga. Loko Murhumuwa yaloye a ha yimile lahaya, Hungu ro huma eka Xikwembu, ntsena va lo vahleka niku ringeta ku va encenyeta eka maendlelo ya vona. A hi swona sweswo xana? "Nghenani mi ta hi joyina. Mi va un'wana wa hina." A hi swona xana? "Nghenani mi ta hi joyina, mi va un'wana wa hina. Mi tava un'wana wa majaha. Tanani, hi joyinene." Wa vona? A va kalanga va yi tiva sayini ya vona.

<sup>326</sup> A va switivanga leswaku loko Hungu lero ri ya emahlweni, leswaku leswi swi fanaka... Va ngaka va nga swivoni, leswaku

ndzilo na vukarhi bya ku avanyisa, tani hi Xikwembu, ku pfurha ka ndzilo wa xivavula a ku lumeka eswibakabakeni. A va swi vonanga. Va rhumiwa va nga ha swivona. Aha. Lot u swi tivile, na yena. A swi tiva leswaku a wu ri kona. Hakunene.

<sup>327</sup> Swa fana na namunthla, ntsena nchumu wo fana. Vukarhi byile ku lumekeni, tibomo ta athomiki tile ku ncikinyheni, hinkwaswo swile makumu. Swa fana na sweswi.

<sup>328</sup> Langutani, vanhu, yingisela. Xana ma switiva... Mi ri, "Makwerhu Branham, oho, ku ta humeleta yini hi swona hinkwaswo ka swona?" Ma swi tiva, vanhu va nga ya emahlweni na ku chumayela Evhangeli tani hilaha va nga tololvela ku swi endla, leswi vona va swi vitanaka Evhangeli, swi tava swi herile. Va swi endlile hi masiku ya Nowa. Va swi endlile hi masiku ya Lot. Va swi endlile hi masiku ya Yesu. A hi swona sweswo?

<sup>329</sup> Hambi kuri Mayuda, endzhaku kaloko Yesu a tava a va byerile leswaku vukarhi... "Mi xisekile. Mi herile. A kahari na nchumu. Mi herile."

<sup>330</sup> "Oho," u teri, "muvumbuluki yaloye wo kwetsima. Xana U huma eka xikolo xihi? Xana U ta a huma hi kwihi, yaloye?"

<sup>331</sup> Tsundzukani, A tilulamiserile kwalaho ka Xiyenge xa Vunharhu xa Yena. Aha. Hi swona. U teri, "Xana Ndzi nga ku fumbharhela njhani!"

<sup>332</sup> Lot u huwelerile ro hetelela... kumbe, ndzi vula leswaku, Ntsumi yi swi endlile, a nga murhumiya, hilaha A ri xiswona. Xikwembu xi yimerile siku leri, Xikwembu xi ri yimela xi ri enyameni ya ximunhu, xi endla sayini yo hetelela, xi endla ntirho wo hetelela. A swi herile kwalaho.

<sup>333</sup> Nowa u chumayerile nchumayelo wa yena wo hetelela; rivanti ri pfala endzhaku ka yena. Sweswo a swi helerile. Va swi hlekile, niku swi endla xihlekiso.

<sup>334</sup> Ehleketani, vanhu va nga haya emahlweni niku chumayela! Ecumenical Council yi nga ha joyinana na kereke ya Khatholiki, ntsena hilaha va nga tsembhisa leswaku va ta swi endla. Hinkwayo minhlangano yi nga ha ta, kambe mfungho wa xivandzana khale wuri kona. Va wu teka, eka sweswo. Wa vona? Nakona va ri, "Oho, haleluya, a ku kateki Xikwembu, kuna votala lava va nga ponisiwa madyambu ya tolo." Va swi endlile? "Va cinile va ri eMoyeni. Va vulavurile hi tindzimi." Sweswo a swi nga vuli nchumu. Wa vona? "Oho, hi lavo rhula na malwandla na ku titsongahata. Ina, nkulukumba. Vana muhandzu wa Moya." Sweswo a swi na sayini. Na swintsongo.

<sup>335</sup> Mi nge ndzi mi nyika muhandzu wa Moya, exikarhi ka Yesu na Vafarisi, ma n'wi vona loyi a nga na muhandzu wa Moya. Ku nga humeleta yini loko ndzi nga yima, tani hilaha ndzi sunguleke ku swivula ku ngari khale ngopfu, ku lwisana

na Kreste sweswi xinkadyana? Xikwembu a xi ndzi rivaleli hambi kuri ku swi vula, wa vona, kambe ntsena ku endlela ku mikomba swin'wana.

<sup>336</sup> Ku nga humelela yini loko ndzi nga ta eka n'wina ni ta ku, "Ndzi ku, n'wina nhlengeletano, xana munghana wa n'wina i mani? Loyi a kombisaka mihandzu ya Moya xana? Muxaka wa muprista wa n'wina wa khale. I mani a taka exibedle loko mi vabya? Muprista wa n'wina wa khale wa jingha. Hi swona sweswo. I mani loyi minkarhi hinkwayo a mi lombaka mali loko mi yile kuya lwisana na swona xana, eka ndhawu leyi yi nga manyana? N'wina swirho swa nhlengeletano ya yena, xana a mi yi eka muprista wa mukhalabya wa kahle kutani a ya mi lomba mali xana? Wa vona? I mani loyi a rhandzaka ni kuva a ri wa kahle minkarhi hinkwayo, niku kombisa muhandzu wa Moya? Muprista wa n'wina wa khale.

<sup>337</sup> "Ari mani loyi a nga dyondza malembe na malembe, eka tisinagoga ehansi lahaya, laha kokwa-kokwa-kokwa-kokwa-kokwa-yena a taka a huma kona, kusukela ehansi? I mani loyi a nga dyondza a va na...a nga tirha swinene kutani a va na digiri ya vudokodela na ti PhD na ti LLD, leswaku a ta tiva Rito leri, nakona a yima lahwani a mi chumayeleta rona Sonto wun'wana na wun'wana na mixo eka nhlengeletano leyi xana? Wa muxaka wa muprista loyi a dyuhaleke wa n'wina.

<sup>338</sup> "Ari mani mugwinihi loyi, a vuriwa, 'Yesu' xana? Xana A ta a huma eka xikolo xihi xana? A xi ri xikolo xihi lexi A huma eka xona? Ri kwihii khadi ra Yena ra xinakulobye? Xana A ri wa nhlangano wihi?"

<sup>339</sup> "Xana a endla yini loko mi hoxana hi marito hi timhaka ta ndyangu xana? I mani loyi a taka eka n'wina? Muxaka wa muprista wa n'wina wa khale, ku ringeta ku...Nakona mi hoxana hi marito na makhelwana loyi a nga lahwani, kutani muxaka wa muprista wa n'wina wa khale a ta a ta mi lulamisa. A ku, 'Hinkwerhu mi vana va Xikwembu. A mi fanelanga mi swi endla sweswo.'" Sweswo hi leswi a nga...

<sup>340</sup> "Xana Yesu loyi wa Nazareta u endla yini? U handzula nchumu. Xana U endla yini? U xupula nhlangano wa n'wina. Xana U endla yini? U vula muprista wa n'wina leswaku i 'bofu nakona u rhangela mabofu.' U n'wi vitana 'nyoka leyii nga ebyanyini.' U teke xitlhavelo lexi Xikwembu xi nga xi xixima, kutani a raha matafula, a cukumetela mali ehandle, kutani a va languta hi vukarhi. Mi tshame mi vona muprista wa n'wina a langutekisa xisweswo xana?" Sweswo wu kwihii muhandzu wa Moya? Aha. Aha.

<sup>341</sup> Ku ngari hi ku vulavula hi tindzimi. Ku ngari ku cina eMoyeni. Ku nga ri hi ku joyina kereke. Ku nga ri hi muhandzu wa Moya; Sayense ya Xikreste a yi nge mi mbuweteli tani

hi manana eka un'wana na un'wana wa n'wina eka sweswo, wa vona, kutani na ku ala leswaku Yesu Kreste a ri la Kwetsimaka. Ku nga ri sweswo.

<sup>342</sup> Kambe i Rito, ri hanyaka! Hi sweswo kwalaho. Loko ntseña a va lo languta, A ri Mesiya. A ri Rito leri ri hanyaka, ri ti vonakariseke.

<sup>343</sup> Nakona wanuna loyi a nga na Moya wa Xikwembu eka yena, kumbe wansati, va tshika Rito lero, va hanya ehandle ka vuvona. Sweswo i ku ba ka mbilu, leyi yi nga hlawuriwa khale, hikuva Rito ra Hosi ri ta eka vona, nakona hi vona Rito evanhwini. “Lava va nga tsariwa vuapostolo va hlaiywaka hi vanhu hinkwavo.” A hi swona xana? Xana ku Koka ka Vunharhu ku ngava ku sungurile?

<sup>344</sup> Vanhu va tithepi, valava hi n'wina lava mi yingiselaka thepi leyи, ndzi navela leswaku mi nga ha languta eka nhlengeletano leyи eka nkarhi lowu. Aha. Ndzi tshembha leswaku mi titwisa xisweswo na n'wina.

<sup>345</sup> Ku nga humelela yini loko a swi ri swona? Langutani eka Matsalwa lawa ya nga phiniwa lahawani. Ya nga ha va tano xana? Leswaku Xiyenge xa Vunharhu i xa ku chumayelela lava va nga va khombo hilaha ku nga Heriki lava va nga ala Hungu ra ku ponisiwa?

<sup>346</sup> “Kunene,” mi ri, “kereke ya famba...” Ina, va tava tano. Va taya emahlweni, ku fana.

<sup>347</sup> Kambe, tsundzukani, hinkwawo nkarhi lowu, Nowa a ri engalaveni. Mutekiwa u lemeriwile endzeni hi Kreste, xirho xo hetelela xi kutsuriwile. Xilemo xa Vuntsevu xi tihumesile xona n'winyi. Xilemo xa Vunkombo xi N'wi vuyelerisela emisaveni. Xinyimpfana xi ta xi ta teka Buku leyи yi nga evokweni ra xinene ra Xona, kutani xi tshama ehansi kutani xi koxa leswi Xi swi fumaka, leswi Xi nga swi kutsula. A hi swona xana? Minkarhi hinkwayo a kuva kuri Xiyenge xexo xa Vunharhu.

<sup>348</sup> Swinharhu i ku hetiseka. Ministri wu fika ekuhetisekeni ka wona loko wu tswala Kreste nakambe eka ntumbuluko, exikarhi ka swivumbiwa swa ximunhu, tani hilaha swi nga bvumbhiwa, “Tani hilaha a swi ri emasikwini ya Lot.”

<sup>349</sup> Oho, ehleketa, vanhu va nga ha ya emahlweni ni ku chumayela, va ehleketa leswaku va le ku ponisiweni, va ri karhi va pfumela leswaku va endla leswinene, va ri karhi va pfumela leswaku minhlangano ya vona yile ku kuleni, hakunene, nakona kuri hava na risana ro tshembhela eka rona. Nakona loko kuri hi leswaku xivono xexo a xi ri sweswo, nakona a xi tika xi lwisana na vavasati, hi fikile eka awara ya leyo. Rivanti ri pfariwile, ku fambiwile, Buku khale yi ri evokweni ra Xona. Ehleketa ha swona.

<sup>350</sup> Mi nge ndzi mi byela leswi hi nga se pfala sweswi. Ndza pfala. Swi vuriwile, eIreland, ku langutana na mati. A kuri na ribye lerikulu leri a ri famba na ribuwa, nakona kuya fika ehenhla eka xiganga lexi lexikulu. Kutani a kuri na wanuna loyi a ri eku fambeni, a famba kwalahaya siku rin'wana, ntsena—ntsena hi nkarhi lowu minhloto ya lwandle a yi nghena. Nakona a kuri na nghanakana loyi a tshama exigangeni, loyi a tivaka minhloto leyi. A tiva nkarhi wa siku lowu minhloto yi fanelaka ku ta hi wona. U tiva nkarhi lowu nhloto wu nghanaka ha wona. Munhu loyi a ngari na mhaka ni leswaku i nkarhi muni. A ri un'wana wa n'wamatativa hinkwaswo. A ri na miehleketo leyi yi nga ya yena. A ri munhu wa rivilo, wa vutivi, nakulorhi wo tlhariha, kambe ntsena a nga wu tivanga nkarhi wa nhloto wa lwandle. A ngari tivi na tiko. A nga switivi leswaku sayini yi fikile, loko n'weti wu ta tlhelela endzhaku kusuka emisaveni.

<sup>351</sup> Kutani loko Xikwembu xi tshame xi tshika Moya wa Xona wu wela emisaveni, makwerhu, yi va yi fambile, hinkwaswo swi herile.

<sup>352</sup> N'weti walowo loko wu nga suka endhawini ya wona, mati ya ta funengeta misava kukotisa loko Xikwembu xi yi sungula, eka Genesa 1. Kambe n'weti wu tshama kwalahaya, kutani loko ntsena wu nga hundzuluxa nhloko ya wona, minhloto ya lwandle yi sungula ku tsutsuma yi nghena.

<sup>353</sup> Mukhalabya loyi wo tlhariha loyi a tshama kwalahaya eka vukona bya wona, a swi tiva leswaku walowo a wu ri nkarhi muni. Munhu loyi a nga switivi. A nga kalanga a swi dyondza. A ngari na mhaka na swona. Kutani mukhalabya loyi wo tlhariha a tsutsuma a huma, kutani a ku, “Munhu wa ka hina wa kahle, wo titshembha ngopfu kuva u ya emahlweni. Tlhelela endzhaku, hi ku hatlisa. Kuna khumbhi. A wu nge swikoti ku ri gonya khumbhi leri. U ta lova. Ku... Tisayini tile ku vonakeni, ta nkarhi. Nhlo—nhlo nhloto wu ta tlhambuka hinkwako xikan’we, nakona a wu nge he swikoti ku tlhelela endzhaku. U nga hayi emahlweni.”

<sup>354</sup> Hiloko wanuna a hundzuluka, a n'wi hleka, a ku, “Famba u ya ti langutela leswi swi nga swa wena. Ndzi tiva leswi ndzi nga swi endlaka ni leswi ndzi nga tako ndzi nga swi endlili.” Hiloko minhloto yi n'wi kuma. Wa vona?

<sup>355</sup> Swi nga ha hlwela tani hilaha hi ehleketa ha kona. Wa vona? Wu ta mi kuma. Mi ngayi emahlweni. Mi nga swi endlili, vanhu. Loko kuri leswaku ma ndzi pfumela minkarhi hinkwayo tani hi nandza wa Xikwembu, tekani rito ra mina mixo lowu, loko mi nga swi endla. Swi nga ha endlaka nkarhi wu fambile. Kuna Matsalwa yo tala ya swikombisaka hi ndlela yaleyo. Sweswi, tsundzukani, a ndzi vuli leswaku sweswo hi swona. A ndzi tivi. Kambe ntsena langutani.

<sup>356</sup> Kutani ndzi tsemile kwalomu ka khume wa mapheji ni ma susa lahwani, lawa ndzi chavaka ku mi byela. Wa vona? Wa vona? Manana Woods i mbhoni ya sweswo, na Nkul. Woods. Loko ndzi tava ndzi yile ndzi ya va vona mixo lowu, ndzi ku, “Ndzi—ndzi ngaka ndzi nga va byeli sweswo, ndzi ngaka ndzi ngayi ekule na sweswo. Ntsena ndzi ta vula Matsalwa lawa yo tala, kutani ndzi ma siya na vona, hikuva ya ta kandziyisiwa.” Ya ta famba.

<sup>357</sup> Nakona vanhu va ta ri hleka Hungu leri. Swi tava swi ri kahle, ri tava leri ri nga hundzeriwa ri tlhelela endzhaku, eka rin’wana ra masiku lawa. Yanani emahlweni, ntsena u va xirho xa kereke. U kerha na misisi ya wena, u penda-penda na xikandza xa wena. Yana emahlweni, nakona u teka “Tatana, N’wana, na Moya lowo Kwetsima,” loko u swi lavisa xiswona, leswaku, mi xi endla Swikwembu swinharhu nakona mi va vahedeni. Yana emahlweni, yima hi nhlangano wa wena. Endla sweswo, loko u swi lava.

<sup>358</sup> Mi ku, “Ndzi ncinile ndzi ri eMoyeni, ndzi vulavurile hi tindzimi; ndzi Wu kumile.”

<sup>359</sup> Ndzi vonile madimona ya endla swo fana. Ndzi vonile valoyi va vulavula hi tindzimi va tlhela va tihamusela; va tlhela va tsala hi tindzimi leti ti nga tivekiki, va ti hlamusela; lava va nga nwa ngati leyia yi huma eka xipalapala xa munhu, va tlhela va huwelela javulosi, va cina va ri emoyeni.

<sup>360</sup> Na va Mohammedans va cinile va ri emoyeni, tani hi sweswo, ku fikela laha va nga ha tekaka mahanti va tisemela ehansi ka ntitiho ta vona; ni kuva va teka ntlharhi ro leha va ri tlhava ri hundza hi le xikandzeni xa vona, tani hi sweswo, va tlhela va ri humesa, ku pfumaleka na thonsi lerinene ra ngati yi humaka.

<sup>361</sup> Makula ya nga ha famba ehenhla ka ndzilo, hi minkondzo yi nga ambalanga nchumu, magoza ya nharhu hi ku enta; nakona mune-, nharhu-kumbe mune wa magoza hiku tsemekanya; wu ri karhi wu pfurha, va pfurhetela malahla ku fikela laha ya basaka hi ku hisa; nakona va pfumala hambi kuri ku vavuka eminkondzweni ya vona, nakona va ala leswaku ku na nchumu wo kotisa tani hi Yesu Kreste.

<sup>362</sup> Ee, ee, munghana. I Rito leri ri swivulaka. Vanhu na Rito va fanele kuva xin’we. Wa vona? Yesu na Rito a vari xin’we; A ri Rito. Kutani loko Yesu a hanya a ri endzeni ka xivumbiwa xa munhu, sweswo swi n’wi endle leswaku yena na Rito va va nchumu wun’we. Mi nga... Vutomi bya n’wina byi vula leswi mi nga xiswona.

<sup>363</sup> Sweswi ntsena tilanguteni n’wina hi n’wexe eka nglilazi leyia Xikwembu xi langutaka hi yona, mi ku, “Xana ndzi languteka njhani mixo lowu?” Loko ha ha khongela.

<sup>364</sup> [Makwerhu a vulavula hi ririm'i rin'wana. Makwerhu un'wana a nyika nhlamuselo. "Vana va Mina, namuntlha, Ndzi ri eka n'wina. Ina, hambi Mina, Xikwembu xa Matimba hinkwawo, ndzi langutile ehenhleni ka misava namuntlha. Ndzi vonile vubihi lebyi ntumbuluko lowu wu nga fika eka byona. Ina, Ndzi vona vudyoho bya munhu yaloye, namuntlha, wa ha byi navela endzeni. Ina, a nga switivi leswaku Ndzi n'wi endlerile leswikulu? Ina, Ndzi rhumerile wanuna eka siku leri ro hetelela, ina, leswaku a tava nomo wa rixaka leri. Kambe Ndzi ri eka n'wina, namuntlha, vanhu va mina, votala va ri sorile vito leri. Ina, va fularherile swilo leswi a nga swi vula. Kambe Ndzi ri eka n'wina, lava va nga ta yingisa Marito lawa, Ndzi ta endla leswaku ku wa minkateko leyikulu ehenhleni ka vona. Ndzi Xikwembu xa Matimba hinkwawo. Ndzi ta hakela, namuntlha, eka lava hi ku tshembheka va nga amukela Marito lawa, ku vula Hosi."—Muhleri.]

A ndzi fambela ekule na Xikwembu,  
Sweswi ndza vuya ekaya;

Khongelani, loko mi tshame mi khongela!

Tlharhamula mavoko ya Wena ya rirhandzu,  
Hosi, ndza vuya ekaya.

Ndza vuya . . .

<sup>365</sup> Loko ma haya emahlweni niku yimbelela, ndzi lava ku mi vutisa swin'wana. Xana ku ngava kuri na xivati a timbilwini ta n'wina lexi xi tikombaka xi ntimisiwile hi vudyoho xana? Loko swi ri tano, lowu hi wona nkarihi wo xisusa, kona sweswi, loko hi leswaku tintswalo ta ha sele.

<sup>366</sup> Leswi, ndza tshembha, a swi tano. Ndza tshembha a xi kona lahaya. Kambe a xi languteki i ngaku xi tava kona? Yingiselani hilaha Moya lowo Kwetsima wu nga vula hakona exikarhini ka vanhu, endzhaku kaloko ndzi tava ndzi hetile, "I Rito leri ri taka eka n'wina."

<sup>367</sup> Kutani loko ri ri kona, loko ma hari na munyama eka vutomi bya n'wina, a mi ngati lahwani mi ta rhendzela altari sweswi, loko ha haya emahlweni hi yimbelela. Kona sweswi, loko kuri naku vilela, loko kuri na xivati, u nga xi hlayisi nkarihi wo leha.

<sup>368</sup> Hi ku tshembhela leswaku leswi a swi tano; kambe swi tava tano, rin'wana ra masiku lawa, nakona swi nga ha endleka kuva namuntlha.

Sweswi, Hosi, ndza vuya . . .

<sup>369</sup> Na ku hefemula ka tinhompfu ta n'wina leti ti nga eka n'wina! Loko vanhu va tithepi va nga ha swivona leswi swi humelelaka lahwani sweswi; ntsena yi tele hi lava va nga hlengeletana un'wana na un'wana, va le ku rileni, va ta va huma hinkwako.

<sup>370</sup> Xi nga hava xivono xexo, loko ndza hari xijahetani lexintsongo, xana yi ngava yi ri yona awara ya kona xana? Xana lowu wu ngava wu ri nkarhi laha lava va langutekaka vari karhi va vilela, va ri ni munyama; tihele kuva ti tumbuluxeriwele lahawani emisaveni?

<sup>371</sup> Tialtari na tindhawu tale xikarhi, na hinkwato, ti tatiwile sweswi. Loko u nga swikoti ku fika ealtarini kumbe eka ndhawu ya kwala xikarhi, hinkwako exikarhini ka madzanadzana lawa ya nga lahawani; ntsena yima, loko u ku, "Ndzi lava ku yima ni khongela, leswaku vanhu va nga ha switiva," kumbe u khizama, hambi u nga ha lava ku endlisa ku yini. Oho, mina! Sweswi swa tika ku vona un'wana loyi a nga tshama ehansi. I vanhu va nga yima hinkwako.

<sup>372</sup> Ndzi nga ha vula leswi. Xikwembu a xi swi aleli, Xikwembu a xi swi aleli leswi ndzi nga swi vula leswaku hi swona sweswi. Leswaku ndzi nga ha swi twisisa, un'wana na un'wana; Xikwembu a xi swi aleli. Ku na... Ndzi na vana lava vo ka va ngariki kona. Ndzi na tintombhi timbirhi na jaha. Ndzi na vamakwerhu. Ndzi na vanhu va ka hina lava vo ka va ngari kona. Xikwembu a xi sivel i sweswo leswaku tintswalo ti hi siyile; sweswo hinkwaswo swi tava kuri ku endla ha vomu.

<sup>373</sup> Ka hari na tintswalo leti ti nga sala, Hosi? U nge ndzi ku ndzi hoxile eka leswi, Hosi. A swi ve leswi swi hoxekeke eka lowu nkarhi. Leswaku mina, a swi tano, leswaku vanhu va nga ha ponisiwa. Hi nyike swona, Hosi. Ndza khongela, ni kuva ni tisa vayingiseri lava eka Wena sweswi, hi Vito ra Yesu Kreste.

<sup>374</sup> Un'wana na un'wana a khongeli sweswi, ntsena tani hi... A ku ta humeleta yini loko a swi ri tano? Sweswi, a ndzi swi tivi loko sweswo swi ri swona, kambe a ku ta humeleta yini loko a swi ri tano? U khongela hi ndlela leyi yi nga ya wena. Ntsena u khongela hi ndlela leyi u lavaka ku khongela ha yona. Ntsena a ku ta humeleta yini loko leswi a swi ri ntiyiso, a hi ta endla yini, vanghana? Xana a hi ta endla yini xana? Yini, xana a ku ta humeleta yini? Sweswi khongelani, un'wana na un'wana. Ntsena—ntsena rilani, ntsena khongelani hi ndlela leyi mi yi lavisaka xiswona. Ntsena huwelelani Xikwembu, hi ndlela leyi yi nga ya n'wina. O Xikwembu!

Mavoko ya Wena ya rirhandzu,  
O Hosi, ndzi vuya ekaya.

<sup>375</sup> "Hosi, a swi ri emakungwini yo swi endla eka nkarhi lowu wu nga hundza. Xana ndzi yime nkarhi wo leha, Hosi? Xana leswi, swi ngava swi herile xana? O Xikwembu, tlharhamula mavoko ya Wena ya rirhandzu kutani u ndzi amukela. Swin'wana embilwini ya mina swa swi kombela, Hosi. Pfula nakambe. Loko vito ra mina riri eBukwini ya Xinyimpfana, vulavula na mina sweswi, Hosi. Ndzi pfumeleli ndzi ri amukela sweswi. Ndza kombela swi endli, Xikwembu."

Ndza vuya ekaya, ndza vuya ekaya,  
 Oho, a ndzi nge he pfuki, a ndzi nge he pfuki  
     nakambe, Hosi, ndzi tsendzelekle;  
 Tlharhamula mavoko ya Wena ya rirhandzu,  
 O Hosi, ndza vuya ekaya . . .

<sup>376</sup> Bibele yi teri, loko va tava va n'wi tivile Yesu, leswaku,  
 "Un'wana na un'wana u ta rila tani hiloko n'wana wa wona a  
 dlayiwile."

    . . . -vuya ekaya,

<sup>377</sup> N'wina mi nga ehandle, n'wina mi nga emimovheni ya  
 n'wina, hi xigandlatani, n'wina mi nga yima hi ku rhendzeleka  
 hi muako, votala va n'wina, ntsena khegerisani tintloko ta  
 n'wina na muako, mi ku, "Hosi Xikwembu, vana na tintswalo  
 eka mina."

Pfu- . . .

Vanani mutshembheki loyi a faka, vanghana! Ehleketa hi  
 nkarhi lowu hi hanyaka eka wona! Xana hi le kwihi?

    . . . rirhandzu

Hosi, sweswi ndza vuya ekaya.

Ndza vuya ekaya . . .

<sup>378</sup> Hosi Yesu, ndzi endle swo antswa leswi ndzi swi tivaka ku  
 swi endla. Ndzi endle hinkwaswo leswi ndzi swi tivaka ku swi  
 endla. Hi nyike swona, Hosi, leswaku mavanti ya tintswalo ya  
 ha pfulekile. Ya madzana lawa, hi ku hlayela madzana ya le  
 ku Ku laveni eka lowu nkarhi, susa hinkwabyo vudyoho lebyi  
 nyamisaka, Hosi, nakona u va nghenisa namuntlha.

<sup>379</sup> Ndza—ndza kombela, hi mbilu ya mina hinkwayo,  
 tani hilaha hi nga voniki un'wana loko a vulavula, kambe,  
 Matsalwa hi Woxe hi wona ya hi tisaka eka awara ley. Kutani  
 xivono xexo, xa xifanyetani, xa ku vona vanhu lava va ri eka  
 xiymo xexo; kutani sweswi, ehleketa, hi tihele teto ton a hi  
 toxo, tintswalo ti nyamisiwile emisaveni, nakona tihele ton a  
 hi toxo ti kwalahawani, kutani na vanhu, Hosi, vale ka xiymo  
 lexi xo biha ngopfu.

<sup>380</sup> O Xikwembu xa Matimba, eka Kereke leyi yi nga  
 Hlawuriwa, ndza khongela, Xikwembu, leswaku U ta chulula  
 mikateko ya Wena, leswaku va nga ha amukela mi—mi ministri  
 wa vumbhoni, lowu wu kotisaka lowu a wuri na Lot, lowu  
 wu kotisaka lowu a wuri na Nowa, lowu wu kotisaka lowu  
 Yesu a ri na wona, eka lava va nga lahlekela Makumu, lowu  
 a wuri kona; leswaku vona hi voxva lemeriwile eka Mfumo  
 wa Xikwembu, kambe va ri karhi va nyika vumbhoni eka  
 Yesu Kreste kuva a ri loyi a ha fanaka na tolo, namuntlha, ni  
 hilaha ku nga heriki. Hi nyike swona, Hosi. Leswaku U nga  
 ha amukela swikombelo swa hina, tani hilaha hi kombelaka hi  
 Vito ra Yesu.

<sup>381</sup> Ntsena khongelani hi ndlela leyi mi lavaka ku khongerisa xiswona sweswi. Mi nga kali mi jaha. Mi nga kali mi jaha. Ku nga humelela yini loko hi leswaku vito ra wena i ro hetelela ku nghena eBukwini?

Ndza vuya ekaya.

Ndza vuya ekaya, ndza vuya ekaya,

<sup>382</sup> Makwerhu Neville, yana u ya va khongeleta. Mufundhisu u ya khongela na n'wina sweswi loko ma ha khongela. Ndzi ta yimbeleta.

Tlharhamula mavoko ya Wena ya rirhandzu,  
Hosi, ndza vuya ekaya.

Ndza vuya ekaya, ndza vuya ekaya,  
A ndza ha ri mutsendzeleki; (Ina, Hosi.)

Tlharhamula mavoko ya Wena ya rirhandzu,  
Hosi, ndza vuya ekaya.

Ndza vuya ekaya, ndza vuya ekaya,

A ndza ha ri mutsendzeleki;

Tlharhamula mavoko ya Wena ya rirhandzu,  
Hosi, ndza vuya ekaya.

<sup>383</sup> [Makwerhu Branham na nhlengeletano va ya emahlweni niku yimbeleta risimu leri loko Makwerhu Neville a khongela. “Xikwembu xa Matimba hinkwawo, Tatana wa hina wale Matilweni, tani hilaha a swi ri hakona, namuntlha, hi tsakile tani hilaha U nga hi nyika, tani hilaha a xi ri kona, xinkadyana lexi xa nkarhi leswaku hi tekela enhlokweni tindlela ta hina emahlweni ka Wena. Xikwembu xa mina, namuntlha, kusuka eka ku enta ka moya wa hina, hi huwelela eka Wena, Hosi, hi ku yimela, ku ngari hina ntsena, kambe un’wana. Pfumelela awara leyi, Xikwembu, kuva nkarhi, mixo lowu, Tatana, loko Wena u ta swi endla, loko U engeterile tintswalo, Tatana, swi pfumeleli, leswaku lava va nga na siku leri va sukeleke vutinyungubyisi bya vona, vukanganyisi, na swin’wana. Hosi Yesu, namuntlha, ha khongela leswaku U ta swi nyika sweswo eka lava va nga khizama, oho, ni kuva va korhamisile tinhloko ta vona eka muako lowu hinkwawo. O Xikwembu, pfumelela Rito lero, kusuka eMatilweni, ri vulavula mixo lowu. Nyika xitshembhiso, Hosi. Pfumelela vavanuna lava, leswaku i vavanuna lava va faka na vavasati, Yesu, hi pfumeleri hi va na swona, namuntlha, ku chavezela kwaloko ka Mbholi yaleyo leyi yi xikelaka ehansi kusuka eMatilweni mixo lowu. Hi Vito ra Yesu Kreste, ha kombela, Hosi, loko hi leswaku ku ngava naku engeteleriwa ka tintswalo hi Ngati, tipfumeleli ti ta ehenhleni ka un’wana na un’wana, namuntlha, kuya hi leswi va nga tela swona. I ngaku swi ngava tano, namuntlha.”—Muhleri.]

[Makwerhu Neville a ya emahlweni na ku khongela. “Leswaku un’wana na un’wana, Hosi, a enetiseka, namuntlha, leswaku Wena wa hari Xikwemu xa Matimba hinkwawo. Loko

leswi kuri ku engeteleleka ka tintswalo, a tive eka un'wana na un'wana, ha un'we ha un'we."] Hi nyike swona, Hosi. ["A tive sweswi, Tatana. Nakona akuve na kurhula ka Xikwembu, laha minkarhi hinkwayo ku nga hundza ku twisia, tipfumeleli ti ta nakambe eka timbilu leti ti nga rindzela."] Ina, Hosi. ["Wu pfumeleli lowu leswaku wu va nkarhi."] Ina. ["Ha pfumela leswaku U swi twile u ri eMatilweni."] Xikwembu, hi nyike swona. ["Hambi ku ngava yini leswi hi nga hlayiseriwela swona, loko swi herile, kutani, Hosi, hi tiva leswi swi nga xiswona emahetelweni."] Ina, Hosi. ["Kambe, loko swi ngari tano, pfumelela Mbholi yi ta."] Ina, Hosi. ["Pfumelela lava va nga na tona va ta, va pfumeleri va kuma ku rhula namuntha,"] Hi nyike swona, Hosi. ["hi Yesu Kreste. Nakona hi Vito ra Yena ha khongela. Amen."—Muhleri.]

<sup>384</sup> Hosi Yesu, ndza khongela leswaku U ta ponisa Becky na Sarah na Joseph, na vona, na vona, Hosi. U nga swi pfumeleri leswi swi humelela eka vana va mina, Hosi. U nga swi pfumeleri swi humelela eka vamakwerhu va mina na vanghana va mina. Hi nyike swona, Hosi.

<sup>385</sup> A hi switivi, a hi switivi, kambe hi vona swin'wana, Hosi. Xana i sayini leyi yi hi ninginisaka sweswi emahlwesi ka hina xana? Hi nyike swona, Hosi. Hi tshuneti hinkwerhu ka hina ekusuhi na Wena, hi ku hatlisa, Hosi. Ha Ku rhandza nakona ha Ku lava. A swive tano, Tatana, Moya lowo Kwetsima a wu hi nyiki ku chavaleleka a timbilwini ta hina sweswi.

<sup>386</sup> Ha khongela leswaku hi nga hava timbhoni ta Wena eka awara ley, hikuva ha switiva leswaku leswi swi fanele ku humelela. Swi bvumbhiwile eka tinguva, nakona hi fanele hi kongomana na swona, leswaku hi le nkarhini wa makumu loko hi vona tisayini leti ti humelela. Ha swi tiva, nakona swi vuriwile malembe yo tala sweswi, leswaku swilo leswi swi ta humelela. Sweswi ha swi vona enyangweni wa hina, vukarhi lebyikulu bya Xikwembu byi famba a switarateni, byi susa lava va nga yimbangiki. Laha ku pfumalekaka Ngati enyangweni, ntsumi ya rifu ya endzela; nakona va ya emahlwesi niku hanya, kambe va file vari karhi va hanya, loko va ngari na tintswalo, va ngari na Xikwembu, nakona vangaka va nga ponisiwi.

<sup>387</sup> Xikwembu, hi Ku khensa njhani hi lava va nga ponisiwa! Hilaha hi... I ku kateka ka njhani ku nga etimbilwini ta hina, kuva hi ri endzeni sweswi, ehansi ka Ngati, loko ntsumi yaleyo yo hetelela yi hundza hi le misaveni, yi susa...

<sup>388</sup> Lava va nga ehandle ka ngati, va fa va ngari na tintswalo. Kwalaho a kuri xiyenge xo hetelela xa Muxé. Xo sungula, i kuva wa-wa wanuna lontsongo a vulavula na Israel; xa vumbirhi, u rhelerile ku ya va kutsula; xa vunharhu, a kuri hungu ro hetelela. Mahlori ya endliwile, Muxé a ri endleleni ya yena yo ya etikweni ra xitshemphiso, ni lava va nga kutsuriwa.

O Xikwembu, vana na tintswalo, ndza khongela, hi Vito ra Yesu.

<sup>389</sup> Sweswi ndzi tsakela ku vutisa leswi. N'wina lava mi nga eku khongeleni, n'wina lava mi ti twaka leswaku mi na tintswalo, nakona (Xikwembu) ma titwa leswaku mi le Mfun'weni wa Xikwembu, ma titwa leswaku—leswaku mi nghene kun'wana, leswaku eka Kreste mi na ripfumelo ro pfumela leswaku mi Vakreste, mi tswariwile ra vumbirhi nakona ma swi tiva leswaku mi Vakreste, kutani ku ngari naku kanakana. Ndzi tsakela loko hinkwerhu mi nga yima, n'wina lava mi swi lavaka sweswo, lava mi swi pfumelaka, leswaku tintswalo teto ti engeteleriwile eka n'wina sweswi, nakona mi Vakreste, nakona ma—nakona ma pfumela leswaku—leswaku Ngati yi nghenisiwile embilwini ya n'wina, nakona—nakona—nakona leswaku mi rivaleriwile eka vudyoho hinkwabyo bya n'wina.

<sup>390</sup> Leswi hi leswi swi tikaka ku swi vula eka n'wina vanhu. Ndzi khensa swinene, loko ndzi vona vanhu hinkwako. Nakona n'wina, ndzi—ndzi swingaleswi...

<sup>391</sup> A ndzi switivi leswaku leswi i ntiyiso, kambe swi fanele kuva hi ndlela ya leyo, nkarhi wun'wana. Wa vona, swi fanele ku ta eka sweswo, nakona swi nga hava sweswi. Wa vona? Eka ndlela hinkwayo, misava yi taya emahlweni. Vanhu hambi swi ri tano va ta tama va hata eka altari, va ta tama va ha rila, kambe swi tava leswi swi nga ha endliki swa kahle. Wa vona? Va tava va fambile, wa vona, swi tava swi herile. Kutava ku nga hari na tintswalo. Mi swi tsundzuka sweswo. "Nakona xivandla xo hlawuleka xi tava lexi xi nga na musi." "Loyi a thyakeke, a tshami a thyakile; loyi a lulameke, a tshami a lulamile; ni loyi a kwetsimaka, a tshami ari karhi a kwetsima." Ka hari hava tintswalo tin'wana, loko Xinyimpfana xi ta teka Buku; hi swona sweswo, sweswo hi swona hinkwaswo. Nakona swi languteka hinkwaswo ka swona hi vunyingi swi nga hava sweswi.

<sup>392</sup> Kumbexani hi na siku rin'wana; kumbexani namuntlha hi rona siku lero. Kumbexani mundzuku i ro he... Kumbexani vusiku bya namuntlha i vusiku byo hetelela. Kumbexani leri i lembe ro hetelela. A ndzi switivi, vanghana. Ndza mi byela, a ndzi switivi. A swi kalanga swi vuriwa eka mina.

<sup>393</sup> Kambe loko Xikwembu xi ta teka vito lero ro hetelela kutani xi kutsula kusuka eka Buku ya leyo ya Vutomi, sweswo swi tava swi helerile. Wa vona, ya ngaka ya nga havi kona, hi ndlela yin'wana. Ya ngaka ya nga havi kona, hi ndlela yin'wana. Hi swona hinkwaswo sweswo. Swi herile.

<sup>394</sup> I vangani lava va swi tivaka leswaku i Ntiyiso? [Nhlengeletano yi ku, "Amen."—Muhleri.] Hi swona. I—i Ntiyiso. Sweswi hi nga ha titwa...

<sup>395</sup> Kutani ndzi vona nhlengeletano leyi ndzi nga yi chumayelela niku yi tshinya, eka malembe lawa hinkwawo, ni ku vona Hungu tani hi leri ndzi...leri ndzi—ndzi nga ri tisa eka xivumbeko lexi xo encenyeta. Nakona ntsena tsundzukani, ndza swivula leswaku mi ta kota ku swi twisisa, xivumbeko xo *encenyeta*; swin'wana swo tala swi nga hava ntsena nkarhi hinkwawo swi mi ninginisa mi va swiphemu-phemu, wa vona. Kambe ntsena ndzi swi tlurile, a ndzo titwela ku swi endla, hikuva a ndzi na ntiyiso wa swona. Loko ndzi ngari na ntuyiso wa laha ndzi nga kandziyelaka kona, ndzi nga ha kandziyela hi ku olova, wa vona, kambe ndzo mi byela ntsena.

<sup>396</sup> Yingiselani. A mi tsakanga xana? Xana ku nga hava na swin'wana leswikulu, leswi mi nga ha ehleketa ha swona, leswi mi nga swi endla evuton'wini bya n'wina?

<sup>397</sup> Ku nga humelela yini loko swo va swi herile sweswi? Ku nga humelela yini loko hinkwaswo swo va swi endlekile? “Oho,” mi ri, “Makwerhu Branham, kumbexani...” Ina, ndza switiva. Va nga haya emahlweni. Va swi endlile, nkarhi wun'wana. Ndzi swi hlamsuserile sweswo niku swi khorwisa hi Matsalwa, wa vona, misava yi ya emahlweni yi vumbuluka kuya emahlweni, kambe a swi endlekile. Wa vona?

<sup>398</sup> “Vuhunguki bya ku chumayela byi ponisa lava va nga lahleka. Nakona i vuhunguki, eka vanhu. I vutlharhi bya Xikwembu.” Wa vona? Xikwembu i Moya. Xi tirha hi tindlela ta ximoya, wa vona, kuva xi endla mahlori ya Xona; tindlela leti ti hlamarisaka. Kambe, hi vanhu, hi na makumu. A hi switivi; ntsena hi languta ehenhleni ka leswi hi nga ta swi vona. Kambe Swin'wana leswi swi nga endzeni ka hina...

<sup>399</sup> Loko mi huma eka kamara lero lahwani, loko mi nga se tshama mi swi twa mi swi vona evuton'wini bya n'wina, mi nga se tshama mi vona nhlikanhi, mi ta switiva leswaku mi hundzile kusuka eka kamara leri lahwani, kuya laha dyambu ri nga tlhava kona kumbe swin'wana. A ku kufumela. Mi nga ha swi twa. Loko ku ngari na vutitwi bya mimiri ya n'wina ku swi hlambanya, mi ta switiva, oho, kuhava mahlo yo swivona. Ku hava ndlela yo vona minsinya ya rihlaza, ku vona ntumbuluko; a mi kalanga mi va na mahlo, ku hava munhu loyi a ri na wona. Mi ta switiva leswaku mi le vukoneni bya swin'wana; matitwele ya n'wina ya ta mi byela sweswo. Mi ta switiva sweswo. Loko ndzi nga ringeta ku mi byela, “Ri dyambu. Ri tlhavaka minseve. Ri kombisa swin'wana.” Wa vona, mi ta swi tiva leswaku a ri ri kona hikuva mi nga ha ritwa hi switwi swa n'wina. A hi swona xana? [Nhlengeletano yi ku, “Amen.”—Muhleri.]

<sup>400</sup> Sweswi, ha switiva leswaku Kreste u kona kwala. Wa vona? Kumbexani a mi N'wi voni hi mahlo ya n'wina. Wa vona? Kumbexani a mi swivoni. Kambe ku ya hi xivono, ndza

mi byela, U kona lahawani. Ha N'wi twa. Ha swi tiva leswaku ku na Swin'wana lahawani laha switwi swa hina swi nga swi hlambanyeki. I Moya wu swi hlambanya, leswaku Kreste u kona kwala.

<sup>401</sup> Ndza titwa leswaku U hi kutsurile. Ndza titwa leswaku mavito ya hina ya le Bukwini ya Yena. Ndza pfumela leswaku hi kutsuriwile hi Ngati ya Xinyimpfana.

Ndza mi rhandza, nakona ndza switiva leswaku marhandzana.

Oho, a ku kateki xibohi lexi xi bohaka  
 Timbilu ta hina erirhandzwini ra Xikreste;  
 Xinakulobye xa miehleketo ya wa rikwerhu  
 Xi kotisa lexi xi nga eHenhla.

<sup>402</sup> Hi fanele ku titwisa xisweswo eka un'wana. Wa vona, ha boheka, hi fanele ku ti twisa xisweswo eka un'wana. Wa vona? Hikuva, tani hiloko hi rhandza un'wana, ha xi rhandza Xikwembu. "Xana u nga venga makwerhu wa wena loyi u nga n'wi vona, kutani u ku u rhandza Xikwembu Lexi u nga xivonangiki xana?" Hi fanele hi rhandza un'wana. "Rirhandzu lerikulu a ri kona emunhwini kutlula Loyi a vekeke ehansi Vutomi bya Yena eka nala wa Yena, leswaku va nga hava vanghana va Yena." Oho!

<sup>403</sup> Xana ma ri tiva risimu leri nge, *Kukatekile Xibohi Lexi Xi Bohaka?* A swi sasekanga xana? Ku katekile xibohi! Xana u nga hi nyika khodo ya rona lero, sesi, kwalaho? Ntsena ri tlangi nyana.

<sup>404</sup> Ku nga humelela yini loko ku herile? Ku nga humelela yini loko Xiyenge xa Vunharhu, xi ri ekuteni sweswi, kuri ku chumayelela lava va nga lahleka? Ku nga humelela yini loko swifananiso swi ya eku kombisiweni sweswi? Nakona hina hi nghenile, nakona hina hi nghenile, xana swi tava swi nga sasekanga sweswo xana? I xinakulobye xa njhani!

Oho, ku katekile xibohi lexi xi bohaka  
 (lahawani hilaha xi swi endlaka)  
 Timbilu ta hina erirhandzwini ra Xikreste;  
 Xinakulobye xa miehleketo ya wa rikwerhu  
 Swi kotisa . . .

<sup>405</sup> A kuri yini sweswo? Xinakulobye xa miehleketo ya varikwerhu. "A ku te ku Fuma ka Wena. A ku endliliwe ku rhandza ka Wena." Wa vona?

<sup>406</sup> Hi ringeta ku endla Xikwembu leswaku xo va—va jaha leri ri tisaka nkateko, musoriwa kumbe swin'wana, "Xikwembu, endla *leswi*, endla *sweswo*."

<sup>407</sup> Yesu u teri, "Khongelani mi ku, 'A ku te ku Fuma ka Wena. A ku endliliwe ku rhandza ka Wena emisaveni, tani hiloko ku endliliwa eMatilweni.'" Kutani, Matilo ya tisiwile ehansi eka

hina, na hina—hina hi yisiwa ehenhla eMatilweni, nakona hi tshamile etindhawini tale Tilweni sweswi eka Kreste Yesu. Hinkwerhu hi pfumela leswaku Hungu lero ri Ntiyiso, leswaku Yesu Kreste, N'wana wa Xikwembu, wa hi kutsula.

<sup>408</sup> A hi pfaleni mahlo ya hina sweswi hi yimisa mavoko ya hina, loko hahari yimbelela.

Ku katekile xibohi lexi xi bohaka  
 Timbilu ta hina erirhandzwini ra Xikreste;  
 Xinakulobye xa miehleketo ya wa rikwerhu  
 Swi kotisa... (Yana emahlweni ni ku ri  
 chaya.)

<sup>409</sup> Sweswi, ku ri hava n'wayitelo na wun'we. Lowu a hi nkarhi wo n'wayitela. Hi ku enta ka ku tshembheka, loko risimu lero ra ha chayiwa, a hi tlhavulaneni mavoko na loyi a nga ekusuhi na wena, mi ku, "Xikwembu a xi ku katekisi, Mukreste," hi ku tshembheka.

<sup>410</sup> Xikwembu a xi ku katekisi, Makwerhu Neville. [Makwerhu Neville a ku, "A xi ku katekisi na wena, Makwerhu Branham!"—Muhleri.] Makume nthanan-kayne wa malembe hi vukhale. ["Hi swona sweswo."] Tindlela to leha!

Xikwembu a xi ku katekisi, Makwerhu...?...

Sweswi a hi N'wi yimiseleni mavoko.

Loko hi handzuriwa,  
 Swi hi nyika xitlhavi lexi xi yaka emahlweni;  
 Kambe hambi swi ri tano ha ha ta hlangana  
 hi khomana hi timbilu,  
 Ni ku tshembhela ku tlhela hi hlangana  
 nakambe.

<sup>411</sup> Sweswi a hi korhamiseni tinhloko ta hina, kutani, hi ri kun'we, hi ngari ku swi tiveni leswaku mundzuku i hi khomel yini, eka lowu nkarhi, hi ngari eku swi tiveni handle ka leswi swi nga hundza. A ndzi switivi. A ndzi nge swivuli. A ndzi nge swivuli. A ndzi switivi. Kambe emahlweni ka timhaka leti hi nga tipaluxa mixo lowu, a hi khongeleni xikhongelo lexi Hosi yi nga hi byela xona. Ni loko xi ri xona, "A ku te ku Fuma ka Wena. A ku endliwe ku rhandza ka Wena." A hi swi endleni kun'we.

<sup>412</sup> [Makwerhu Branham na nhlengeletano va vula xikhongelo lexi hi rito rin'we, kusuka eka Matewu 6:9-13—Muhleri.]

...Tatana wa hina la nge matilweni, vito ra wena a ri Hlawuriwi.

A ku te ku fuma ka wena. Ku rhandza ka wena a ku endliwe misaveni, tani hiloko ku endliwa matilweni.

U hi nyika namuntlha vuswa bya hina bya siku rin'wana na rin'wana.

*Hi rivalele milandzu ya hina, tani hiloko na hina hi rivalela van'wana lava nga ni milandzu ka hina.*

*U nga hi yisi miringweni, kambe u hi lwela ka lowo biha: Hikuva ku fuma i ka wena, na matimba, na ku kwetsima, hilaha ku nga heriki. Amen.*

<sup>413</sup> Sweswi ha ha korhamisile timbilu ta hina. Bibele yi teri, "Va yimbelerile risimu, kutani va huma." Tsundzukani, loko va tava va swi endlile sweswo eMatsalweni, swi hikokwalaho ka kuva va vambile ministri wa Xiyenge xa Vumbirhi wa Hosi, nakona Xiyenge xa Vunharhu a xi tilulamiserile ku nghena. Tiawara tintsongo endzhaku ka sweswo, U tlhandlukele etiheleni a ya chumayelela lava va nga lahleka lava va nga ala tintswalo ta vona.

<sup>414</sup> Khodo ya *Ripfumelo Ra Mina Ri Languta Ehenhla Eka Wena.*

Ripfumelo ra—ra mina ri languta ehenhla eka  
Wena,

Wena Xinyimpfana xa Xihambano,

Muponisi wa matimba;

Sweswi ndzi yingisi loko ndza ha khongela,

Susa vudyoho bya mina hinkwabyo,

Hambi kuri ku ndzi pfumelela...kusukela  
namunttha

Vana Loyi a kwetsimaka!

Loko ndzi kandziya vutomi bya munyama  
eka nhlangano wa tindlela to tala,

Kutani ndzi rhendzeriwa hi maxangu,

A kuve Wena Makomba-ndlela wa mina;

Lerisa munyama wu ncincela eka nhlikanhi,

Hlantswa nhlomulo, u susa ku chava,

O ndzi pfumeleri namunttha

Vana Loyi a kwetsimaka!

<sup>415</sup> Hosi a yi mi katekisi, yi endla N'wana wa Yona na tintswalo leswaku ti hatima ehenhleni ka n'wina. Kutani Hosi a yi mi nyiki Vutomi lebyi nga Heriki, ni kuva na n'wina lahwani emisaveni leyi, nale ka misava leyi yi nga ta ta endzhaku ka leyi. Na, Vutomi lebyi byi nga Heriki, leswaku mi nga ha N'wi tirhela eka tinguva ta nkarhi lowu wu nga ta ta.

<sup>416</sup> Loko lowu wuri wona nkarhi, nakona hi fikile eka ndhawu ya leyo, a ndzi na tingana hi leswi ndzi nga swi chumayela. Nakona loko kuri hi leswaku ministara un'wana na un'wana a fanele hi ku yima na nhlengeletano ya yena kutani va avanyisiwa, tani hilaha ndzi swi voneke eka xivono, ndzi khensa Evhangeli leyi ndzi nga yi chumayela, hikuva ya ha ri Evhangeli yo fana ni leyi Paul na valavaya va nga yi chumayela.

<sup>417</sup> Ndzi tsakile ha n'wina. Ndzi tsakile hikokwalaho ka kuva miamukerile Kreste tani hi Muponisi wa n'wina. N'wi rhandzeni, kutani mi khongela.

<sup>418</sup> Kutani ndzi ta mi vona ndzhengha wa namuntlha, loko Hosi yi swi rhandza, hi awara ya nkombo, kona kwala ekerekeni. Xikwembu a xi mi katekisi. Mi nga ha tshuxeka mi ti fambela.



*MIMoya LEYI YI NGA EKHOTSWENI SWESWI* TSO63-1110M  
 (Souls That Are In Prison Now)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Hukuri 10, 1963, eBranham Tabernakele eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
 58 DISA ROAD, ADMIRAL'S PARK, GORDON'S BAY 7140 WESTERN CAPE  
 REPUBLIC OF SOUTH AFRICA

VOICE OF GOD RECORDINGS  
 P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)